

# JESÚS ORÉCAMACĪ FINÓCAFUIAĪ

## Los Hechos de los Apóstoles

---

### Ñuera Joreño billífue uícodo llogáuai

**1** <sup>1</sup>Cue izíruiga Teófilomo nane omo cueticue. Cue nánoidibemo nana Jesús bie éniemo illa llezica nanómona ie llogáfuiyai ie finócafuiyai diga omo cueticue. <sup>2</sup>Ua ie monamo jáillarui mo finócafuiyai cueticue. Nai monamo ie jáiñena llezica ie orécamacina nizede. Níziano Ñuera Joreñodo íaioina llote nie izói finóllena. <sup>3</sup>Ie tñilla meífodo, Jesús dáamie cómena íaioimo cíocaide. Cuarenta dígarui uáfori cíocaifirede. Afe ciónanuedo ie cáanano ñue uáfueña daíitate. Afe llezica Juzíñamui illáimana illíruído íaioimo úrite. <sup>4</sup>Orécamaciri illa llezica, Jesús íaioina rairuide Jerusalémona oni jáiñeillena. Íaioina daide:

—Cue Moo uafue uai llote: “Ie Ñuera Joreño ómoimo fecáacade.” Afe fecállirui omoi úinori, nani ómoimo cue llua izói. <sup>5</sup>Uáfueña Juan fia jáinoido báutizade. Mei íadi íanori íllamona Ñuera Joreño ótiomoi, —daide.

### Jesús caifo monamo jáillafue

<sup>6</sup>Jesumo gairíllano jicánotiaioi:

—Ocuíraima, ¿ua birui Israel nairai illáimaillena meine caimo itátaitio?

<sup>7</sup>Jira Jesús uai ote:

—Moo afefue finóllirui ómoimo ónonide. Dama afémiemo ríno afefue finóllena ite. <sup>8</sup>Mei íadi Ñuera Joreño ómoimo bíadi, ríno ótiomoi. Iemona cuedo úrizaitiomoi, ua Jerusalem, nana Judea éniemo Samaria énie diga. Ua jamánomo jica ite itínuiamo llujítiomoi, —daide.

<sup>9</sup>Daí daina meífodo, nana íaioi éroillamo, afémie caifo ráiñuano monamo uiga. Iemo mona ero úillie íena ferínote. Iemona jaca íena cíóñediaioi.

<sup>10</sup> Jesús caifo jáidemo monamo eróioidiaioi. Afe llezica mena come úzecuero jítada íaioi abimo cíocaide. Juzíñamui abi faillinoi.

<sup>11</sup> Daidífaillinoi:

—Galilea íñíai, ¿nibái mei monamo eróioidiomoi? Dámie Jesús, afe ómoimona caifo úilliedo jáidimie, afémie ie jáillana omoi ciona izói daje izói meine ana biite, —daide.

### Judas meifo méidollena Matías nizédiaioi

<sup>12</sup> Ie mei Olivo ídumona oni jáillano abido Jerusalemo bitíai. Jerusalén áinori afe idu ite. Ua ocózinai llaruído macácana jailla daa kilómetro dieze izói ite. <sup>13</sup> Afe jófuemo dúciillano caifófecomo íaioi ífirenenomo jáidiaioi. Bie íaioi mámeciai: Pedro, Santiago, Juan, Andrés, Felipe, Tomás, Bartolomé, Mateo, Alfeo jító Santiago, Iere Járidotimacimo dúidimie Simón, Santiago ama Judas. <sup>14</sup> Nana afémaci dáanomomo gairífirediaioi Juzíñamuimo úrillena. Afénomomo Jesús ámatiai gairífirediaioi, ie ei María diga naa jíáie ringóniari.

<sup>15</sup> Aféruillaído Pedro afe ámatiai dainámaci cígiri caifo náidaillano úrite. Afe ámatiai ciento veinte dígamiede. Afémacina daide:

<sup>16</sup> —Amatai, Ñuera Joreño Cuegáuaimo Davido llote: “Judas meifo cai cígiri méidolle jítárede,” daide. David cuegáuai uícodo llote: “Judas Jesús lláitaitimaci ífoite.” <sup>17,18</sup> Mei jii, afe Judas dani cáimona. Bie cai táijina afémie dibénemo ite. Mei íadi afe meífodo címoi cúinano ágüicaillano caifona ifo dinena éniemo baiíde. Baiíllamona ie jebe bójicaide. Afemona nana ie eromo ítnuiai jino cocide. Afe mei ie fiénidífue iba úcubedo ja ie raillíbiri íbádiaioi. <sup>19</sup> Jerusalén ítmaci áfena íaioi fídiano, afébirina “Acéldama” jítádiaioi. Afe mámeciai íaioi uaido dibéneo “Die illábiri” dáiiacade.

<sup>20</sup> Mei jírari Salmos íbénicomo daí daide:

Daí o jofo zóofefíteza

Buna afécomo íñeilleza.

Jiáífuedo daide:

Afémie táijina jíáima ólleza,

—daide.

<sup>21</sup> Cai Ocuíraima Jesús nana cai diga illáruillaído cairi macádino birui cai cígimo ítíaioi. <sup>22</sup> Jesús báutizaruimona, ie monamo jáillaruimomo cairi jáicadiaioi. Mei jira afémacimona dáamie cai dájellena jítárede, Jesús meine abido cáaillafuemo uai nabáillena.

<sup>23</sup> Jira dainámacimona mena come oni naidánetaioi. Dámie daámani mámecirede: José Barsabás Justo. Jiáimie Matías. <sup>24</sup> Ie mei Juzíñamuimo úritiaioi; daidiaioi:

—Cai Ocuíraima Juzíñamui, nana comini comeci onódimiedioza. Bíaiillinoimona o nizécamie caimo onótari orécamie táijina finóllena.

<sup>25</sup>Afe táijinamona Judas ie fiénidifue ícoinia oni baiíde. Baiíllano dama ie zefuínallinomo jaide.

<sup>26</sup>Iemo onótaraji dotádiaioi. Jae Matíasmo nájide. Afe llezícamona afémie once orécamiiaimo dájena jaináicaide.

### Ñuera Joreño billafue

**2** <sup>1</sup>Pentecostés irui ráfueмо jae dúcide. (Afefue güille jofu óinarui rafue.) Afe rafue dúcidemo jae nana dáanomomo gairírdiaioi. <sup>2</sup>Ie mei rairéficana minica izói ficire monámona cácaicaide. Jairifo riire jáiñua izói cácaicaide. Nana íaioi ráiinaco eromo cácaicaizaibite. <sup>3</sup>Iemona íffiaí izói iráiciai íaioimo cfoacaide. Nana illa dígamierie íaioimo nájizaibitiaioi. <sup>4</sup>Afe llezica nana Ñuera Joreño úicaigaiaioi. Iemona jíaie náiraiaí uáillaído como úritiaioi; mei afe Ñuera Joreño íaioi úritade.

<sup>5</sup>Aféruillaído Jerusalemo aillo judúuai náganuaiaimona bitíaioi. Ua íaioi Juzínamuimo jitáirede finóllifuaí fnuaibitiaioi. <sup>6</sup>Afe riire ficírenana cacáillano comini dáanomomo ofídiaioi. Niie izói comeci fácana onóñediaioi nágazie dani íaioi uáillaído íaioi cacana jira. <sup>7</sup>Abi fáigacaidiaioi; daidíaioi:

—¿Nana bie úiriraini Galiléamona bitímaci; uáfueñede? <sup>8</sup>Nágamierie dani cai uaido íaioi úrillana ¿niie izói cacáfiredicai? <sup>9</sup>Benomo nágaziaí ite: Partía imaci, Media imaci, Elam imaci, Mesopotamia imaci, Judea imaci, Capadocia imaci, Ponto imaci, Asia énie imaci, <sup>10</sup>Frigia imaci, Pamfilia imaci, Egipto imaci, Africa illánie Cirene batífenemona bitímaci diga. Afe dáanomomo áinori ite romano imaci gairírdiaioi. Bie románomana dáarie judfona jococa. Jíái romano imaci judúuai Juzínamuimo ínuafuena jeire otíaioi. <sup>11</sup>Afe llezica Creta imaci bitíaioi Arabia imaci diga. “Mei íadi Juzínamui caimare llogáfuaí ñue finócafuaí diga, nágamierie dani cai uáillaído cacádicaí,” daidíaioi.

<sup>12</sup>Nana fáigacaidiaioi. Iaioi comeci fácana onóñediaioi; jira jicánotiaioi:

—Nana bie caimo comuídifue, ¿niie izói caina daiíacade? —daidíaioi.

<sup>13</sup>Mei íadi jíáimaci íaioi uai áifeduardo daidíaioi:

—Bimaci jífáidiaioi, —daidíaioi.

### Comínina Pedro dainafue

<sup>14</sup>Ie mei Pedro once diga orécamaciri náidaillano comínimo riire úrite; daide:

—Judea comini naa Jerusalemo itínuiari cácarei. Bie ráfuena omoi onoiri. Dáíitiecueza ñue omoi cacáreiri. <sup>15</sup>Bie íñiaí jífáíñedimaci omoi comeci faca ízoi. Jitoma nai fuiri dáidemo. Jítiramo díbénemo comini jaca jífáífinidiaioi. <sup>16</sup>Bifue jíáifodo ite. Afe bifue uai lloiraíma Joel jaiaí uícodo llogáuai. Afémie daide:

17 Juzíñamui ómoína daide:

“Tirairuillaído cue Joreño nana náiraiaina, jainoi tua izói  
fáicanocaiñeno íaioina úcaítaiticue.

Omoi jítótíai jízatíai díga cuedo úritíaiói.

Jitócomini nicaído ciónafuíai izói cíoítíaiói.

Einamaci ñuera nicaído nicáiritíaiói.

18 Aféruillaído cue Joreño cue táijítagamíaina naa cue táijítaga  
ringóníairi ñue úcaítaiticue.

Iemona cuedo úritíaiói.

19 Caifo monamo jacínaitadinona cótaiticue;

Aféruimo ana éniemo onótajafuena fñoitícue.

Afe onótajafue díena cótaiticue; iraina cótaiticue, jamánomo irai úlliena  
cótaiticue.

20 Afe monado jítoma jítirefícaite, fiui díe izói jáite.

Daíí iite caí Ocufráima Jesucristo billíruimo nai dúcíñenia.

Afémíe billírui iere ebíreitírui.

21 Nana Juzíñamuimo íaiói canóllena íemo jicádino jíllóbicaítíaiói.”

Aquíe izói Juzíñamui Joeldo daide.

Iemo Pedro nai úrillano daide:

22 ‘Mei jíi, Israel naíraí cue daííllífueмо cácarei. Nazaret ímie Jesús omoi  
uícóri Juzíñamui ñue facácamié. Uafue aillo fáigatate ráaniaído ñue facátaga.

Daíí Juzíñamui omoi cígiri afémíedo finode. Aféfuíaina ñue fidídiomoíza. 23 Mei  
íadi afémíe omoi fecállírui mo máiano uítá fatfomoi, Juzíñamui jaiái uícodo  
comécíitífuíai onótafuíai díga dáina izói. Uafue fiénidímacido íena coráitíamoi.

24 Mei íadi Juzíñamui afe tílla cuinaca raa zuita izói, zúitano íena meine cáatate.

Mei tíllafue jaca íena anáfenonide. 25 Mei illáima David Jesudo úrillano daide:

Ocufráimana cue uíécóri cíófrédicue.

Afémíe cue nabézimo izói ite, minícana cue jáicaiticue.

26 Ie jira cue comeci cáimafuena iere ite, afe llezica cue fuemo ite  
cáimafuíaido úritícue.

Afe jira daje izói cue íeizi ñue ocózinaitaiticue, mei tíllamona meine  
cue abína cáataítio.

27 Mei jíi cue joréñona tídínomo fiénocaiñeítio.

Afe izói o izíruiга táijítagamíe abí rifáillana ráírúitio.

28 Cáatátinomo jóoide io cue llófuetio.

Cue díga o íllado, cáimafuena cue oruítaítio, —daíí daide David.

29 ‘Amatíai, cácarei. Caí jáiaíragíma David tíide raíga uáfodo onórede.  
Afe raíafu nai caí díga íteza. 30 Mei afe David uai llóráima. Jaiái  
Juzíñamui uícodo uafue llóllena ríífuedo íena daide:

—O emódoidíziemona dáamié Cristoite. Afémíe o illáimana illánomo  
ráinaite, —daide. 31 Jira daíí David, uícómo ciona izói Cristo meine abído  
cáaíllafuedo úrite. Afe izói daide:

—Cristo joreño tíidinomo fiébiñeite. Ie íeizi rifáillana rairuícaza, —daide. <sup>32</sup>Mei jii Juzíñamui afe Jesuna meine abido cáatate. Aféfuemo nana cai uai nabáiraimacidicai.

<sup>33</sup>Daí Juzíñamui nabézimo Jesús naidánega; naidánia meífodo Móomona uícodo lloga Ñuera Joreño fecállifue llíinote. Llínuana nana bie omoi ciona, omoi cacana raa finode. Nana aféfuiai afémiemona bite. <sup>34,35</sup>Mei David monamo jáiñedimie, mei íadi dama David daí daina:

“Caifoide Ocuíraima cue Ocuíraimana daide:

—Cue nabézimo rainai, o éoidino cue anáfenolliruimo, —daide.”

<sup>36</sup>‘Nana Israel nairai, mai comeci jizíñeno omoi onoiri: bie omoi coraica Jesús Juzíñamui Ocuíraimana itátate: Crístona itátate, —aci dinó Pedro daide.

<sup>37</sup>Aféfueña cacáillano, iere comeci llícitagaiaioi. Afemona Pédro mo jicánotiaioi jáie orécamaci diga:

—Amatiai, ¿niie izói ñéiticaí?

—daidíai.

<sup>38</sup>Ie jira Pedro uai ote:

—Omoi illafue Juzíñamui uíecomo meídori. Omoi nágamierie Jesucristo mámecido báutizatari. Omoi íaifuiái oni dófilleza. Daí Juzíñamui ie Ñuera Joreño ómoína úicaiteza. <sup>39</sup>Afe bie uícodo llogáuai ómoie. Daje izói o jítótiai ie. Daje izói nana jícarie itino ie; ua aféuai nana cai Ocuíraima Juzíñamui uáidogamací íena, —daide.

<sup>40</sup>Aféuailaído dáanomo jáie uáillaído Pedro íaioi lluno daide:

—Bie duere finóbitimacimona omoi jíllloiri, —daide.

<sup>41</sup>Mei daí afémie úrilla uaina jeire otino diga báutizagaiaioi. Aféruído Jesumo finotimacimo tres mil dígamíiai dáaziena jánacaidiaioi. <sup>42</sup>Nana bimaci orécamaci llófuiafue mo jáicina jáidiaioi. Afe daí conímamo ñue coméciidiaioi. Afe llezica Juzíñamuimo úrifirediaioi, ie mei gairíllano Jesús jae firaicaíño güilla izói finódiaioi.

### Nano fueñe finotino illafue

<sup>43</sup>Aféruillaído nana jácaidiaioi; mei aillo cíorainafuiái naa onótate raa diga orécamaci finódiaioiza. <sup>44</sup>Jae nana finotino ñue dájena itíaioi, íemona íaioi ráaniai conímamo jeruñeno ífirediaioi. <sup>45</sup>Mei jii íaioi illábiri jáie ráifide raa diga fecádiaioi. Fécanona afe úcube nágamíiai imaci jitailla izói jofo conímamo fecáfirediaioi. <sup>46</sup>Nágaruillaído gairíracomo gairídiaioi. Íaioi jófue mo pan fécano dáanomo cáimafuedo, comeci mánainafuedo güitíaioi. <sup>47</sup>Juzíñamui íóbitaoidiaioi. Afe llezica nana comini afémacimo ñue coméciidiaioi. Afe daí cai Ocuíraima nágaruído afe finotimacimo jáie jíllloizaibitimaci dáamacina itátate.

### Aidaima jíllotate

**3** <sup>1</sup>Jáíruido jítoma ana ítemo Pedro Juan diga gairíracomo jáidiaillinoi. Afe Juzíñamuimo comécido úrioína llezica.

<sup>2</sup>Nágaruillaído jocóinamona aidaima dinomo ífirede. Ie comini gairíracomo íena úífirediaioi. Uillano afémiena nazemo ie ráinaifirediaioi, jofo jáioidinomona dúecaillano fecaca úcube jicállena. Afe naze mámeçi Ebíredize. <sup>3</sup>Aidaima Pedro Juan diga gairíracomo jofo jáillana cíoillano dúecaillano fecaca úcube íaillinoimona jicade. <sup>4</sup>Mei jira Pedro Juan diga íemo érocaidiaillinoi. Pedro íena daide:

—¡Caimo érocai!

<sup>5</sup>Iemona afémie náicaide. Começi anado daide: “Ñibai minícana cue iite.” <sup>6</sup>Iemo Pedro íena daide:

—Cue úcubenidicue; óronidicue; mei íadi cuemo ítena o íiticue. Nazaret ímie Jesucristo mámeçido náidacai. Maca, —daide.

<sup>7</sup>Iemo Pedro onoi nabézido íena naidánete. Afe daií fínua llezica ie idai mairíbicaide, ie idácoñuui diga. <sup>8</sup>Iemona aidaima caifo tícacai. Caifo náidaillano macade. Afémie íaillinoi ja jofo gairíracomo jaide. Tícatíacana jaide. Juzíñamuimo íóbitaoidé. <sup>9</sup>Nana comini ie mácana ciódiaioi. <sup>10</sup>Aferi iere jacínáificaidiaioi naa abi fáigacaillafue diga, afémie daií náidacaillari. Afémiena onódiaioiza. Afémie Ebíredize mámeçiredizemo ráiifiredimie, gairíracomo úcube jicáfiredimie.

### **Pedro comínimo Salomón jinófenemo macáranomo llófuete**

<sup>11</sup>Jíllotaga aidaima Pedro Juan diga íaillinoiido nínijicaide. Aféfuerei fáigacaillano nana comini gairíraco dibénemo jáidiaioi. Salomón jinófenemo macáranomo Pedro, Juan, aidaima diga illánomo afe comini aizícana jáidiaioi. <sup>12</sup>Pedro áfena cíoillano comínina daide:

—Israel nairai, cácarei. ¿Omoi minícari fáigacaidiomoi? ¿Ñibái mei cócomo eróizabitomoi? Bie iima dama coco rínodo jíllotano macátaticoco, nibai daií comécido daidíomoi. Daje izói coco Juzíñamuimo ñue coméçinafuedo afefue finódicoco, daií nibai cócona comécido daidíomoi. Iadi aféfuiaido finóñedicoco. <sup>13</sup>Mei íadi jíáifodo joide. Cai jáiairagima Abraham, Isaac, Jacob diga, íaioi Moo Juzíñamui ie Jitó Jesumo baimo ñúefuena nitade. Afe Jesús ríimacimo omoi fecácamie. Pilato ie zuitáacana llezica áfena ráiruitomoi. <sup>14</sup>Aféruído jaícina nífuenidimie zuitátajana jicáñediomoi, mei íadi jíáifodo jicádiomoi. Come fatímie zuitátatiomoi. <sup>15</sup>Afe daií cáatatino fecádimie titádiomoi. Mei íadi Juzíñamui afémiena tíllanomona meine abido cáatate. Aféfuemo uai nabáiraímadicoco. <sup>16</sup>Bie dáamie Jesús mámeçido, ie mámeçimo ínuafuedo omoi ciona, omoi onoiga aidaima jae mairíbicaide. Afe Jesumo ínuafue íena ñue jaícina jíllotate, omoi uiécomo cíoçaidimie illa izói.

<sup>17</sup>Amatiai, onódicueza, mei omoi naa omoi illáiniri Jesuna fáiacana llezica omoi finócafueña onóñeno íena fatíomoi. Uáfueña omoi finócafueña onóñenano finódiomoi. <sup>18</sup>Mei íadi Juzíñamui ie uai

lloráimado uícodo daina uai bie izói fuitade. Aféuui daide: “Ie Cristo duere zefuállifue jitáirede.” <sup>19</sup>Mei ie jira omoi mácafuiai méidori. Omoi illafue Juzíñamuimo ñue jaícina jóoneri. Omoi íaifuiai oni muiñólleza. Iemona cai Ocuíraima Jesús caina cánuafuiai mánainaruillai izói caimo orérede. <sup>20</sup>Aféruimo nano uicódo ómoiena mamécamié Jesucristo Juzíñamui óreite. <sup>21</sup>Mei íadi birui Jesucristo monamo fiébrede, Juzíñamui naga rafue jaícina nai jóoneiñeilleza. Afe daí jaiáidiruillaimo ite ñuera uai lloraini daidíai. <sup>22</sup>Mei daí Moisés cai jáiairagimana daide: “Cai Ocuíraima Juzíñamui omoi ámatiaimona nahí uai lloráimana ómoimo óreite, Juzíñamui cue ória izói. Afémie ómoína nana daináfuiái jeire omoi óri. <sup>23</sup>Mei afe uai lloraima dainana jeire onédino Israel náiraímona oni táinocaite. Uáfueña íficaite.” Daí daide Moisés.

<sup>24</sup>“Mei daí nana uai lloraini, Samuélmona batine ite lloraini diga bie firairuillaido úrite. <sup>25</sup>Juzíñamui ie uai lloráinido uícodo daináuailai ja birui ómoiri jino llotátaga. Juzíñamui cai jaiáiragimacimo ibana ñuera raa finóllifue llote ñue omoi íllena. Afefue Abrahamo llote. Daide, “Nana énie nairai o emódomo comuídinodo ñue caimare ífcaitaíai,” daide. <sup>26</sup>Mei Juzíñamui ie Jitó caata meífoto nano fueñe ie Jitó ómoimo orede caimare omoi íllena, ómoimona nágamiíai ie íaí fue fáicanocaillena, —daide.

#### Pedro Juan diga ríiredino uicódo uiga

**4** <sup>1</sup>Pedro Juan diga nai comínimo úrioidemo, lletáriraini gairíraco úiñotino illaíma diga bitáíai. Daje llezica saduceo comini bitáíai. <sup>2</sup>Pedro Juan diga comini llófuetiaillinoi. Iaióina daide: “Comini tíllanomona cáatafue Jesudo ácataga.” Daí llófuiari como bitámaci ríicaidiaíai. <sup>3</sup>Iemona íaillinoína llaitádiaíai. Lláitano íaillinoína llavéracomo jítiramoidiruimo íbáidiaíai, ja nauízaila jira. <sup>4</sup>Mei íadi aillo afe úrillauai cacádino ínotiaíai. Afena ínotimaci dani íñíai facádúa cinco mil áinomo dúcide.

<sup>5</sup>Afe jíáiruimo Jerusalemo judúuai illaini, éinamaci, naa ocuífue llófuerainiri gairídiaíai. <sup>6</sup>Afe llezica afénomo lletáriraini illaíma Anás ite. Afe dáanommo ite Caifás, Juan, Alejandro naa lletáriraini illaini comíniri. <sup>7</sup>Iemo Pedro Juan diga atátiaíai. Atiano íaíai cígimo naidáneta jicánotiaíai:

—¿Nie ríinodo bífuiai finódiomicoi? ¿Bu mámedido bífuiai finódiomicoi?

<sup>8</sup>Mei jira Pedro, Ñuera Joreño úicaigamienaza daide:

—Nairai illaini, Israel éicomini, omoi cácarei. <sup>9</sup>Mei afe baie iráredimiemo como finoca ñúefuena jicánotiomoí. Mei ñie izói afémie jíllotaga daí daidíomoi. <sup>10</sup>Mei jira omoi uicódo jino uáfodo llóitico, nana Israel nairai fidíllena. Afémie omoi uicócori Nazaret ímie Jesucristo

mámecido, omoi coráicamie mámecido íocire ite. Afe coráicamie (Jesucristo) tíllanomona Juzíñamui meine abido cáatate. <sup>11</sup>Bie Jesús omoi jofo níraini oni dotaca jofocai izóidimie. Mei íadi afecai uálliraina jáizaide. <sup>12</sup>Nie jáímiemo jíllonafue ñede. Jesucristo jáíe daiítade jíllotaraimana caimo ñede, afémiedo cai jíllloillena. Ua nana éniemo daiítade jíllotaraimana ñede, —jaca dinori Pedro daide.

<sup>13</sup>Iemona ríimaci Pedro Juan diga méaicaiñeno úrillafue cacáillano, íaillinoi llófueñegaiailinoi íllana fídia llezica, iere fáigacaidiaioi, jamáimieillinoi illa jira. Iemona ríimaci bíailinoi Jesudo macádino daí íaillinoimo úbicaidiaioi. <sup>14</sup>Afe emódomo jíllotaga aidaima dinomo íaillinoi abiri naidaide. Ie jira aféfuena jáanoicana daíñide. <sup>15</sup>Mei jira gairídinomona íaillinoína oni orédiaioi, dani jofo conímamo íaioi úriacana jira. <sup>16</sup>Daidíaioi:

—¿Bie iima íaillinoína nie izói ñéiticaí? Mei jíi, nana Jerusalemo bitino bie cíorainina onótate raa íaillinoi fínuafuena onódiaioi; mei aféfuena jáanonidicaí. <sup>17</sup>Mei íadi mai íaillinoi cai jácidolle, afefue comínido jamánomo jalléínellena. Afedo íaillinoína ráiruíticaí, Jesús mámecido ja benómona batine úriñeillena, —daidíaioi.

<sup>18</sup>Mei jira íaillinoína jíritiaioi. Iaillinoi dúcidemo ocuítiaioi:

—Jesús mámecido jíi mai due jiza úriñeno iri. Afe daí llófueñeno iri, —daidíaioi. <sup>19</sup>Mei íadi Pedro Juan diga uai ote:

—Juzíñamui uíecomo nífue baímo ñuena comeci omoi faca: omoína ñue cai cacáreillena, níbai jáífo Juzíñamuína ñue cai cacárellena.

<sup>20</sup>Mei jíi cai cíonafue cai cacánafue diga aféfuemo úrillana fáicanidicaí, —daide.

<sup>21</sup>Mei jira ríimaci íaillinoína jácidotiaioi. Ie mei íaillinoína zuitádiaioi. Iaillinoi duere finóllifue baiñédiaioi; nana comini afe fínuu jira Juzíñamuimo íobioidiaioiza. <sup>22</sup>Afe cíoraininafuedo jíllotaga aidaima, afémiemo cuarenta fimona baímo ite.

#### **Ínotino méaicaiñenafue comeci ríino diga jícadiaioi**

<sup>23</sup>Pedro Juan diga íaillinoi zuitaina mei íaillinoi nabáñiaí illánomo jáidiaillinoi. Dinomo afémacimo nana lletáriraini illaini éinamací diga íaillinoína dáinana llotíaillinoi. <sup>24</sup>Aféfuena cacáillano nana dánomo Juzíñamuimo úritiaioi. Daidíaioi:

—Cai Ocuíraíma, O Juzíñamuína; mona, énie, monailai naga ráaniairi finódimiedo. <sup>25</sup>O Ñuera Joréñodo, o tájíitagamie Davido daidio:

¿Níbaí mei náiraíai caillfoidiaioi?

¿Níbaí mei comini táinofuiaímo comeci facádiaioi?

<sup>26</sup>Enie illaini Juzíñamuína ie Cristo diga anáfenuaíbitiaioi.

Daje izói jofue illaini Juzíñamuimo ofídiaioi ie Cristo diga áfedo afémiemo fuiríllena, —daide.



27‘Uafue bie jófueno Herodes, Ponico Pilato diga o nífuenide Jitomo fieni gairídiaioi. Afénomo jicánemaci Israel comíniri fieni gairídiaioi, mei íadi omo jaináidimie Jitó illáimana ja jáitatio. 28 Afe fieni íaioi gairíllafuedo nana o úcomo uaido finócafuiaimo dáinana finódiaioi. Afe daí íficaillena jitáiretadio. 29 Cai Ocuíraima Juzíñamui, mai birui cai íaioi jáciduamo eroi. Jae o táijitagamacidicai. Afemona ñue méaicaiñenafue caimo fecari, o úrillauai jino jáicaiñeno cai llóllena. 30 Afe llezica omo ite ríinodo comini íaioi dúicomona ñue jíllotari. Afe izói o nífuenide Jitó mámevido ciórainina onótate raa finori, —dínori daidíaioi.

31 Juzíñamuimo íaioi úrilla fúillamona afe íaioi gairíllano docáiricaide. Afe llezica nana Ñuera Joreño úcaigaiaioi. Iemona Juzíñamui úrillauai méaicaiñeno jino llotíaioi.

### **ñinotimaci íaioi ráaniaina jeruíneno “Nana caie” daidíaioi**

32 Afe aillo iraica ñinotimaci dáaziena nana ñue jaináidiaioi. Ua daje izói dájemo comeci facáoidiaioi; daje comeci jitailla uai íaioimo ite. Buna afémie ráaniaina “Dama cueie” daifñede, mei íadi nana comini íaioi ráaniaina “Nana caie” daidíaioi. 33 Orécamací Ocuíraima Jesús cáanafueno aillo ríinodo uai nabáioidiaioi. Juzíñamui nana comínina iere caimátaitade. 34 Íaioi cígiri jitáiredena ráanidimie ñede. Nana íbácana énieredino jofóredino diga áfeniaí fécano afe oga úcube atfdiaioi. 35 Atiano orécamacimo izájidiaioi. Iemona orécamací nágamierimo íaioi jítaina dieze fecádiaioi. 36 Afe izói íaioi cígiri Leví íze ímie finode. Afémie mámeví José. Monáillai zafedu Chípremo jocócamie. Orécamací éna jíáie mámevína jitádiaioi. Afe mámeví Bernabé daina Fíradimie. 37 Afémie ie illánie fecade, fécano afe íba úcube orécamacimo izáibite.

### **Ananías Safira diga finoca íaifue**

**5** 1 Mei jíáimie Ananías, ie ai Safira diga, daa illánie fecádiaillinoi. 2 Bímie nano baa nieze úcubena jeruide. Jíáie dájeze úcubena nana ñue ite ízoi orécamacimo izájide. Aféfuena ie ai nana ñue onode. 3 Jira Pedro éna daide:

—Ananías, ¿níbái mei Taife o comécina féitate, Ñuera Joréñomo taino o llóllena? ¿Níbái mei o illánie nano nieze feca íba úcubena abimo maiñódio, daí jífueridio? 4 ¿Nano fueñe afe énie óieñede? Jíí, óie. ¿Afe o fécaja mei afe úcube óieñede? Jíí, óie. ¿Níbái mei daí afe finóllena comeci facáidio? Comínimo taino lloñédio, mei íadi Juzíñamuimo taino llotio, —daide.

5 Ie jira áfena cacáillano, Ananías éniemo baiíllano túbicaide. Nana afefue fídiaíbitino iere jacínaitiaioi. 6 Mei jira nano ba niga jitócomini bite. Ie abí jabínota ie raíájidiaioi.

7 Afe mei tres horas íllamona Ananías ai jofo bite. Nai ie ini tíllana fidíñede. 8 Jira Pedro jicánote:

—Cuemo llone, ¿afe ómicoi daina dieze afe énie fecádiomico?

Jira afengo daide:

—Jii, áfeze.

9 Jira Pedro daide:

—¿Nibái mei dáafueritiomico, Juzíñamui Ñuera Joreño o ico facátallena? Jino batí o ini raiájidino bitíaiói. Jabe daje izói ona úitiaíói.

10 Afe llezica afengo Pedro anamo baiíllano tíibicaide. Jitócomini jofo billano afengo tíllana cíoizaíbitiaíói. Mei jira jino uillano ie ini abimo íena raiájidiaíói. 11 Nana Juzíñamuimo ínotino nana aféfuiaina fidídimaciri iere jacínaitiaíói.

### Aillo ciórainina raaniai onótate raa diga

12 Aféruillaido comini cígiri orécamací aillo onótate raa, ciórainina ráaniai diga finódiaíói. Nana Salomón jinófenemo macáranomo gairídiaíói. 13 Buna jiáimacimona íaiói diga daane gairíllana jacíruitiaíói; mei íadi comini íaioimo ñue izire coméciidiaíói. 14 Aillo comini ííñiai ringóniai dájeze Ocuíraima Jesucrístomo ínuaiíbitiaíói. 15 Uafue jamánomo ínotiaíói. Mei jira iráredino jofo abí íuemo, naa íaiói bíralluairi jino biródiaíói. Afénoimo Pedro áfedo jaille llezica afémacimona nano dámierie, Pedro jana anamo itábicaítiaíói. Afedo jíllozítiaíói. 16 Afe llezica aillo áinomo ite jofue comini Jerusalemo bitíaiói. Íaiói iráredinuai atídiaíói fiénide jóriaído áífedogamací diga. Nana jíllotagaíaiói.

### Ríimaci illaini Pedro Juan diga duere finóllena llaitátatiaíói

17 Iemona lletáriraini illaíma, afémieoiri ite saduceo imaci iere úradoizaidiaíói. 18 Ie jira orécamacina llaitada afe jófuemo ite llavéracomo íbaízaidiaíói. 19 Mei íadi Juzíñamui abi ímie naío llavéraco naze tuizáíbite. Jino íaiói uánona daide:

20 —Gairíracomo omoi jai. Dinomo naidáíllano comínimo nana bie comece cáataite uáíllaido úrizairi, —daide.

21 Aféfuena cacáíllano, afe jiáírui monáídadacemo jofo gairíracomo jáidiaíói. Jáíllano llófuiaide.

Afe llezica lletáriraini illaíma afémiemo itínori, Nahíllaini gairíranomo gairídiaíói. Afe Nahíllaini Israel naírai écomini. Gairíllano llaveca orécamací atítatiaíói. 22 Mei íadi llavérraini llavéracomo dúciíllano orécamacina baiñédiaíói. Daa fia afefue abido lluáíbitiaíói. Daidíaíói:

23 —Llavéraco ñue riire ibaíde naa naze jinófene úíñotinori eróediaíói baizájidicai. Mei íadi cai zuitáícaímo afeco eromo buna íñena, —daídiaíói.

<sup>24</sup>Aféfuenta cacáillano lletáriraini illaíma, gairíraco úiñoraini illaíma, íemo nanoide lletárirainiri ifo júdaizite; jicánotiaioi:

—¿Bífuiái ninomo jica jálleite?

<sup>25</sup>Afe llezica daa íima daiízaibite; íaioina daide:

—Llavéracomo omoi íbaicogamiíai jae gairíracomo comini llófuetiaioi, —daide.

<sup>26</sup>Iemona úiñoraini illaíma naa llavérirainiri íaillinoi uájidiaioi. Mei íadi duere finóñeno íaillinoína atídiaoí, “Comínina nófiena cai níjite” daínano jacíruitaioi. <sup>27</sup>Iaillinoi átianona, Nahíllaini úcomo íaillinoína naidánetaioi. Iemo lletáriraini illaíma íaillinona daide:

<sup>28</sup>—Afe mámecido ómicoi llófueñellena jamánomo riire rairuídicaí. ¿Ja minica finódiomicoi? Nana Jerusalén comínimo ómicoi llófuaífuiaí jica jálleide. Afe llezica afe íima tíilla ícoína caimo nitácadíomicoi, —daide.

<sup>29</sup>Mei jira Pedro jíaíe orécamaci díga uai ote:

—Juzíñamui uai jeire cai olle comini llogáuai baimo ñuera. <sup>30</sup>Cai jáíairagíma Juzíñamui Jesuna tíillamona cáatate. Bie Jesús coráirabicímo agúñeta omoi fagámie. <sup>31</sup>Juzíñamui caífo monamo uano nabézimo íena rainade. Afe llezica afénomo Illáímana jóonete. Dáanomo Jíllotaraimana jóonete. Daií Juzíñamui Israel náiraímo íaioi illafue méidollirui jóonete, íaioi íaífuiaí dóllena. <sup>32</sup>Aféfue uai nabáiraímadicaí. Daje izóí Ñuera Joreño aféfuemo uai nabaide. Nana ñue cacáredímacímo afe Ñuera Joreño Juzíñamui iga, —daide.

<sup>33</sup>Aféfuenta cacana llezica, rícaídiaioi. Iaillinoína fáiacadiaioi. <sup>34</sup>Mei íadi ríimaci cígiri fariseo ímie ite. Afémie mámeceí Gamaliel. Afémie ocuífue llófueraima. Nana comini íemo ñue coméciidiaioi. Afémie náidaíllano ocuide:

—Nano dáallegoi bimaci oni jíáínomo ui, —daide. <sup>35</sup>Afe ifodo ríimacina daide:

—Israel comini, cacai. Baimácímo omoi finóllífue abí omoi rairuiri.

<sup>36</sup>Jíáífuemo omoi úibicaíri. Naui nígarui íllamona Teudas dúcizaibite. Dúciíllano daide: “Jamánomoidímiedícué. Illáímaitícué,” daide. Iemona cuatrocientos dígamie afémiedo jáidiaioi. Mei íadi íena fatíaioi. Nana afémiedo jáídino ráidozinaidiaioi. Iemona afefue niné táinocaide. <sup>37</sup>Afe mei comini mámeceí cuiájíllaruímo, Galilea ímie Judas dúcizaibite. Aillo comini íedo jáidiaioi. Daje izóí íena fatíaioi. Afe izóí nana íedo jáídino ráidozinaidiaioi. <sup>38</sup>Ie jira bimácina omoi fáicanocai; afémacina áfedeñoeno. Mei bifue íñíai íeza, fuizájite. <sup>39</sup>Mei íadi Juzíñamui ífue, táinocaitanidiomoi. Abi omoi rairuiri, Juzíñamui díga omoi fuírízaiñelleza, —daide.

<sup>40</sup>Nana jae jíeruíficaídiaioi. Mei jira orécamaci jíírítiaioi. Iaioi dúcínamona íaioína zechénotiaioi. Afe meífodo Jesús mámecido úrillana

íaiõina rairuídíaiõí. Afe mei íaiõina fáicanocaidíaiõí. <sup>41</sup>Orécamaci ríimaci uícomona jino jáidíaiõí. Ióbioicaidíaiõí, mei Juzíñamui íaiõimo ñue comeci facáoillaza. Jesudo jaináinamona méaifuedo duere zefuídíaiõí. <sup>42</sup>Ie mei nágaruido Jesudo úritíaiõí. Afe izóí llófueoidíaiõí. Gairíracomo, comíni jófuedo daje izóí llófuiaidíaiõí.

### Juzíñamui uai llotino canórainina siete dígamie mámeciga

**6** <sup>1</sup>Aféruillaído íinotino aillo jebuíoídiáiõí. Griego imaci judío imácina zúucaillafuedo jitáidíaiõí:

—Nágarui güille fécanomo cai fecínguai figo inégaíaiõí, —daídíaiõí.

<sup>2</sup>Mei femo doce díga orécamaci nana íinotinori dáanomo iráidíaiõí. Íaiõina daide:

—Juzíñamui úrilla uai jino llófueredícai. Afena cai fáicanocaillena dani omoi güille cai fecállena figónede. <sup>3</sup>Mei jira, ámatíai, omoi cígimona siete dígamie nize. Nana comínimona ñue coméiidímie izóidena jitaide. Ñue onódimiena jitaide. Ñuera Joreño úicaigamiena daje izóí jitaide. Ie mei daiñtadímíai güille fecárainina mai jóneri. <sup>4</sup>Mei cai dani Juzíñamuimo comeci facáoíticai. Afe llezica Juzíñamui úrilla uaido llófueíticai.

<sup>5</sup>Nana aféfuemo ñue coméiidíaiõí. Iemona Ñuera Joreño úicaigamie Esteban nizéidíaiõí. Afémie Juzíñamui uaina iere íinofiredímie. Daje llezica jáíimíai nizéidíaiõí: Felipe, Prócoro, Nicanor, Timón, Parmenas, Antioquía ímie Nicolás, nau nano afémie judúuai íaiõí íinoga uaimo dáafueriacadímie. <sup>6</sup>Ie mei orécamaci illánomo afémacina atídíaiõí. Atia mei orécamaci íaiõimo onoi bítno Juzíñamuimo úritíaiõí. Afedo güille fecárainina mamécaíaiõí.

<sup>7</sup>Iemo Ocuíraíma Jesucristo úrilla uai comínido oni mónaioicaide. Jerusalem o íinotino aillo jebuídíaiõí. Afe llezica aillo judúuai lletáriraini aféfuemo íinotíaiõí.

### Esteban llaitáidíaiõí

<sup>8</sup>Esteban Juzíñamui izóí ríinoredímie Juzíñamui ézicigamie. Ie jira comíni cígimo aillo cíórainina raa onótate raa díga finode. <sup>9</sup>Ie jira Rairuínegamací llófueriraco ímíiaimona dáarie Estébamo como fueñe ie finócafue júfiduaidíaiõí. Afe llezica Cirénemona dáamierie, daje izóí Alejandríamona, daje izóí Asia éniemo ite Cilíciamona: nana afémaci Estébamo afefue júfiduaidíaiõí. <sup>10</sup>Mei íadi íena anáfenonidíaiõí. Ñuera Joreño íemo iga úrillana fibíllafuedo úriteza. <sup>11</sup>Ie jira taino lloraini íbajidíaiõí. Afémacina llotíaiõí:

—Mai omoi daírí: “Esteban Moisená Juzíñamui díga fiénidíuaina dáinana cacádícai,”—daíí daíñtataíaiõí. <sup>12</sup>Aféfuedo comínina éinamací díga fáillífaillíñeítadíaiõí, daje izóí ocuícáfue llófueraini. Iemona

cirínvano íena llaitádiaioi. Lláitano Caifóidillaini uíecomo íena uitíaiioi.

<sup>13</sup>Afe izói taino uaillai nabáiraini jenódiaioi. Afémaci daide:

—Bímie cai ñue rairuírede gairíracomo báíñvano fáicanocaitañede. Jaca báíñofirede, daje izói ocuífafuemo. <sup>14</sup>Afémie dáinana cacádicaí. Afe daina daide: “Baie Nazaret ímie Jesús afe gairíraco júdaitaite. Moisés caimo iga finóllifuiái meídotaite,” —daíí daidiaioi.

<sup>15</sup>Iemona ríimaci naa dinó ráíiedínori, Estébamo eróillano, ie uíeco Juzíñamui abi ímie uíecona eróidena cíodiaioi.

### Esteban abi ie ríiduafue llote

**7** <sup>1</sup>Mei jira lletáriraini illaíma Estébamo jicánote:  
—¿Meita nana bífuiái uáfuiái?

<sup>2</sup>Jira afémie uai ote:

—Ñue coméciide ámatiaí, móotiaí diga, cue úrillamo cácareí. Cai ebíredínoredímie Juzíñamui cai jaíai nanóidímie Abrahamo cíocaide. Ua Abraham Mesopotamia éniemo illa llezica, afémie nai Haramo jaiáññena llezica, <sup>3</sup>Juzíñamui íena daide: “O illánie fiénocai naa o comíniri. Afemona omo cue llole éniemo o jairi.” <sup>4</sup>Mei jira Abraham Caldea éniemona oni jaide; jaíllano, Harán jófuemo nano nie dino ite. Dinomo ie moo tiilla. Iemona Juzíñamui Abraham afe bie omoí illíniemo atide. Ja birui aféniemo itfomoi. <sup>5</sup>Mei íadi ñie feci raana nai afémie Juzíñamui íena ñede. Afe izói due jiza ie macálliniena íemo fecáñede. Mei íadi Juzíñamui uícomo uáfuenta daide: “Bie énie óeíte. O tiilla meífomo o jítótiaí íeíte.” Mei íadi aféruillaído Abraham nai jítónide. <sup>6</sup>Nane dáanomo Juzíñamui íena daide: “O uícoidigima jíáimaci éniemo onínemaci izói íítiaioi. Dinomo afémaci rairuícamací izói íítiaioi. Dinomo cuatrocientos fimona duere finólliaioi,” daide. <sup>7</sup>Mei íadi nane dáanomo Juzíñamui daide: “Omoí rairuícamacina finódizie íaioi fiénidífuiái cue jicánolle mei, afémacina duere zefuítaiticue. Ie meífomo o comini afénomona oni jáítiaioi. Oni jaíllano, bíniemo cuemo ñue caimare táijizaíbitiaioi,” daide. <sup>8</sup>Juzíñamui Abrahamo daináuai íbana finóllifue llote. Afe llezica ie jítótiaí bacano icoí quetállena ocuíllado afe finóllifue uáfuenta onótate. Ie jira ie jító Isaac jócua mei ocho dígarui íllamona, Abraham ie jító bacano icoí quetade. Daje izói Isaac ie jító Jacóbona finode. Afe izói Jacob nana ie jítótiaína finode. Afe jítótiaí Israel doce diga naíraí moona jáidiaioi.

<sup>9</sup>“Bie Jacob jítótiaí cai nánoragimaciaí. Afémaci ie ama Josemo úradoidiaioi. Afemona afémiena fecádiaioi, Egipto éniemo úillena. Mei íadi Juzíñamui Joseri ite ie canóllena. <sup>10</sup>Nana ie zefuínaillamona zuitade. Ñue úrillana fibíllafue íemo ite. Faraón uíecomo ñue coméciidímiena Juzíñamui Josena itátate. Afe Faraón Egipto nahíllaíma. Afe Faraón Josena Egipto jabóllaímana mamede. Afe llezica daje izói dama Faraón jofe illáímana mameca.

<sup>11</sup>‘Iemona júbietaillafue nana Egipto éniemo baite aillo zefuñaillafue diga. Daje izói Canaán éniemo ite. Ie jira cai móotiai güllenidiaioi. <sup>12</sup>Mei íadi Jacob Egíptomo trigo íllana fídiano afénomo ie jítótiai orede. Afémaci cai jáiairagima. Bifue íaioi fueñe güille uájillafue. <sup>13</sup>Ie mei dáanomono nane jáidiaioimo, José ie ámatiai ie abina onótate. Afe llezica José ie ámatiai Faraómo cótate afémie íaioina onóillena. <sup>14</sup>Iemona José ie moo Jacob naa ie comíniri atítate. Afémaci setenta y cinco dígamiede. <sup>15</sup>Afe daí íaioimo íficaide Jacob Egíptomo jaiánillena. Dínomo afémie tíide; daje izói afénomo cai jáiairagimamona dáríe tíide. <sup>16</sup>Afe meífodo íaioi ícuruai Siquém illánomo uitá raiájidiaioi. Afe dínomo Hamor jítótiaimona Abraham ie comini ícuruai raillínuai íbade. Jira afénomo raiájidiaioi.

<sup>17</sup>Jaiái ninomo Juzíñamui Abrahamo uire ñue íaioi íllena rífrede uaido uáfueña llote. Afe uícodo daináuai fuizáillirui áinoziacademo, Israel nairai Egíptomo ñue jebuídiaioi; ua iere áillue náiraina jáidiaioi. <sup>18</sup>Afe llezica Egíptomo jiáie Faraón illáimaizaide. Afémie Josena onóñede. <sup>19</sup>Aféllaíma cai náiraina jífuate; cai jáiairagimacina duere finode. Cai como jococa úruiaína zófetade íaioi tñillena. <sup>20</sup>Aféruillaído Moisés jococa. Afémie ie dúeza illáruimona Juzíñamuina íóbitade. Afe izói ie moona ie ei diga íóbitade. Afe íaillinoi daámani fiui jofomo íena móonaitadiaillinoi. <sup>21</sup>Mei íena zófetarui dúcinamona Egipto illaíma nahí jiza íena abímo ote. Afengo jító izói afézana comúitate. <sup>22</sup>Ie jira afe Moisés Egipto comini nana onóigafuena llófuegamie. Iemona ie daináuailalai rífrede. Afe izói afémie finócafuai jamánomoide. <sup>23</sup>Ja afe mei cuarenta fimona illa llezica, Moisés ie nairai israelita comini méiñuaiacade. <sup>24</sup>Afénomo Egipto ímie Israel náiraimona dámie duere finóinana Moisés cíozaiide. Ie jira Moisés ie nairai ímie ríduaibillano Egipto ímie fate afe íba óllena. <sup>25</sup>Moisés comécido daide: “Cue ámatiai israelita comini Egíptomona fáicanocaillefue onódiaioi. Ua Juzíñamui íaioi cuedo fáicanocaitafuena fidídiaioi,” daide. Mei íadi áfena fidíñediaioi. <sup>26</sup>Afe jítiramoidiruido Moisés Israel ímiiaillinoi fúirienailana cíode. Iaillinoi fuiríllafuena llíicaitaacanano íaillinoína daide: “Omícoi daje ámadiomícoi. ¿Nibái conímana duere finódiomícoi?” daide. <sup>27</sup>Ie jira nabai duere finódimie Moisés oni ñuitade. Oni ñuita mei íaillinoimona dámie Moisenadaide: “¿Bu o cai cígímo illáimana jónegao? ¿Bu cai fiénidífue jicánoraímana jónegao? <sup>28</sup>¿Nauri Egipto ímie o faaja izói birui cuena fáiacadio?” daide. <sup>29</sup>Daí dáinana cacáillano, Moisés botade. Bótano Madián éniemo jaide. Dínomo jicánemie izói ite. Afénomo mena jítórede.

<sup>30</sup>‘Cuarenta fimona meífomo, Moisés amena figo inénazicímo mácajide. Sinaí idu áinomo ite. Afénomo Juzíñamui abí ímie boode íazafedínamo cíocaide. Afe irai bóoidínomo cíocaide. <sup>31</sup>Afena cíonamona Moisés

jabo fáigacaide. Afena ñue cóillena áfemo jofo áinozide. Ainozillano Ocuíraima Juzíñamui úrillana cacade. Afe uai daide: <sup>32</sup>“O nánoidimaci Juzíñamuidicue. Ua Abraham, Isaac, Jacob dieze Juzíñamuidicue,” daide. Jira Moisés jágieri cuidíricaide. Iemona dáanomomo áfemo eróillana jacíruite. <sup>33</sup>Iemona Ocuíraima Juzíñamui íena daide: “O eiba ico duiño, benó o naidáillano cue íllaza jamánomomo ñúenoza. <sup>34</sup>Cue comini Egíptomomo duere zefuillana ciódicue. Iaiói eehe cáilliana cacádícue. Jira ana íaioina zúitaibiticue. Jira cue dáinana cacai. Egíptomomo ona óreiticueza,” daide.

<sup>35</sup>‘Ja nano fueñe nana comini Moisenana jámairutiaioi. Iena jaiái daiízaidiaioi: “¿Bu illáimana mamécao, caimo jicánoraimana o íllena?” Mei íadi bóodinamo ciode Juzíñamui abi ímiedo Juzíñamui Moisenana zúitaitimienana orede, íaioi illáimana. <sup>36</sup>Jira Moisés cai jáiairagimaci Egíptomona jino bairódimie. Afémie bie éniemo ciórainina raa onótate raa diga finódimie. Afe izói Jiáirede Monáillaimo ciórainina dáinamona comuide raa finode. Afe izói cuarenta fimona íllamona zaféredizicimo íaioi illa llezica ciórainina raa finófirede. <sup>37</sup>Afe dáamie Moisés Israel comínina daidímie: “Juzíñamui dani omoi ámatiaimona uai llórainana ómoimo óreite, cue ie ória izói. Afémiemo jeire omoi óri.” <sup>38</sup>Afe Moisés zaféredizicimo comíniri itímie. Afe Moisés Sinaí ídumo itímie. Dinomo Juzíñamui abi ímie íemo úrizaibite. Afemona Moisés cai jáiairagimamo aféuai jino llotímie. Afe Moisés cáatatiuailai llíinote, afe uáillana caimo fiénocaillena.

<sup>39</sup>‘Mei cai jáiairagimaci íemo cacáreacañediaioi. Iena ruifruillano, meine Egíptomomo jáiacadiaioi. <sup>40</sup>Jira Aarona daidíaioi: “Cai uícodo ífoite juzíñamuillana caimo finóllena jitáidicai. Baie Moisés Egipto éniemona cai otímie, íemo itífuenta onónedicai,” daidíaioi. <sup>41</sup>Ie jira juráreto jiza jana finódiaioi; jiáie rílleniai fatíaiói afe jízato jánaraina finócamo fia fecállena íena ióbitallena. Mei íaioi ónoideo finoca raamo caimátaioidiaioi. <sup>42</sup>Ie jira Juzíñamui íaioimona oni jaide. Afemona Juzíñamui íaioina fiénocaide mona úcuaimo íaioi comeci facáoillena. Mei daíí uai llóraini rabénicomomo cuguái daide:

¡Israel comini, omoi cacai!

¿Cuarenta diga fimona íllamona zaféredizicimo rílleniai fatíomoi cuemo fia fecállena?

<sup>43</sup>Ieñede. Jiáífodo finódiomoi.

Taino juzíñamui Moloc ráiicaillacoji abimo máinuano úioicaidiomoi. Afe llezica jiáie taino juzíñamui Renfán ucúduna eroide jánaraímo jeire otíomoi.

Afe jánarai dani omoi finoca ióbitalle jánarai.

Ie jira omoi éniemona omoi otá Babilonia batífenemo ómoína óreiticue, daide.

<sup>44</sup>‘Cai jáiairagimamo Juzíñamui gairíraco ite. Afénomomo nofícomomo ciega ocuica uaillai éenotiaioi. Afe gairíraco Juzíñamui Moiseño ocuilla izói

niga. Nano fueñe Juzíñamui íena daide: “O ciónaco omo cue ácata izóí o nitátari,” daide. <sup>45</sup> Cai jáiairagimaci afe gairíraco feci raa izóí llínotiaioi. Ie mei Josué diga bitino jáíe nairai énie báirua llezica afeco atádiaioi. Afe éniemo itínuiai Juzíñamui oni jiude, íaioi meífomo ie comini illino finóllena. Afeco daíí dínomo ite David illáruillaído. <sup>46</sup> Illaima David Juzíñamuina ióbitade. Iemona Juzíñamui afe Davidna canófirede. Aféruillaído ie jáiairagima Jacob íinoga Juzíñamui illico nitátaiacade. <sup>47</sup> Mei íadi ie jitó Salomón Juzíñamui jofo ua nitátatimie. <sup>48</sup> Mei íadi jamánomo caifoide Juzíñamui, comini ónoído niga gairíracuaimo ífinide. Afe izóí uai lloraima daide:

<sup>49</sup> Caifo bie mona ua cue illáimana ráirano izoide.

Ie mei bie énie cue idai bitáoinanie izoide.

¿Níie izóidico cúeiena nitátaitio?

¿Nee cue ocózinairano?

<sup>50</sup> ¿Ua meita nana bie ráaniaina cue ónoído finódicue?

Jíi finódicue, —daíí Ocuíraima Juzíñamui daide.

<sup>51</sup> Nai Esteban afémacimo úroicaide. Daide:

—Mei íadi omoi comeci jaca Juzíñamuina rairuífirede.

Juzíñamuina onóñedimaci izóí jefónidiomoi. Juzíñamuimo

comécñedimacidiomoi. Ñuera Joreño llétafue jaca jeire onédiomoi.

Omoi jáiairagima izóidimacidiomoi. <sup>52</sup> ¿Ua meita omoi jáiairagima

nii uai llórainina duere finódiaioi? Nana íaioina duere finódiaioi.

Níi fígomie bíllana uícodo llotínona titádiaioi. Afe fígomie jae

dúcide. Iena fécano fatíomoi. <sup>53</sup> Omoi Juzíñamui abi ímiiaído

llogámacidiomoi, mei íadi ñue cacáreñedimoi, —daíí dinori Esteban daide.

### Esteban tíillafue

<sup>54</sup> Aféfuiaina cacáillamona, rícaidiaioi. Estébamo fuedo

gugúricaidiaioi. <sup>55</sup> Mei íadi Esteban Ñuera Joreño úicaigamie. Afe llezica

monamo érocaide. Dínomo Juzíñamui ebírenafuena ciode. Afe llezica

Jesús Juzíñamui nabézimo naidáinana ciode. <sup>56</sup> Ie jira daide:

—¡Ero! Mona túinana ciódicue. Nanoide Hima Jitó Jesús Juzíñamui nabézimo naidaide, —daide.

<sup>57</sup> Mei íadi afémaci jefo íbáidiaioi. Ráirerie caillóicana illíñana íemo

caizaidiaioi. <sup>58</sup> Jófue mona oni uitá nófiene ie níjidiaioi. Níjidino íaioi

emódodiroillai jitócome Sáulona maméidimiena úiñotadiaioi. <sup>59</sup> Nai ie

íaioi níjia llezica, Esteban Juzíñamuimo úrillano daide:

—Ocuíraima Jesús, cue joreño oni llíino, —daide.

<sup>60</sup> Ie mei ana dújullano, riire caillide. Daide:

—¡Ocuíraima! Bie fiénidifue ícoínia bimácimo jitáñeno iri, —daide.

Daíí daína meífodo tíibicaide.



### Saulo Jesudo gairírani racade

**8** <sup>1</sup>Fatímaci izói Saulo afémacimo coméciiuide. Aféruimona Jerusalemo ite Jesudo gairírani duere finóllena como fueñe judíuai jénuaidiaioi. Ie jira nana ínotimaci Judea énie fuédado ráidoizitiaioi; daje izói Samaria éniado. Dani doce dígamie orécamací Jerusalemo fiébitiaioi. <sup>2</sup>Iemona Juzíñamui raana duéruitimaci Esteban raiájidiaioi. Ieri aillo édiaioi. <sup>3</sup>Afe llezica, Saulo gairíramacina nai racáuide. Nágacuaido jenode. Afécuaimona íñiaí ringóniaí díga jino zónuano íaioina llavétate.

### Jesucristo ñuera uai Samáriamo llujídiaioi

<sup>4</sup>Ja birui Jerusalémona oni jáiredino, Cristo jíllonafue íaioi jáillanuaímo llujídiaioi. <sup>5</sup>Afémacimona dámie Felipe Samaria jófuego jaide. Dínomo Cristo ráfuedo íaioímo úrizaide. <sup>6</sup>Afe comini gairíllano Felipe dáinamo ñue cacáreidiaioi. Felipe finoca ciórainina onótate ráaniaí ciódiaioi. <sup>7</sup>Mei jira aillo fiénide jóriaímona jíllotagaiaioi. Afémacimona fiénide jóriaí caillícana oni jaide. Afe llezica aillo tízitaitimiiaí aidáimaiaí díga jíllotagaiaioi. <sup>8</sup>Aferi afe jofue comini iere caimátaioidiaioi.

<sup>9</sup>Mei íadí dáamie Simona mámeciredimie afénomo ite. Afémie ufcoidiruillaído aimana jaide. Afe jofue comini jífuete. “Jamánomoidimiedicue” daífiredimie. <sup>10</sup>Nana comini jabóidinomona ua nahíllaimamo dieze íemo iere cacáreidiaioi. Daidíaoi:

—Bímie caifoide Juzíñamui ríinona ígámie, —daidíaoi.

<sup>11</sup>Iere are ie aimánafuedo afémacina jífuete; ie jira íemo jeire otíaioi. <sup>12</sup>Mei íadí Felipe Juzíñamui illáimana illirui uai Jesucristo mámecí díga, íaioímo lloste. Aféuallana cacáillano áfemo ñue ínotiaioi. Híñiaí ringóniaíri dájerize ínotiaioi. Ínuano báutizagaiaioi. <sup>13</sup>Afe dama Simón ínuano báutizaga. Iemona afémie Felipe nabaina jaide. Afémie Felipe finoca áillue ciórainina raa onótate raa díga, áferi fáigacaide.

<sup>14</sup>Jae Samaria comini Juzíñamui úrillauai jeire otíaioi. Afe íaioi jeire uáfueña Jerusalemo ite orécamací fidídiaioi. Fidiano afénomo Pedro Juan díga orédiaioi. <sup>15</sup>Dúciillano Samáriamo ite ínotinori Juzíñamuimo jícadiaioi, Ñuera Joreño íaioi llínollena. <sup>16</sup>Mei afémacimona nímíemo Ñuera Joreño nai biñede. Dama Ocuíraíma Jesús mámecido báutizaga. <sup>17</sup>Afemona Pedro Juan díga íaioímo onoi bitade. Iemona daíí Ñuera Joreño úicaigaiaioi.

<sup>18</sup>Orécamací bimácimo onoi bítamona Ñuera Joreño bíllana Simón ciode. Ciónamona úcube orécamié íaillinoímo íoicana <sup>19</sup>daide:

—Jadí ríino cuemo ine. Afe izói ñie cómemo cue onoi cue jóoneadi Ñuera Joreño íemo bílleza, —daide.

<sup>20</sup> Jira Pedro íena daide:

—iNaa o úcube diga o táinocairi! Juzíñamui fecaca raa úcubedo ibárede daidio; daií comeci facádio. <sup>21</sup> Bífueмо o dúñedio. Bie coco táijinafueмо jaináñedio, o comeci jaícina Juzíñamuimo jóoiñena jira. <sup>22</sup> Bie o fiénidifue o fáicanocai. Juzíñamuimo izire o jicari o fiени comécido dainafue iba omo óñeilleza. <sup>23</sup> Ja onódicueza o comeci fílliru izói eríredeza. Afe íaifuiuido cuinácamiе izói itfoza.

<sup>24</sup> Jira Simón uai ote:

—Ocuíraimamo cuedo jicari, nana o cuena daináfuiaimona dafue cuemo níjiñeillena, —daide.

<sup>25</sup> Afénomo Crístomo ñéfue nitádiaioi. Daje izói Juzíñamui uáillaído úritiaioi. Ie meífodo, orécamiе íaillinoi Juzíñamui jíllolliuai aillo Samaria duera jófuiaimo llófuiaidiaillinoi. Ie mei Jerusalemomeine bitíaillinoi.

### Felipe Etiopía ímiemo úrite

<sup>26</sup> Afefue meífodo Juzíñamui abi ímie Felípna daízaibite:

—Náidacaillano, fuiri batí Jerusalemona Gaza jófueмо jóidiado o jairi, —daide.

Afeo zaféredizicido jóidio. <sup>27</sup> Iemona Felipe náidacaillano áfeodo jaide. Dinomo uiécodo jaide Etiopía ímie éidajide. Afémie illaingo abi ríimie. Afémie Etiopía illaingo Candace úcube úiñoraíma. Afe llezica afémie óinima. Naui uícodo afémie Jerusalemome Juzíñamuimo cáimadauide.

<sup>28</sup> Afémie abido ie éniemo jáizaide. Ie caballo zonóicaiga ráiiralloicimo ráiicana Juzíñamui uai lloiraíma Isaías cuegáuai facádote. <sup>29</sup> Afe llezica Ñuera Joreño Felípna daide:

—Jadíllaicimo ánozillano afénomo nabairi, —daide.

<sup>30</sup> Ainozillano, Felipe afémie Isaías cuegáuaillai facáduana cacade. Iemona íemo jicánote:

—¿O facádoga uaina meita onódio? —daide.

<sup>31</sup> Jira afémie uai ote:

—Cuemo jino llóitimie iñédeza, ¿niie izói ónoiticue? —daide. Iemona Felípemo caifo ie diga dáanomo ráiillena jicade.

<sup>32</sup> Juzíñamui Cuegáuaimona afémie facádoga uai áfena daide:

Oveja izói tíizaillinomo uiga.

Oveja jiza abi cuidódino uiécomo úriñedimie izói táiiide, afe izói afémie jaca níífuedo úriñede.

<sup>33</sup> Afémie iere jámairuigamiе; jaícinaidifueña íemo rairuídiaioi.

¿Ie ñue illáfuedo mei bu úrille?

Mei ie cáajano bie éniemona niné táinocaiide, —daide.

<sup>34</sup> Jira illaingo abi ríimie Felípemo jicánote:

—Cuemo llone, ¿bumo úrite uai lloiraíma? ¿Níbai dama íemo úrite? ¿Níbai jíáimieмо úrite? —daide.

<sup>35</sup>Jira Felipe afémie facádoga Cuegáuaimona Jesús úrillauai íemo jino llote. <sup>36</sup>Jainoi illánodo jailla llezica ríimie daide:

—Benomo ite jainoi. ¿Birui áfejido cue báutizanidicue? —daide.

<sup>37</sup>Jira Felipe daide:

—Nana o comécido o ínoiadi báutizarellio, —daide.

Jira afémie uai ote:

—Jesucristo Juzíñamui Jitoza áfemo ínoticue, —daide.

<sup>38</sup>Iemona jáiralloici moziñota ille diné jáidiaillinoi. Dinomo Felipe ie báutizade. <sup>39</sup>Illémona ari abido jáidiaillinoimo, Juzíñamui Ñuera Joreño Felípena oni uite. Iemona ríimie íena jaca nane cóñede. Mei dama ie éniemo caimare jaide. <sup>40</sup>Felipe nane Azoto jófuemo cócaizaide. Dinómoma naga jófuedo jíllonauai llócade. Ua ba Cesarea jófuemo fuizájide.

### Saulo comeci jíáifodo méiduafue

(Hch 22.6-16; 26.12-18)

**9** <sup>1</sup>Afe llezica Saulo Jesumo ínotinona fáiacanafuedo úrioide. Ie jira lletáriraini illámamo jicánuaide. <sup>2</sup>Daide:

—Llavétallibiaina cue ine, Damasco jofue gairíracomo cue jáilleza, Jesús uaimo ínotino cue jénuailleza. Afemona íñiaí naa ringóniári maitá Jerusalemo cue atílleza, —daide.

<sup>3</sup>Mei nai iodo jailla llezica, Damasco jófuemo ánozidemo, monámoma bite úzefo nágafene ie abimo úzere egáíñoacaide. <sup>4</sup>Iemona Saulo éniemo baíide; baílla llezica Jesús íena dánana cacade:

—Saulo, Saulo, ¿nibái mei cue racáido? —daide.

<sup>5</sup>Mei jira Saulo uai otá jicánote:

—Ocuíraíma, mei o ¿búido? —daide.

Jira aféuai ote:

—Cue Jesúsicue. Dama o racámiedicue. Aillue juráreto zaitáacademo jáiredizimo jiide. Afe izói ízitagamiedio. <sup>6</sup>Mei íemona Saulo jágeri cuidide; daide:

—Ocuíraíma, ¿ona nie izói finóredicue? —daide.

Jira Ocuíraíma uai ote:

—Náidacaillano baie jófuemo mai jofu jai. Dinomo o finóllifuenta omo llóitiaioiza, —daide.

<sup>7</sup>Sáulodo jaide comini aféuaina cacádiaioi íadi mei buna cóñediaioi. Aferi iere jacínaitiaioi. <sup>8</sup>Ie meífodo Saulo éniemona caifo ráinacaillano, érocaide. Mei ui botáicaide íadi éroinide. Mei jira daí ónoído jainátacana Damasco jófuemo íena uitiaioi. <sup>9</sup>Dinomo daruiámani uina cóñede. Afénomo minícana güñede, jiróñede.

<sup>10</sup>Afe Damasco jófuemo ínotimie Ananías illa, nímiemo Ocuíraíma nicáirilla izóidedo cócaide. Iena daide:

—iAnanías! —daide.

Afémie uai ote:

—Ocuíraima, benó iticue, —daide.

<sup>11</sup>Jira Ocuíraima íena daide:

—Náidacaillano, Deréchana mámecirede iodo jairi. Dīnomo Judas jofomo jicánori: “¿Ninomo ite Sáulona mámeciredimie, Tarso jofue ímie?” O dúcina llezica afémie Juzíñamuimo úrite <sup>12</sup>Ie úrioina llezica nicáirilla izóidedo ie uimo onoi bítaibitímie, Ananías mámeciredimiena ciode; áfemona nane ie ui ñue cíote, —daide.

<sup>13</sup>Afe uaina cacáillano Ananías daide:

—Aillo comini baie ímana cuemo llotíaioi. Afe llezica omo ínotinuíaimo nana Jerusalemo ie fiēni ínócafuiai cuemo llotíaioi. <sup>14</sup>Ja birui afémie benomo bite. Lletáriraini illaini llavétallibiai diga bite nana o mámecido jicáfiredino maitá úillena, —daide.

<sup>15</sup>Jira Ocuíraima daide:

—iMai jai! Afe ímana jae cue nizeca jíáie náiraímo cuedo úrillena naa íaioi illáiniri. <sup>16</sup>Afémie aillo cue náiraímo llóite. Afémie aillo cue ícoinia duere zefuállana íemo ácataitícue, —daide.

<sup>17</sup>Iemona Ananías Saulo illácomo jaide. Jofo jáillano íemo onoi bítajano daide:

—Ama Saulo, Ocuíraima Jesús o billa iomo omo cíocaidimie cue o ui meine abido cíollena ocuide. Afe dáanomo afémie Ñuera Joreño ona cue úicaitallena cuena daide, —daide.

<sup>18</sup>Afe daíí dáinamona, chamu icogi izoide ie uímona cúcoizite. Iemona nane ie ui meine cíoide. Afemona Saulo náidacaillano báutizatate.

<sup>19</sup>Afe meífodo güillano, ie rīno meine comúitate. Afe mei nano nígarui Damáscomo ite ínotinori fiébide.

### Saulo Damasco jófuego jino llófuerite

<sup>20</sup>Ie meífodo Saulo garíracomo jino llófuerizaide. Afénomo daide: “Jesús Juzíñamui Jitó.” <sup>21</sup>Nana afémiemo cacádino fáigacaillano daidíaioi:

—¿Ua meita bie nímiēde, naui Jerusalemo Jesús mámecido jicáfiredino racádímie? ¿Níie naui benomo bitímie lletáriraini illáinimo cai maitá úillena? —daidíaioi.

<sup>22</sup>Mei íadi Saulo jamánomo riire jino llófuerite. Jesús Crístonana jino uafodo ciótate. Mei jira Damáscomo ite judúuai Saulo ifona íritagaiaioi.

### Saulo judúuaimona jillode

<sup>23</sup>Diga iruillai jailla meífomo, judúuai dáanomo comeci fácana Saulo fállena maméritiaioi. <sup>24</sup>Mei íadi aféfuena afémie fidide. Naa mona naio diga jofue jino jáirazemo úiñoidiaioi ie fállena. <sup>25</sup>Mei íadi ínotimaci

áillue cirígaimo íena jóonetiaioi. Jóoniano afe jofue jinófene cirínuaila jinomo naio íena agüñetiaioi. Afe daí afémie botade.

### Saulo Jerusalemo illafue

<sup>26</sup> Saulo Jerusalemo dúciillano, Juzíñamuimo ñnotinori gairíacade, mei íadi nana afémiena jacíruitiaioi. Afémie ñnogafuena nai jeire oñédiaioi. <sup>27</sup> Mei íadi Bernabé íena uáidote. Iemona orécamiiaimo íena ácatajide. Afemona Saulo iomo Ocuíraimana cónafue íaioimo llote. Ie mei Saulo Damasco comínimo méaicaiñeno Jesús mámecido úrillafue íaioimo llote. <sup>28</sup> Jira Saulo Jerusalemo diga irui ite. Dinomo ñnotimaci diga macácaide. <sup>29</sup> Ocuíraima mámecido méaicaiñeno úrite. Griego uaido úritino judíuaimo úrite. Conímamo jicánua uai ua daí úrite. Iemona ie fállena mamédiaioi. <sup>30</sup> Jíáie ámatiai afefue fídiano, Saulo Cesaréamo uitíai. Dinómona Társomo íena orédiaioi.

<sup>31</sup> Ie meífomo nana Judea éniemo ite Jesús mámecido gairídino fírazitiaioi. Ja íaioi ñnogafuemo caimare náireicaidiaioi. Afe izói Galilea éniemo Samaria énie diga ite ñnotino fírazillamona riire náireicaidiaioi. Ocuíraima Jesús ñúefueri jácicaidiaioi. Ñuera Joreño íaioi cánuamona jebuíoicaidiaioi.

### Eneas jae jíllotaga

<sup>32</sup> Pedro jíáie ámatiai uáiduaila llezica, daje izói Lida jófuemo ite ñnotino éroizaide. <sup>33</sup> Dinomo Enéasna maméidimiéna cóizaide. Afémie ocho diga fimona bíramo biide ie tízitailla jira. <sup>34</sup> Iena Pedro daízaide: —Eneas, Jesucristo ona jíllotaiteza. Náidacaillano o bíra ñue fino, —daide.

Afemona Eneas raire jíllobicaide. <sup>35</sup> Lida jofue nairai aféfuena nana ciódiaioi naa Sarón náirairi. Iemona jaiái nano íaioi ñnogafuiai fáicanocaillano Ocuíraima llogáfuemo ñnotiaioi.

### Dorcas tíide meine abido cáanafue

<sup>36</sup> Aféruillaido Jope jófuemo ite ñnotingo. Afengo mámecei Tabita. Afe mámecei griego uaido Dorcas. Afe ringo ñúefuedo jáicade. Jitáidinona canófirede. <sup>37</sup> Aféruillaido afe Dorcas iráreizaide. Iemona tíide. Ie abi jócua meífodo oni caifóidicomo jóonetiaioi. <sup>38</sup> Lida áinori ite Jope. Aféruimo Pedro afénomo nai ite. ñnotino afénomo íllana fídiamona, ménamie orédiaioi íena daíllena:

—Jópemo jizíñeno raire biri, —daide.

<sup>39</sup> Iemona Pedro afémie íaillínoido jaide. Pedro dúcinamona, Tabita abi jóoinanomo íena uitíai. Nana fecíngotiai abido ífoína naidározillano éediaioi. Afe llezica nana Dorcas nauí ie caana llezica tífócacuiruai íemo ácatatiaioi. Emodo íroillai naa jíáie íníoillairi íemo ácatatiaioi.

40 Afécomona Pedro nana jino íaiói orede. Ie mei caiñici ifodo dújuillano Juzíñamuimo úrite. Tídingomo eróillano daide:

—Tabita, mai caifo náidacai, —daide.

Iemona afengo ui botáicaide. Pédro mo érocaillanona caifo ráinade.

41 Onoído llínota ie caifo naidánete. Afe mei ailli jino oreca fecíngotiai íemo ámatiai dainámaci diga abido jírite. Iemona afengo caade íaioimo izájide. 42 Afefue nana Jope jófuemo jállecaide. Iemona aillo comini Ocuíraimamo ínotiaioi. 43 Afe mei Pedro diga irui afe jófuemo fiébide. Igorai ídiai jinítaraima Simón jofomo ífirede.

### Pedro Cornelio uáiduafue

**10** 1 Afe Cesarea jófuemo Cornéliona maméidimie ite. Afémie fuíriraíni áillogüelli illaíma. Afe áillogüelli mámece Italiano.

2 Afémie naa dama ie comíniri Juzíñamuimo comece fácajano caimare úrite. Afe llezica Juzíñamuimo ñue jacríuioide. Daje izói aillo úcubena judúuaimo fecáfiredede íaioi canóllena. Iemo Juzíñamuimo nágarui úrifiredede. 3 Ie mei daarui jitoma ana ítemo nicáirilla izói ciode. Afe nicaí anado Juzíñamui abi ímie uáfodo cíode. Afe abi ímie jofo Cornelio illánomo jaide; jáillano íena daide:

—¡Cornelio! —daide.

4 Cornelio afe Juzíñamui abi ímie mo jacríuioicana érocaillano jicánote:

—Ocuíraíma, ¿bie mínica?

Iemona abi ímie íena daide:

—O jicánua Juzíñamui jae jeire ote. Daje izói jitáidino o cánuafuíaína jeire ote. 5 Mei jira Jope jófuemo íñiaí ore, Simón jírizaillena. Afémie jíáifodo mameína Pedro. 6 Afe Pedro jíái Simón igorai ídiai jinítaraima. Afémie jofo monáillai fuédamo ite. Afe Simón Pedro o finóllifue omo llóite, —daí daide.

7 Afe íemo úrite Juzíñamui abi ímie jáidemo, Cornelio mena tájítagamie jírite. Ie mei ie abi ímíiaimona daa ñúefuemo ínofiredede fuíriraíma jírite. 8 Nana Juzíñamui abi ímie íemo llogafue llua meífomo Jópemo íaioína orede.

9 Afe jítiramoidiruímo, nai afémaci iodo jailla llezica, Jópemo áinozidiaioímo, Pedro jaíciri illa llezica jofo emodo ibánimo Juzíñamuimo úrizaide. 10 Aillo jufínaillamona güíacade. Mei íadi nai güille íaioi fínua llezica, nicáirilla izoide ciode. 11 Afe nicaí anado mona tújicaillana cíode. Afénomona áillue iniroi izóidena nágafene zicai ícoínoga ana éniemo agüínana cíode. 12 Afe agüínega iníroimo naga táíide rílleníai ite, jaióniaí féedínuaí diga. 13 Iemona daa uai dáinana cacade:

—Pedro, náidacaillano fatá ríi, —daide.

14 Jira Pedro uai ote:

—Jii, Ocuíraima, ríñeiticue. Bácaca ríllena jaca riñédicue. Daje izói íairede ríllena riñédicue naa rairuica rille diga, —daide.

<sup>15</sup>Afe uai nane dánomo íena daide:

—Naga Juzíñamui dogá izói finoca rílleza íaire maméñeno iri, —daide.

<sup>16</sup>Afefue dacaiñoámáni íemo íficaide. Ie meífomo afe iniroi meine abido monamo jaide. <sup>17</sup>Nai Pedro afe nicáirillafuemo comeci facáoide. “Afe cue ciónafue nie izói daiíacade,” dáidemo, Cornéliomona orécamiiai nazemo náidazaíbitiaioi. Simón jofo jicánotiaioi. <sup>18</sup>Dúciillano aillo uaido jicánotiaioi:

—¿Simóndímie bicomó ite? Afémie jíáifodo mameina Pedro, —daidíaioi. <sup>19</sup>Nai Pedro nicáirillamo comeci facáoide, Ñuera Joreño íena daide:

—Cacai, damieámáni o jenódiaioi. <sup>20</sup>Náidacaillano ana billano jizire úriñeno íaioido jai, mei cue omo orécamiiaiza, —daide.

<sup>21</sup>Mei jira Pedro jofo emódobanimona ana billano Cornelio orécamací, nazemo náidaidinona daide:

—Cue omoi jenócamiedicue. ¿Nibái mei bitíomoi? —daide.

<sup>22</sup>Jira afémací uai otíaioi:

—Hlaíma Cornelio cai ória jira biticaí. Afémie ñúefuena nitácamie. Afémie Juzíñamuimo ñue jacíruioide. Nana judúuai íena ñue llínotiaioi. Iena iere izíruitiaioi. Juzíñamui abi ímie íena daide: “Jópemo comini oreri Pedro uáidollena, afe mei o jofomo Pedro bílleza.” Jira o uáíbiticaí. Dínomo Cornelio íena o daiíacallífuenta cácaite, —daidíaioi.

<sup>23</sup>Ie jira Pedro jofo íaioina ote. Afe naio ie diga fiébidiaioi. Afe jíáíruido Pedro afémací diga jaide. Afe llezica Jópemo ite ámatiaimona íena nabáioicaidiaioi.

<sup>24</sup>Afe jíáíruido Cesaréamo dúcidiaioi. Dínomo Cornelio íaioina úiñote. Afénomo bíllena ie llogámací ie comínimona, ie gaíga nabáíñiaimona dáanomo gairídiaioi. <sup>25</sup>Afécomo Pedro dúcia llezica, Cornelio jino íena llínuaibite. Jino billano Pedro anamo dújude, ie cáímadollena. <sup>26</sup>Mei íadi Pedro íena náidacaitano íena daide:

—Náidacai. Cue o izói énie ímiedicue, —daide.

<sup>27</sup>Nai afémie diga úrioina llezica, jofo jaide. Jáillano aillo gairídínona cóizaide. <sup>28</sup>Jira Pedro daide:

—Jae onódiomoi, judío ímie ie ínuafuaido jíáízie ímie diga nabáírinide. Daje izói ie jofomo jaille rairuírede. Mei íadi Juzíñamui jae cuena llófuete. Buna jíáimana comécina íáiredímie daiñide. Daje izói rofóciiredímie jíáimana daiñide. <sup>29</sup>Ie jira orécamiiai cue jíírilla llezica nie izói daiñeno jarire bitícueza. Mei jira nibái mei cue uáidotioza onócadicue, —daide.

<sup>30</sup>Ie jira Cornelio uai ote:

—Jae nagaámarui jáidemo, afe bie daje hóramo, benó cue jofomo gúíñeno iticue. Aféruimo jítoma ja ana ítemo Juzíñamuimo comeci

faiticue. Comeci faiano quenírede inícuiro jitáoidimie cuemo cíocaide. <sup>31</sup>Afémie cuena daide: “Cornelio, o jicánogafuiaina Juzíñamui cacade. Afe llezica jitáiredinomo o cánuafuiaimo Juzíñamui coméciide. <sup>32</sup>Jope jófueo ore Simón uájillena. Afémie jiáifodo mameina Pedro. Afémie jiáie Simón jofomo biruido ite. Jiáie Simón igorai ídai jinítaraima. Ie jofo monaillai fuédamo ite. Pedro dúcia o diga úrizaita,” daide. <sup>33</sup>Daí raire ona jenótaticue. Jira o bille ñuera. Birui nana benomo Juzíñamui uíecomo iticai. Nana Juzíñamui omo llotátagauai caimo o daíllena cacácadicai, —daide.

### Pedro Cornelio jofomo llófuetza

<sup>34</sup>Jira Pedro ja úrillano daide:

—Ja birui Juzíñamui jiáimana daa úradotatañedeza onódicue. <sup>35</sup>Mei íadi nizíemo itino íeri jáicaiillano ñúefuedo úritinona Juzíñamui íaioina llínofirede. <sup>36</sup>Israel cómogimacimo Juzíñamui úrite. Jesucristodo comece caimare uái illafue íaioimo llote. Afémie nana nairai Ocuíraima. <sup>37</sup>Nana judío éniemo comuídifuena ñue onódiomoi. Juan Bautista jino llujilla mei, comini báutizailla meífodo afefue Galiléamo como fueñe taineca. <sup>38</sup>Nazaret ímie Jesumo Ñuera Joreño ríno Juzíñamui ígaza onódiomoi. Afe Jesús ñúefue finócana jáillana onódiomoi. Afe izói nana Taife ríno anamo duere zefuédinona ie jíllotafuiaina onódiomoi. Aféfuiaina daí finode Juzíñamui ie diga jáicana jira. <sup>39</sup>Nana Jesús judío éniemo finócafuiái uai nabáiraimacidicai. Daje izói Jerusalén jófueo ie finócafuiái uai nabáiraimacidicai. Ie meífomo cruzmo íena coráiano íena titádiaioi. <sup>40</sup>Mei íadi Juzíñamui daruíamani íllamona abido íena cáatate. Ie mei afémiena caimo cíocaitade. <sup>41</sup>Nana comínido cíocaitañede mei íadi dani caimo cíocaide, Juzíñamui uícomo nizeca uai nabáiraimacidicaiza. Afe mei afémie tíllanomona meine abido cáanamona ie meífomo, afémie diga güiticaí; ie diga jiródicai. <sup>42</sup>Afémie Jesucristo rafue jino comínimo caina llotátate. Afe izói jiáífue caina ua nabáiritade. Afefue daide: “Juzíñamui afe Jesús tíidino cáadino diga íaioi fiénidifuiái jicánoitimiena ocuide. Cai aféfuemo uaina nabáitagamacidicai.” <sup>43</sup>Daje izói jiaíai ninómona nana uai lloraini Jesudo úritiaioi. Daidíaioi: “Nana afémiemo ínotino íaioi íáiredífuemona ie mámecido ñue dóficaitiaioi,” daidíaioi, —daide.

### Judúuaiñedino Ñuera Joreño como fueñe úicaigaiáioi

<sup>44</sup>Nai Pedro úrioina llezica, ie úrillauaimo cacáreidimacimo Ñuera Joreño nana íaioimo ana bite. <sup>45</sup>Jira Pédrodo bite ínote judúuai fáigacaidiaioi. Ñuera Joreño judúuaiñedinomo daje izói úicaigafueri fáigacaidiaioi. <sup>46</sup>Jae jiáizie uáillaido íaioi úrillana cacádiaioi. Afe llezica Juzíñamuimo íaioi íóbioinana cacádiaioi. <sup>47</sup>Mei jira Pedro daide:



—¿Birui bu mei ráiruille bimaci báutizallena; mei daa cai izói Ñuera Joreño úicaigaiaioi? —daide.

<sup>48</sup>Iemona Jesucristo mámecido íaioi báutizazigaiaioi. Ie meífodo Pédro mo izire jicádiaioi: “Nano nígarui cai diga iri,” daidíaioi. Daí fena jerúdiaioi, nano nígarui íaioi diga íllena.

### Pedro Jerusalemite ínotinomo llogafue

**11** <sup>1</sup>Judéamo ite orécamaci ámatiai diga, cómoicana jíáfuea fidídiaioi. Afefue daide: Judíoñedimaci Juzíñamui úrillauaina jae jeire otíaioi. <sup>2</sup>Pedro meine Jerusalemite jáidemo, judíuaimona dámierie ínotino Pédrone zanódiaioi. <sup>3</sup>Zánuano daidíaioi:

—¿Nibái judíoñedino uáiduidio? ¿Nibái íaioi diga güitio? —daide.

<sup>4</sup>Ie jira Pedro afefue nanómone nana ie finócafuiaí lloite; daide:

<sup>5</sup>—Jope jófue mo cue íadi, Juzíñamuimo úrifiredicue. Afe llezica nicai anado ciódicue. Afe nicai anado áillue iniroi izóidena monámone ana bíllana ciódicue. Aferoi nágafene zícáimo ícoínoga. Daí cue illánomo dúcide. <sup>6</sup>Afemo ñue eróidicue ie eromo itfnuiaina onóillena. Iemona afe eromo ite táicaide rílleniaina ciódicue. Afe dánomo jacírede rílleniaina ciódicue. Daje izói afénomo jáizai, íemo féedinuiaí diga íllana ciódicue. Nana afe ciona rílleniái bácaziga. <sup>7</sup>Iemo daa uai cuena dánana cacádicue. Daide: “Pedro, náidacaillano afe ríllemona fatá rii.” <sup>8</sup>Mei jira daidicue, “Ocuíraíma, dama ite. Jaca nanómone cue fúedo íáiredena riñédicue bácaie diga.” <sup>9</sup>Ie mei afe monámone cacaide uai dánomo cuena daide: “Juzíñamui doge rílleza íáirede daíñeno o iri.” <sup>10</sup>Afefue dacaiñoámani meine íficaide. Afe meífomo dánomo nana monamo meine jaide. <sup>11</sup>Afe llezica daamieámani cue illánomo dúcide. Afémaci Cesaréamone cue jenóllena orécamaci. <sup>12</sup>Ñuera Joreño afémacido cuena orede: “Due jiza jizíñeno afémacido jairi,” cuena daide. Daje izói baie seis ámatiai cuedo jáidiaioi. Nana cai daaco jofomo jáidicaí. <sup>13</sup>Afémie Juzíñamui abí ímie ie jofe eromo ie cionafue caimo lloite. Afe Juzíñamui abí ímie náidaillano fena daide: “Jope jófue mo nano nígamie ore, Simón jírizaillena. Dámie jíáfodo mameina Pedro. <sup>14</sup>Afémie ona dáiteza, nie izói o nana o comini diga jíllotioza,” daide. <sup>15</sup>Cue fueñe íaioimo úrizaila llezica, Ñuera Joreño imaci acónimo bite, nano fueñe cai acónimo billa izói. <sup>16</sup>Mei íemona Ocuíraíma daináfue mo úibicaidicue. Afefue daide: “Uáfuea Juan fia jáinoido báutizade, mei íadi Ñuera Joreño úicaigamacina ítiomoi.” <sup>17</sup>Mei jíi Ocuíraíma Jesucristomo cai ínuano Juzíñamui caimo iga Joreño, bimácimo Juzíñamui íacade. Afena fidíillano Juzíñamuido jarífeicana úriacañedicue. Jamai cómedicueza, —Pedro daí daide.

<sup>18</sup>Mei ie jira Jerusalemite ámatiai aféfuiaína fídia llezica, líicaidiaioi. Líicaillano Juzíñamuimo caimátaidiaioi. Daidíaioi:

—Ua afe izói judíoñedimacimo íaioimo fieni itifue méidollena jae Juzíñamui íaioimo fecade. Afemona daí jaca zíñona cáaillinona íaioimo ite.

### Antioquíamo ite Juzíñamuimo íinote gairídino

<sup>19</sup>Esteban íaioi faa llezica, jíáie íinotimacimo duere finótatíaoi. Dáarie Fenicia éniemo botádiaoi; jíáimaci Chípreno Antioquía díga botádiaoi. Dinomo afe núefue dani judíuai namácimo llotíaoi. Jíáimacimo llóñega.

<sup>20</sup>Mei íadi dáarie Chipre imaci, Cirene imaci díga íinotino Antioquía jófueмо dúcidíaoi. Dúciillano judíoñedinomo úrtíaoi. Afemona Ocuíraima Jesús úrillauai íaioimo llote íaioi jíllloillena. <sup>21</sup>Afe llezica Ocuíraima ríino íaioimo ite. Mei daí aillo comini nano íaioi jaiái íinogafuíai fáicanocaillano Ocuíraima Jesumo íinotíaoi.

<sup>22</sup>Afefue Jerusalemo ite íinotino jállecaide. Iemona afémaci Bernabé Antioquíamo orédíaoi. <sup>23</sup>Bernabé dúciillano, Juzíñamui cáimadogamací izói ciode. Aferi afémie iere íóbicaide. Nana íaioi llófue; daide:

—Nana caí Ocuíraimana fáicanocáñeno ie llogáfueмо jaícina omoi coméciiri, —daide. <sup>24</sup>Afe Bernabé comécina fígomie, Ñuera Joreño úicaigamie. Afémie Jesucrístomo izire íinofiredimie. Daí aillo comini Ocuíraima Jesucristo íena náamatade.

<sup>25</sup>Afe meífodo Bernabé Társomo Saulo júnuaide. Baillano Antioquíamo íena úite. <sup>26</sup>Dinomo daa fimona namónaze íinotino cígímo ñue fuitádiaillinoi. Afénomo aillo comini llófue. Afe Antioquíamo íinotino como fueñe Crístomo jaináidinona ja mamécaiaoi.

<sup>27</sup>Aféruillaído dámierie Juzíñamuimona llínoga uaillai lloráimaci Jerusalémana Antioquíamo jáizaide. <sup>28</sup>Afémacimona dámie Agábona mámeciredimie. Nana íinotino cígiri náidaillano daide:

—Nana bie éniemo aillo jamánomo júbie biite, —daide.

Ñuera Joreño ie comécimo llúamana afefue jino llote. Afe júbie daí bite Claudio illáimana illáruillaído. <sup>29</sup>Ie jira Antioquíamo ite íinotino comeci facádiaoi Judéamo ite ámatíai canóllena. Naga come íaioimo ite úcube díerize bai jóonetíaoi. <sup>30</sup>Afe daí ñeta, Bernabé Saulo íaillinoido afe iraica úcube Judéamo ite íinotino illáicomínimo orédíaoi.

### Santiago tíillafue Pedro llavéinafue díga

**12** <sup>1</sup>Aféruillaído Juzíñamuimo jaináidino duere finóllena illaíma Herodes nane júnuaide. <sup>2</sup>Iemo Herodes Juan ama Santiago lloéfaido titátate. <sup>3</sup>Afémie titátari judíuai iere íóbídiaoi. Aféfuena Herodes fidínamona nane Pedro lláitajide. Ja birui iráizillarullai. Afe iráizillarullaído fáitañega pan güitíaoi. <sup>4</sup>Pedro llaitada mei Herodes llavéracomo íena íbaicuaide. Dinomo cuatro dígagüelli íena úínotíaoi. Naga afe güéllimona cuatro dígamírie lláizíriraíne ite. Herodes comeci

facade pascua rafue meífodo Pédrona jino comínimo c'otallena. <sup>5</sup>Ie jira Pedro llavéracomo llaveda ñue úiñoga. Mei íadi Juziñamuimo gairídino íemo izire Juziñamuimo jicáoidiaioi.

### Juziñamui Pédrona llavéracomona jino oreca

<sup>6</sup>Herodes Pedro jino comini uíecomo óiacanarui uécodo, afe naio Pedro llavéracomo inide ñue úiñoga. Ná gafene onoi llóejina maiga úiñoraima íaillinoi jaináoigari inide. Afe llezica jíáie úiñoraima íaillinoi jino llavéraco naze úiñoide. <sup>7</sup>Iemo Juziñamui abi ímie raire c'ocaizaibite. Afe llezica llavéraco ero úzerecaide. Juziñamui abi ímie Pedro ciraigi teténote íena cazítate. Cazítano íena daide:

—Mai raire náidacai, —daide.

Iemona llóejillai Pedro ónoimona ana cocide. <sup>8</sup>Afe Juziñamui abi ímie íena daide:

—Mai o ciraigi tirínorafe jofo riire tirino.

O éiba ico jita, —daide.

Pedro daií abi fínua llezica Juziñamui abi ímie íena daide:

—O emodo jítaca árreroi jítada, cuedo bi, —daide.

<sup>9</sup>Iemona Juziñamui abi ímie óodana Pedro jaide. Afe abi ímie finócafue Pedro onóñedeza; nibai uafue nibai tánofue. Comeci facáoid: “Nícaí anado ciona izóidífueña ciódicue.” <sup>10</sup>Mei íadi fuéñeide jónetimiemona bai jújicaillano báifeicana jónetimiemo dúcidiailinoi. Ie mei afémiemona jújicaillano bai nazemo dúcizaidiaillinoi. Afe naze íbaira lloébani. Dúcidiailinoimo afe naze íbaira daíngo tújicaide. Jino jáillano bai iodo daallu macádiaillinoi. Ie mei Juziñamui abi ímie ie fiénocaide. <sup>11</sup>Iemona Pedro ñue onócaillano daide:

—Íco iere uáfueza. Juziñamui abi ímie cuemo orede Herodes cue llavéinamona cue zuitállena. Afe izói nana judúuai cue duere finóacanafuemona cuena zúitaibite, —daide.

<sup>12</sup>Aféfueмо coméciillano Juan ei María jofomo jaide. Afe Juan jíáifodo mameide Marcos. Afécomo aillo comini Juziñamuimo iere úrillena gairídiaioi. <sup>13</sup>Pedro afeco abi íbiri llaveca nazemo náidazaide. Náidaillano jofo ero imaci jíirite. Iemona Ródena mámecirede ringoza bu billa daiíllena eróizaide. <sup>14</sup>Mei íadi Pédrona uáimona onóillano, nazena tuiñoñeno, ióbicaillano meine jofo aizida llujáide:

—Pedro nazemo dúcina, —daiízaide.

<sup>15</sup>Jira íena daidíaioi:

—iUáiritaidio!

Mei íadi afengo daide:

—Uáfueña ñue lloticue; uáfueña Pedro dinomo ite, —afengo daiíoide.

Mei íadi afémaci íinoñeno daidíaioi:

—Pédroñedeza; fia ie joreño, —daidíaioi.

<sup>16</sup> Mei íaioi úrioina llezica, Pedro nazemo nai jírrioides. Afe meífomo naze tuiñoda íemo érocaidiaioi. Erocaillano jacínaitiaioi:

—Ua meita Pédrodio, —daidiaioi. <sup>17</sup> Mei íadi ónoideo:

—Mai omoi úriñoeno, lliicai, —daide. Iemona Juzíñamui llavéracomona ie zúitafue llote. Iemo íaioina daide:

—Bifue Santiágomo llujjiri nana jiáie ámatiairi, —daide.

Ie meífodo jino jaillano oni jiáinomo jaide.

<sup>18</sup> Jae monáizaidemo, llavécana úiñorainimo aillo riire júfidotiaioi, mei onóñediaioiza; daidiaioi:

—Benó cai úiñoega Pedro ¿niné jaide? —daidiaioi.

<sup>19</sup> Herodes Pédróna íaioina jenótate. Iena íaioi baiñenamona, nana úiñorainimo jicájicanode. Ie mei Herodes afeúñoraini fatátate, Pedro íaioi botata jira. Afe mei Herodes Judéamona jae oni Cesaréamo jaíanite.

### Herodes tñillafue

<sup>20</sup> Jae Herodes Tiro comini Sidón comini díga íaioiri icírrioides. Mei íadi afémaci dani comeci facádiaioi ie uíecomo cózoaibillena. Illaíma Herodes jabóidillaíma Blasto. Afémiena fairíotarediaioi íaioiri ñue nabáirillena. Afémiedo ñue caimare illifue Heródemo jicádiaioi. Ua izire jicádiaioi, íaioi gülleníai, illaíma Herodes éniemona íaioi ófiréna jira. <sup>21</sup> Ie jira Herodes íaioímo úrizailirui íaioímo llote. Aféruimo ebírede illaíma iniroi jítano illaíma ráiiranomo ráinade. Daí ñiano are íaioímo úrite. <sup>22</sup> Mei íemona comini caillfoicana íena daidiaioi:

—Bie úritimie ía cómeñedeza, afémie juzíñamui, —daidiaioi.

<sup>23</sup> Afe llezica Juzíñamui abi ímie Heródena iráretade Juzíñamuimo ñúefuena nitátañena jírari. Iemona afe Herodes aíáide tñilla.

<sup>24</sup> Iadi Juzíñamui lloga uai oni jalléicaide. Afe jalléinamona náganerie fidídiaioi.

<sup>25</sup> Bernabé Saulo díga íaillinoi afe úcube fñiaillano meine abido Jerusalémóna bitñiaillinoi. Aféillinoideo bite dáamie, Juan daínámie. Dáamie mámece Márcona.

### Bernabé Saulo díga como fueñe nágagobíai llócaidiaillinoi

**13** <sup>1</sup> Antioquámo ite gairíracomo nano niga uai jino llóraini ite naa llófueraniri. Afémaci mámeceai: Bernabé, Simón, Cirene ímie Lucio, Manaén, Saulo dígamiediaioi. Simón jiáífo mameina Negro. Galilea illaíma Herodes Manaén díga, dáanomo comuíaillinoi.

<sup>2</sup> Aféruillaído afémaci güiñoeno Juzíñamuimo caimátaidiaioi. Iemo Juzíñamui Ñuera Joreño íaioina daide:

—Bernabé Saulo díga oni eneno nizeri, cue ocuica raa íaillinoi jetállena.

<sup>3</sup> Güiñoeno Juzíñamuimo úrilla meífodo éinamaci íaillinoína ónoideo ézicita, daidiaioi:

—Mai, ómicoi jairi, —daidíaioi.

### Orécamaci Chipre éniemo llófuiaidíaioi

<sup>4</sup>Ie mei daií Ñuera Joreño íaillinoimo llujállamona oni Antioquíamona Selúciamo jáidiaillinoi. Dinómona állocaedo monaillai cigi záfedu Chipremo jáidiaillinoi. <sup>5</sup>Salamina ígobemo dúcizaidiaillinoimo judío llófueriracomo Juzíñamui uaillai jino llotíaiillinoi. Afe llezica Juan íaillinoi canócana nabázaide. <sup>6</sup>Nana Chipre éniemo llócadiaíoi. Iirainomo Pafó jófueo dúcidiaíoi. Dinomo judío aima Barjesuna mámeçiredimie baizájidiaíoi. Afe aima táinona llófuefiredimie. Afémie daiífiredé:

—Juzíñamui dibénedo úriticue, —daide.

<sup>7</sup>Afe aima ocuídillaíma Sergio Paulo dígamie dáonomo itíaiillinoi. Afe Sergio ráfueña ñue onódimie. Aféllaíma Bernabé Saulo diga jírítade Juzíñamui uaillai cacáillena. <sup>8</sup>Mei íadi afe aima Bernabé Saulo diga llogáuai uáitano zanode. Ocuídillaíma ínuana aima rairuíacade. Afe aima jíáifodo mameina, Elimas. <sup>9</sup>Saulo jíáifodo mameina Pablo. Afe Pablo Ñuera Joreño úcaigamie. Aima dáinana cacáillano íemo riire érocaillano <sup>10</sup>daide:

—¡Jíáíma jífuetimiedio! Íaíba Taífe jítódio. Nana ñúefuíaína uáitaraimadio. ¿Ñibái mei ñuera Juzíñamui lloga uai oni cáitano féitaacadío? ¿Ñibái mei o táinofuíaína fáicanocaiñeno jino llóllodio? <sup>11</sup>Mei jabe Ocuíraíma Jesucristo riire ona duere fñoite. O ui nírite. Nano nígarui jítoma egáíñuana cióñeítio, —daide.

Daií dáinamona ie ui niríbicaide. Jae jítídine taino mellécade. Dáamie íena ónoído jainátacana úite, ie ui cióñena jira. <sup>12</sup>Ocuídillaíma Sergio Paulo áfena cióillano, llogáuaina ñue ínote, mei Juzíñamui llófueinamo jacíruioicana aféuaimo ñue eroide.

### Pablo Bernabé diga Pisidia éniemo ite Antioquía jófueo jáidiaillinoi

<sup>13</sup>Pablo ie nabáiñiai diga nocaedo Pafó jófueomona jáidiaíoi. Dinómona Panfilia éniemo ite Perge jófueo jáidiaíoi. Afénomo Juan íaíoína fiénocaillano abido Jerusalemo jaide. <sup>14</sup>Pablo ie nabáiñiai diga afe Pérgemo dúciillano, Pisidia éniemo ite Antioquía jófueo arido jaícina jáidiaíoi. Dinomo ocózinaillaruímo llófueriraco eromo ráinazaidiaíoi. <sup>15</sup>Ocuícafuaíai illánicomona fueñe facádotiaíoi. Ie mei Juzíñamui uai jino lloránicuaímona facádotiaíoi. Afe facádua fúillamona llófueriraco illaini íaillinoína daidíaioi:

—Amatíai, ómicoi cacai. Ómicoi llóiaçaigafuaíai íadi comíni cacáilleza jino ómicoi llóoiri, —daide.

<sup>16</sup>Mei íemona Pablo náidacaillano, ónoído comínina llícaítade. Afe mei íaíoína daide:

-Israel nairai, omoi cácarei. Daje izói Juzíñamuina jacríuoidino, omoi cácarei. <sup>17</sup>Israel nairai Juzíñamui cai jáiiragima nana íaioina nizede. Iemona Egipto éniemo ónoñegamacina íaioi illa llezica, aillo náiraina afémie jebuítate. Afe mei aféniemona dama íemo ite ie ríinodo íaioina oni ote. <sup>18</sup>Ua mei Juzíñamui comeci jitáinafue nai figo fuitáñediaioi, mei íadi afe táizicimo cuarenta diga fimona Juzíñamui íaioina zófeñeno úínote. <sup>19</sup>Afe mei Canaán éniemo ite siete nairai Juzíñamui niné táinocaitaga, afe énie cai jáiiragima mainóllena. <sup>20</sup>Afe meífodo diga riire jicánoraini cuatrocientos cincuenta fimona ocuúcaiaioi. Ua ocuúcaiaioi uai llóraima Samuel illáruimo. <sup>21</sup>Ie mei íaioina ócuite ríllaíma jicádiaioi. Jira Juzíñamui Saúl cuarenta fimona afémaci illáimana jónete. Afe Saúl Cis jitó, Benjamín nairai ímie. <sup>22</sup>Afe mei Juzíñamui Saúlna oni orede. Oni óriano David illáimana ie meífomo jónete. David ífuedo Juzíñamui úrite; daide: “Cuen a íóbitadímie David baiticue. Afémie Isaí jitó. Nana cue jitaiga raana jetáfirede,” daide. <sup>23</sup>Afe David cómogimamona Jesús jococa. Afe Jesús Juzíñamui uícomo daináuai izói Israel nairai jíllotaitimiena íaioi cígiconi Juzíñamui comúfate. <sup>24</sup>Jesús comñimo nai abi báífitañenia Juan nana Israel náiraimo jino lloste; daide: “Nana omoi báutizarediomoí. Omoi comeci ífuiái mai núefuena méidoziri.” <sup>25</sup>Juan uícodo llófuiaillafue fúiacademo, daide: “Omoi comeci fácamiñedicue. Jamáimiedicue. Mei íadi cue meífodo bitímie cue baimo baitádimie. Afémie idai ico igaina zuitánidicue, (jiba jamáimiedicueza),” daí Juan daide.

<sup>26</sup>Cáimaci, omoi cácarei. Abraham nairai urúcidíomoi; mai cácarei. Omoi mona Juzíñamuina jacríuoidino, omoi cácarei. Bie ñue jíllotaitiúi omoie. <sup>27</sup>Mei Jerusalemo itino íaioi illáiniri Jesús nahí ífuena fidíñediaioi. Daje izói naga ocózinai llaruimo facádoga uai llóraini llogáuallaina cacádiaioi, mei íadi aféuái daináfuena onóñediaioi. Aféuallaina íaioi onóñenado Jesús duere finótatiaioi. Daí jaii ninomo mamécafuíai afémiemo fuitádiaioi. <sup>28</sup>Afe Jesús fatátallifuena due jiza jaca baiñediaioi; mei íadi Pilátomo ie fatátallena jicádiaioi. <sup>29</sup>Afe mei nana afémiedo Cugáuallaimo jaii ninomo lloga uallai fuitádiaioimo, crúzmona íena ana otá íena raiájidiaioi. <sup>30</sup>Mei íadi Juzíñamui tñillanomona íena meine cáatate. <sup>31</sup>Afe mei diga irui íllamona Galiléamona Jerusalemo ie diga jáicadinomo Jesús íaioimo cíocaide. Afe iedo jáicadino ja birui comínimo afémie llócaigafue llotiaioi.

<sup>32</sup>Juzíñamui cai jáiiragimamo uícomo llogáuaido úrite. Núefuedo úrite. Ja birui afe núefue omoimo lloticai. <sup>33</sup>Ja cai bie afémaci cómogimadicaí. Ie jira afémie uícodo llogáuai ja caimo fuilla. Afe uai daide: “Jesucristo tñidena meine abido cáataticue.” Daí rúanicomo cuega; segundo ruamo cuega; lloste: “Cue jitódio. Birui ona cáataticue.” <sup>34</sup>Diga ícaíño Juzíñamui ie cáallifuena lloste. Ua tñillanomona íena cáataite, ie íeizi jaca ninomo

rífaiñeillena. Juzíñamui aféfuena jaiái nínomo Cuegáuailaido daide. Afe uai ie jító Jesuna daide: “Davidmo uícodo cue uafue lloga ñue cáimafuiai nahí omo jainaide.” <sup>35</sup> Ie jira rúanicomo jíáiruado daide: “O izíruiga ñue canódimie íeizi ráiruitio ie rífaiñeillena,” daide. <sup>36</sup> Afe David ie llezica igímana ñue canode, Juzíñamui ie ocuilla izói. Afe meífomo David tíllano ie uzútiai cígímo íena raíájidiaioi. Iemo ie íeizi rifaide. <sup>37</sup> Mei íadi Juzíñamui cáatagamie íeizi rífaiñede. <sup>38</sup> Cáimaci, omoi cacai. Afe bie rífáitañeno cáatagamie Jesudo omoi fiénidifuiái íba óneillifue ja ómoimo jino lloga. <sup>39</sup> Afémiedo nana íena ínotino nana íaioi fiénidifuiaimona dóficaitiaioi. Mei íadi Moisés ocuícáfuiái cai fiénidifuiaimona caina zuitáñede, mei cuinaca izói jaináidícai. <sup>40</sup> Ñue abi omoi rairuiri uai jino llóraini cuega mamécáfuiái ómoimo báíñeillena. Afe mamécáfue daide:

<sup>41</sup> Ínoñeno uáitaoidino, omoi cácarei; cacáillano áferi omoi jacínaificairi.

Iemona niné táinocaitiomoiza, aféruillaido jamánomo ñue jácifue cue fínua jírari.

Aféfuena dámie ómoimo llóía, íadi áfena ínoñeitiomoiza, —daide.

<sup>42</sup> Pablo ie nabáíñiairi judío garíracomona jino jáidiaioi. Jáidiaioimo judíoñedino jocócaiaioi íaioimo aféfuena meine abido íaioimo lluaíbillena jicádiaioi. Afe úreite ocózinaillaruiimo meine lluaíbillena jicádiaioi. <sup>43</sup> Afe llófueriracomó íaioi gairilla záillamona aillo judíuai Pablo llogafue jíeruítiaioi. Iemona Pablo Bernabé diga íaillinoído jáidiaioi. Daje izói aillo judío onóigafuena jeire otino íaillinoído jáidiaioi. Pablo, Bernabé diga íaioimo llote:

—Mai Juzíñamui caina izíruillafuemo nágarui aféfuemo ñue omoi coméciiri, —daide.

<sup>44</sup> Siete dígarui íllamona ocózinaillaruiimo, nana jofue comini dáanomó gairídiaioi, Juzíñamui uailai cacáreillena. <sup>45</sup> Mei afénomó aillo comini gairíllana judíuai cióillano, úrioina izói itíaioi. Afénomó Pablo uailai uáitano íena báíñotiaioi. <sup>46</sup> Ie mei Pablo Bernabé diga abi mámiano íaioina daide:

—Judíuai, bie Juzíñamui uai fueñe ómoimo llole iere jítárede; mei íadi ja aféfuena óiacañediomoi; afe ícoínia zííñona cáallinona llínoñeitiomoi. Ie jira ja birui judíoñedínomó jáitícai. <sup>47</sup> Mei jira Juzíñamui daí caina llotátate; Juzíñamui daide:

Cuedo náraina fidítaraimana o mamédícue.

Nana énie íraino imaci ñuera jíllonafue llórainmana íitio.

<sup>48</sup> Aféfuena cacáillano judíoñedíno íóbicaidiaioi. Iaioi úrilla fueñe táinia llezica:

—Juzíñamui uáillaina jamánomo ñuera, —daidíaioi.

Afémacimona aféfuena ínotino aillo ite. Zííñona cáatatinona llínoítinona mamécaiaioi. <sup>49</sup> Iemona Juzíñamui uailai nana afe

énie náiraído jae ñue jalleide. <sup>50</sup>Afe jófuemo Moo Juzíñamuimo izire jaináiacade ringóniaimona dáingorie ite. Afe ringóniai illaingo izóidingotiai. Judúuai afe ringóniaimo úrite, Pablo afe jófuemona oni oréllena. Daje llezica judúuai afe jofue illáinimo daje izói úrizaidiaioi. Iaioi comeci fieni fínua jira, jáie Páblona duere finóacanafue comúzailla, Bernabé diga. Afe jófuemona oni íaillinoi orédiaioi. <sup>51</sup>Afe ória meífodo afe íaillinoi eiba ico íaie íaioimo teténote; afe teténuafue baimaci comeci íaifuiaimo íteza, daíacade.

Daí ñiano Iconio jófuemo jáidiaillinoi. <sup>52</sup>Mei íadi Jesús llogáfuemo ínotino iere íobioidiaioi. Afe llezica Ñuera Joreño úcaigaiaioi.

### Pablo Bernabé diga Icóniomo itíaillinoi

**14** <sup>1</sup>Icóniomo dúcillano judío llófueriracomo daane jofu jáidiaillinoi. Dinomo jamánomo ñue úritiaillinoi. Afemona aillo judúuai Jesumo ínotiaioi; judíoñedinomona daje izói aillo afefue ínotiaioi. <sup>2</sup>Mei íadi ínoacañede judúuai jáie judíoñedino comeci íaire finódiaioi. Daí Páblona Bernabé diga éoicana eróidiaioi. <sup>3</sup>Je jira dinomo diga irui ñue jáicína jacríuñeno Ocuíraima Jesús mámecido llófuetaiaillinoi. Afe llezica Juzíñamui dama ie ñue rño íaillinoimo fecade. Afemona onótate ráaniai cforainina ráaniai diga finódiaillinoi. Afénaído íaillinoi lloga Juzíñamui caina izíruillafue Juzíñamui ñue comínimo fidítate. <sup>4</sup>Mei íadi jofue comíni bózietaidiaioi. Dáarie judúuai dibénemo jaináiacadiaioi. Jáímaci Pablo Bernabé diga dibénemo jaináiacadiaioi. <sup>5</sup>Afe meífodo ínoacañede judúuai jáie judíoñedino diga naa íaioi illáiniri nofíciaina íaillinoi níjiacadiaioi. Daí íaillinoína duere finóacadiaioi. <sup>6</sup>Mei íadi aféfuena orécamací uícodo fidídiaioi. Fídiano Pablo Bernabé diga Licaónia éniemo botádiaillinoi. Dinomo ménagobemo macáoidiaillinoi, Listra Derbe diga naa afe áinori itíniaído. <sup>7</sup>Dinomo ñue jíllonafue llotíaillinoi.

### Lístramo Pablo nofícina níjidiaioi

<sup>8</sup>Iemo Lístramo macáñede aidaíma ite. Ie jocóinanomona tízitaite izói macáñede. Jaca ie macánina jira dinomo ráiide. <sup>9</sup>Afémie Pablo daínáfuemo ñue cacáreide. Iemona Pablo íemo érocaillamona, tízitaitimie ñue ínuana Pablo comécido fidíde. Ie ínuamona afémie jíllorede. <sup>10</sup>Iemona Pablo íena riire daide:

—O ídaído caífo jáicína naidai, —daide.

Afénomona afémie tícacaillano náidacaide; náidacaillano como fueñe mácajide. <sup>11</sup>Daí Pablo finócafuena cíoillano, nana comíni Licaónia uáillaído caillíoicana daidíaioi:

—iJuzíñamuillai jamai comíni izói ana cai cígimo billa! —daidíaioi.

<sup>12</sup>Bernabena Júpiter juzíñamui daidíaioi; Páblona Mercurio juzíñamui daidíaioi, jamánomo ráfuiai llotímierna jira. <sup>13</sup>Júpiter gairíracó naze fueri



ite. Afeco úiñotimie juráretuai atide naa amena záfiaiai diga. Afémie naa comini faillinoimo cáimadoacadiaioi. Juráreto fáillemona faillinoina ióbitaacadiaioi. <sup>14</sup>Mei íadi orécamací Pablo Bernabé diga fidídiaillinoi. Aféfuena fidínamona, ínícuiro cúatacaillano, comini cígimo jáidiaillinoi. (Afe iniroi cuata daíacade faillinoi comeci jamánomo rícaide.) Jaillano caillfoicana daidífaillinoi:

<sup>15</sup>—iNana omoi, cácarei! ¿Níbái bie izói finódiomoi? Coco omoi izói jiba cómedicoco. Ñúefue ómoimo atídicoco. Afe bie táinofuiaí omoi fáicanocaillena lluáibiticoco. Fáicanocaillano, ua caade Juzíñamui dine omoi jáillena daí lluáibiticoco. Afémie mona, bie énie, monáillai dieze finode naa íaioimo itínuiari. <sup>16</sup>Jáiairagima illa llezica nana nairai íaioi comeci jitáillafodo macáoidiaioi. Aféruillaído Juzíñamui íaioina lletáñede. <sup>17</sup>Mei íadi Juzíñamui ñúemie ífuena ñue ómoimo finócafuaído ómoina fidítafirede. Ua ñue nocina ómoimo biítafirede. Nana aménaiai llizíllajiaina ómoiri llizítate. Afedo omoi güille ñue ite, omoi comeci ióbillena, —daí úrite Pablo.

<sup>18</sup>Mei nana afe daínuaillai daina íadi, nana comini faillinoiri juráretuai nai fáiacadiaioi. Iadi ícoimo afétuai íaioi faana féitatadiaillinoi.

<sup>19</sup>Afe mei Antioquíamona Icóniomona dáarie judúuai dúcizaide. Lистра comínimo júfiduano Pablo fállena mamédiaioi. Iemona Páblona noffciaina níjdiaioi. Níjiano jofue jinófenemo íena zonócaidiaioi. Comécido daidíaioi: “Níbái tíide,” daide. <sup>20</sup>Mei íadi ínotino íemo gairídiaioimo Pablo náidacaillano meine jófuemo jaide. Afe jítiramoidiruido afémie Bernabé diga Dérbemo jáidiaillinoi.

<sup>21</sup>Dinomo jíllona uaillai jino llotífaillinoi. Afe jófuemo aillo comini Jesumo ínotiaioi. Afe mei meine abido Lístramo, Icóniomo íemo Antioquíamo dieze jáidiaillinoi. <sup>22</sup>Nana afénuiari jofue ínotínuiari ñue caimare íociretadiaillinoi. Ñue jaícina ínuafuedo íaioi jáillena llófuetaillinoi. Iemo íaioina daidífaillinoi:

—Juzíñamui illáimana illíruimo cai jáillena, aillo afe facátafuiaí iere caimo jitáirede, —daide.

<sup>23</sup>Afe llezica naga gairíracuaimo ócuite illáinina mamédiaillinoi. Afe mei güiñeno Juzíñamuimo iere úrilla meífomo nana como ocuídillainina mamécamiari Juzíñamui úiñuamo jóonetiaillinoi, Juzíñamuimo ñue íaioi íinua jira.

### **Pablo Bernabé diga faillinoi nano billánomo abido jáidiaillinoi**

<sup>24</sup>Afe meífodo Pisidia éniemona jaillano Panfilia éniemo dúcidiaillinoi. <sup>25</sup>Perge jófuemo jíllonafue llotífaillinoi. Afe llua meífomo Atalia jófuemo jáidiaillinoi. <sup>26</sup>Dinómona Siria éniemo ite Antioquía jófuemo nocaedo ruica jáidiaillinoi. Naui afe jófuemo ite ínotino faillinoina Juzíñamuimo

jóonetiaioi. Daií finódiaioi jáie nairai ñúefuena llófuiaillena. Ja birui afe táijina fuilla. <sup>27</sup>Antioquíamo dúcidiailinoimo, nana ínotino Juzíñamui garíracomo gairídiaioi. Gairídiaioimo Pablo nana Juzíñamui íaillinoido finócafuiái jino íaioimo llore. Afe llezica judíoñedinomo Juzíñamui ñue jílloille io como túñua llotíailinoi. Afe izói áfemo afémaci ínorediaioi. <sup>28</sup>Afe meífomo Pablo Bernabé diga ínotino cígimo are diga irui itíailinoi.

### Ínotino illaini Jerusalemo gairídiaioi orécamaci diga

**15** <sup>1</sup>Aféruillaido dáarie íñiai Judea éniemona Antioquíamo ite ínotino llófuiaibite. Iaiaina daidíaioi:

—Moisés ocuica íza bacano icoi quétafuena omoi finóñenia, jílloñeitiomoi, —daidíaioi.

<sup>2</sup>Ie jira Pablo Bernabé diga íaioimo riirede uáillaido úritiaillinoi aillo júfiduafuiái diga. Iemona Antioquíamo ite ínotino Pablo, Bernabé, jáímaci diga nizédiaioi, Jerusalemo ite orécamacimo aféfuena jicánuaillena; daje izói Jerusalemo ite Juzíñamuimo gairídino illáinimo jicánuaítiaioi.

<sup>3</sup>Mei daií nízia mei Antioquíamo ínotino afe nizécanona orédiaioi. Afe oréinamona, Fenicia éniédo Samaria énie diga jáidiaioi. Jaillano judíoñedino íaioi jaiai llóinauailai féitano Juzíñamui dibénedo jáillafue llotífaioi. Nana ámatiai aféfuena cacáillano iere ióbidiaioi.

<sup>4</sup>Pablo Bernabé diga Jerusalemo dúcidiailinoimo, Juzíñamuimo gairídino caimare uáidogaiaillinoi. Daje izói orécamaci naa gairídino illáiniri íaillinoina caimare uáidotiaioi. Dinomo Juzíñamui íaioiri finócafuiái íaioimo jino llotífaillinoi. <sup>5</sup>Mei íadi fariséuaimona dáarie ínotino caifo naidáillano íaioina daide:

—Ínote judíoñedinomo afe cai izói quetáinafue jitáirede. Afe emódomo Moisés ocuícáfue ñue ínollena jitáirede, —daidíaioi.

<sup>6</sup>Iemona orécamaci naa ínotino illáiniri aféfuena ñue onóillena gairídiaioi. <sup>7</sup>Aféfuiái are íaioi júfidua meífomo, Pedro caifo náidaillano daide:

—Amatai, omoi cácarei. Naui Juzíñamui cuemo finócafue na onódiomoi. Juzíñamui omoi cígimona cue nizeda judíoñedino cígimo orede. Ua cuena nizede afémacimo ñue jílloñafue uailai cue llujáillena; áfemona afémaci aféfuiaína ínotiaioi. <sup>8</sup>Cai comécina onode Juzíñamui cuemo llore: “Afe judíoñedinona ñue llínoiticue,” daide. Afemona Ñuera Joreño íaioimo fecade caimo ie feca ízoi. <sup>9</sup>Juzíñamui cáimona afémacimo jáífodo finóñede. Iaioi ínuado íaioi comeci íaifue Juzíñamui oni dote caie ie dua ízoi. <sup>10</sup>Mei birui ¿ñibái mei Juzíñamui finócafue jeire onédiomoi? ¿Ñibái mei baie ínotino jamánomo riire ocuícadio? Afe ocuínafuena cai, cai jáiairagíma diga finónidicai. <sup>11</sup>Mei íadi jáífodo

ñinoticaí, cai jílloillena. Ocuíraima Jesús caimo dúecaide. Afemo cai ñnuamona ibáñeno jíllobicaidicaí. Afe izói judíoñedino Jesumo ñnuamona ibáñeno jíllobicaidiaioí, —daide.

<sup>12</sup> Mei jira afémaci llícaidiaioí, Bernabé Pablo diga llogáfueмо cacáreillena. Nana judíoñedino cígimo Juzíñamui finócafuiai llotíaillinoí. Dinomo íaillinoído uaido finoca onótate raa ciórainina raa diga Juzíñamui finode. Aféfuiai jino llotíaillinoí. <sup>13</sup> Iaillinoí llogafue fúillamona, Santiago daide:

—Amatiai, cue dáinamo cácarei. <sup>14</sup> Simón Pedro jae Juzíñamui judíoñedinona como fueñe íaioina izire canóinafue caimo jino llote. Juzíñamui jae judíoñedimacimona dáazie como níziaibite dama ie náiraina. <sup>15</sup> Afefue ua Juzíñamui jaiiai uai llóraini cuegáfuaímo jaícina dájena jóobide. Afe Cuegáuai daide:

<sup>16</sup> Bífue mei, meine bíiticue.

Ua David jaiiai nairai, júdaizitaga íadi, meine dáaziena jofogairítaiticue.

Aféziemona due fiébidino jaiiai íaioí ízaina izói meine jebuítaiticue.

Ríñidimaci jofodáanomo otátaiticue, ñue rírediziena íaioí íllena.

<sup>17</sup> Afe daíí ñnuabiticue nana jíaimaciai Juzíñamuimo comeceí fácajano íaioí ñnollena.

Daíí ñnoiticue nana cuena náamarede judíoñede náiraiiai cuemo comeceí facada ñnollena.

<sup>18</sup> Ua jaiiai ninómona aféfuiai onótate Juzíñamui daíí daide.

<sup>19</sup> Te jira bifue lloticue. Afe como Juzíñamuido jáiacade judíoñedino mai, cai íaioina áifedoñeíticaí. Jae íaioí jaiiai ñnoga táinofuiai fáicanocaidiaioí Juzíñamui llogáuaina íaioí ñnollena. <sup>20</sup> Due llétafue íaioímo cai cúellena ja dieze figo baite. Afe bífuiai íaioímo llóiticaí. Mai jánaraimo fia fecaca güíllena omoi jetáñeno iri. Mai jiruífueмона abi omoi rairuiri. Dama áiredimie ie aí diga illa ñuena. Mai cimoina cigínoga rílleniai riñeno iri. Afe izói coróbaitaga rílleniai riñeno iri. Daje izói díena omoi jíroñeno iri. <sup>21</sup> Daíí judíoñede como ñnotimacimo lletádicaiza, nibai nanómona nana jófuemo Moisés ocuícáfue llófueraíni ite. Naga ocózinai llaruído llófueraícomo afe Cuegáuai jino facádótiaioí. Aci dino Santiago llote.

<sup>22</sup> Iemo orécamaci gairídimaci, nana íaioí illaíni diga, “Jii,” daidiaioí. Iemona íaioí cigímona dámierie nizéllena maméritiaioí, Antioquíamo oréllena Pablo Bernabé diga íaillinoí nabáillena. Judas dainámie nizédiaioí; afémie jíáfodo mameina Barsabás. Daje llezica Sílasna nizédiaioí. Afe íaillinoí ámatiai cigíri illaíma izóidiaillinoí. <sup>23</sup> Iaillinoído cuegabe orédiaioí. Afébemo daide:

“Cai Antioquíamo ite judíoñede ámatiaímo uai orédicaí. Afe izói Siria éniemo ite ámatiaímo, Cilicia éniemo ite ámatiai dieze nana

ómoimo uai orédicai. Nana orécamací, Juzíñamuimo gairídino illaini, benó ite ámatiai diga, ómoimo uai orédicai. <sup>24</sup> Cáimona ómoimo nauí bitino finócafue jae fidídicai. Caimo lloñeno oni jáidiaioi. Cai óreñegaiaioi. Dani imaci uáillaído jae omoi ífoci írnuaidiaioi. Daíí ómoína áfeduaidiaioi. Omoi bacano icoi quetállifuiái llúajidiaioi; jáíe Moisés llogáuailái ómoimo ocuízaidiaioi. <sup>25</sup> Ie jira cai comécido ñue jaide cai cigimona mena come mamedá ómoimo oréllena. Aféfuena nana jíeruíticai. Bie nizécaillinoi Pablo Bernabé diga omoi éroizaíbitiaioi. Pablo Bernabé diga cai iere izíruiga ámaillinoi. <sup>26</sup> Cai Ocuíraima Jesucristo ñúefue íaillinoi llua ícoína, jaci cácatagaillinoi. <sup>27</sup> Daíí Judas Silas diga ómoimo orédicai. Aféillinoi ómoimo jofo úritiaillinoi nana bífuiái jino ñue llóllena. <sup>28</sup> Mei cáimona ñue cíoide; afe izóí Ñuera Joréñomona ñue cíoide riírede rafue ómoimo cai mámeñeillena. Dama jítaíredífue mámeíticai. <sup>29</sup> Jánaraimo fia fecaca rílleniaina omoi riñeno iri. Daje izóí díena jíróñeno iri; cimoína cigínoga ríllena omoi riñeno iri. Nana jíruífueмона abi omoi rairuiri. Dama áiredimie ie aí diga illa ñuena. Bífuiáimona abi omoi rairuáí, ñue ítiomoi. Jae ñie.”

<sup>30</sup> Daíí Jerusalemo ite ínotino íaioína Antioquíamo orédiaioi. Antioquíamo dúcidiaioimo, dínomo ite ínotino dánomo gairítatiaioi afe rabe fecállena. <sup>31</sup> Afebe ámatiai facáduamona iere íóbidiaioi. Ua afe caimare llétafuerei íóbidiaioi. <sup>32</sup> Judas Silas diga Juzíñamuimona oga rafue jino llórediaillinoi. Ie jira íaillinoi uáillaído afe ámatiai ñue náirecaitadiaillinoi. Afe llezica íaioína ñue comeci ffrazitadiaillinoi íaioi caimare íllena. <sup>33</sup> Dinomo diga irui íllamona, Antioquíamo ite ámatiai comeci jacínaiñenafuedo íaioína jáítatiaioi. Daíí íaioína uáidonocaidiaioi meine íaioi orécamací diné jáíllena. <sup>34</sup> Mei íadí Silas Antioquíamo fiébicaillena mamérite. <sup>35</sup> Afe izóí Pablo Bernabé diga Antioquíamo fiébidiaillinoi. Afe meífodo, aillo jáíe llóraini diga, llófuerítiaioi. Cai Ocuíraima Jesucristo uailái jino llotíaioi.

### **Pablo dánomo nane jáizaide ñúefue llúajíllena**

<sup>36</sup> Diga irui illa meífomo Pablo Bernabena daide:

—Mai dánomo meine coco jai, nauí coco llófuegano coco uáiduaili. Nana íaioi jófuedo Jesucristo uailái llófueticoco, ie jira afémaci ñie izóí itíaioiza coco eróizai, —daide.

<sup>37</sup> Bernabé Marcos úiacade íaillinoi jaille díne. (Marcos jíáífodo mameina Juan.) <sup>38</sup> Mei íadí Pablo íena úiacañede, nauí Panfilia éniemo íaioína fiénocailla jira. Iemo íaillinoi táíjicanado jáíñede. <sup>39</sup> Afefue jamánomo íaillinoi riire júfidua meífodo, dárie enénorie oni jáidiaillinoi. Ie mei Bernabé Marcos uite. Daíí ñiano, nocaedo Chípremo jáidiaillinoi. <sup>40</sup> Afe llezica Pablo dama íeiena Silas nizeda ote. Nízia mei, afénomo ite ámatiai Juzíñamui íaillinoi izíruillena caimare jícádiaioi,

daje izói Juzíñamui íaillinoína nabáirillena. Daí jica meífomo, oni jáinomo jáidiaillinoi. <sup>41</sup>Siria énie, Cilicia éniedo jáidiaillinoi. Afénomo Juzíñamuimo gairide ámatiai náicaidaiaillinoi.

### Timoteo Pablo Silas diga nabáizaide

**16** <sup>1</sup>Derbe, Lystra jofue diga dinomo Pablo, Silas diga dúcidiaillinoi. Afénomo daa Juzíñamuimo ínotímie baizájidiaillinoi. Ie ei judfuaimona Juzíñamuimo ínotingo. Mei íadi ie moo griego ímie. <sup>2</sup>Lystramo ite ámatiai afémiedo ñue úritiaioi naa Icóniomo ite ámatiairi. <sup>3</sup>Pablo Timotéona ie nabaina úiacade. Ie jira ie bacano icoi quetátate, íaioi jáillinomo ite judfuai afémiedo comeci fieni fácañeillena. Mei afémaci ie moo griego ímienana ñue onódiaioiza. <sup>4</sup>Nana íaioi jáillado ite jófuedo lletáinafue llotíaioi. Afe lletáinafue Jerusalem o ite orécamaci ocuide éinamaci diga llotátataioi. <sup>5</sup>Daí Juzíñamuimo garídimaci íaioi ínuafue ñue oni mónaioicaide. Afemona nágarui aillo jebufoicaidaioi.

### Pablo Macedonia ímiena nicai anado ciona izói ciode

<sup>6</sup>Asia éniemo Ñuera Joreño ñúefue íaioi llujjillana ráiruide. Ie jira Frigia énie, Galacia énie diga afe éniemo oni llujjidaioi. <sup>7</sup>Ie mei Misia énie fuédamo dúcidiaioi. Dinómona Bitinia éniemo jáillana comeci facádiaioi, mei íadi Jesús Joreño dinomo íaioi jáillana rairuide. <sup>8</sup>Ie jira jica Misia énie fuédado jáidiaioi. Dinómona Troas ígobemo jáidiaioi. <sup>9</sup>Dinomo afe naio Pablo nicáirilla izói ciode. Afe nicáirilla izói Macedonia énie ímiena ciode. Afémie náidaicana Páblona izire jicade; daide: “Bené Macedóniamo cai cánuaibi,” —daide. <sup>10</sup>Daí Pablo nicai anado izói ciónamona Macedóniamo cai jáillena mamériticai. Jae Juzíñamui cai jíirillaza ua onódicai dinomo ñúefue cai llujjillena.

### Pablo Silas diga Filipos jófueo illafue

<sup>11</sup>Iemona Tróasmona nocaedo monaillai cigi idu Samotráciamo jaícina jáidicai. Ie jítiramo Neápolismo dúcidicai. <sup>12</sup>Dinómona Filipos jófueo jáidicai. Afe Macedonia fueda Filipos jamánomo jalléidígobe. Romano comini afe jofue nauí nitátatino. Dinomo nano nígarui iticai. <sup>13</sup>Afe ocózinaillarui afe jofue jinomo jáidicai. Ua imani fuemo íaioi Juzíñamuimo iere úrizafirenanomo jáidicai. Dinomo ráinaillano ñúefuedo gairídingotiaimo úriticai. <sup>14</sup>Aféngotiaimona daango Lidia mámeçiredingo. Afengo Tiatira jofue ingo. Afengo jáaire jítirede ñuera iniroi fecáraingo. Afe ringo Juzíñamuimo áinozioidingo Juzíñamuimo caimare úrillena. Iemona afengo afe ñúefuena cacáreacade. Jae Juzíñamui afengo comécina tuiñode, Pablo llogáuailai jeire óllena. <sup>15</sup>Afengo naa ie comíniri báutizagaiaioi. Báutiza mei izire jicada caína daide:

—Comeci anado omoi daiíadi, Juzíñamuimo ua ínotingodicue, mai cue jofomo omoi bi, —daide.

Iemona aféngodo jáidicai.

<sup>16</sup>Afe Juzíñamuimo úrizairanomo cai jailla llezica, fiénidena jóriarede ringoza baizájidicai. Afe fiénide jóriaido come ónoñega éicina raire onófirede. Afengo izire jeruícango. Afe eici báillado aillo úcubena ie náamatiai íena ófirediaioi. <sup>17</sup>Afe ringoza Pablo díga caido jáizaide. Caillícana jaide; daide:

—Bimaci caifoide Juzíñamuimo dúidiaioi. Omoi jíllloille io ómoimo llotíaioi, —daide.

<sup>18</sup>Díga iruillai daí afengo caillide. Are ie caillícana ícoimo, Pablo zefuínaite. Meine gírecaillano aféngomo ite fiénide jóriaina daide:

—Jesucristo mámecido aféngomona ona oni orédicue, —daide.

Daí daina llezicamona afe fiénide jóriai aféngona fáicanocaillano jaide.

<sup>19</sup>Afe ringoza náamatiai daí ie finóinana cíodiaioi. Iemona:

—Jae aféngodo úcubena óñeiticai, —daidíai.

Daí dainano Pablo Silas díga llatada rímaci ucomo aillo gairírabirimo uitíai. <sup>20</sup>Riire jicánorainimo íaillinoína izájidiaioi. Daidíai:

—Bíaiillinoi, judío ímíai cai jófuemo comínina rícaitaíbite.

<sup>21</sup>Caimo lluíbigafuina jeire ónidicai. Afe izói cai ínidicai, cai bie románodicaiza, —daidíai.

<sup>22</sup>Iemona afeno comini íaillinoimo rícaidiaioi. Riire jicánoraini íaillinoi íncuirona duiñoda rázido íaillinoína fatátate. <sup>23</sup>Iaillinoi aillo fáina meífomo, llavéracomo íaillinoína lláviaidiaioi. Afe llavéraco úiñoraíma riire ocuídiaioi íaillinoína ñue rairuúllena. <sup>24</sup>Afe riire ocuínafuena cacánamona llavéraco úiñotímie llavéraco jamánomo jofóidicomo íaillinoína orede. Dínomo come idai jíitara íredamo íaillinoína jíitate.

<sup>25</sup>Afe naio dáaferuimo Pablo Silas díga Juzíñamuimo úrillano Juzíñamui ruai rotíaiillinoi. Afécomo jíáie llavécamiíai afe rúana cacádiaioi. <sup>26</sup>Iaillinoi rua llezica afe énie raire iere riire docáricaide. Nana afe llavéraco jáillirai izói riire mozide nofíciái jaidínocaiga izói íficaide. Afe llezicamona llavéraco náziai túicoizite. Afemona nana llavécamiíai llójeuai tícoizite. <sup>27</sup>Iemona llavéraco úiñoraíma cazide. Cazídemo jae nana náziai túienana ciode. Comeci anado daide: “Nana llavécamaci jae nibai botádiaioi.” Ie jira lloefai ota ie abi faitáacade. <sup>28</sup>Mei íadi Pablo íemo caillide:

—íDama o abina fiéni finóñeno iri; nana benó itícaiza! —daide.

<sup>29</sup>Mei jira llavéraco úiñoraíma bobaie jicade. Iemona Pablo díne aízicana bite. Dínomo afe jágieri abi cuidríiocana, Pablo Silas díga

íallinoi anamo dújude. <sup>30</sup>Ie meífomo íallinoina jino jiáinomo uillano, jicánote:

—Pablo, ¿cuemo ite fiénidifuemona cue jílloillena nie izói íiticue?  
—daide.

<sup>31</sup>Jira aféillinoi uai ote:

—O jílloillena cai Ocuíraima Jesucrístomo iino. Iemona o dama jíllobicaitio. Daje izói o ai nana o úruiai diga ínuamona jíllobicaitiaioi,  
—daide.

<sup>32</sup>Iemona Juzíñamui uaillai íemo llotíallinoi naa ie jofo ero itínuáiri. <sup>33</sup>Mei íadi daje naio llavéiraima íallinoi fáina boáfiai jocode. Afemona afémie naa íallinoi úruiairi báutizaigaiaioi. <sup>34</sup>Afe mei aféillinoina ie jofomo uillano ecade. Afémie naa ie comini diga Juzíñamuimo ínuari caimare íóbidiaioi.

<sup>35</sup>Afe jítiramo riire jicánoraini jiáie llavéiraini llavéracomo orede, Pablo íallinoi zuitállena. <sup>36</sup>Iemona llavéraco úiñoraima Páblona daide:

—Riire jicánoraini ómicoina cuena zuitátate. Mei ja birui ómicoi nífuenino uái íllena jino jáirediomicoi, —daide.

<sup>37</sup>Mei íadi Pablo llavéirainina daide:

—Romano ímiedicoco, mei íadi cócomo jicánoñeno razido cócona fatíomoi. Faano cócona llavétatiomoi. ¿Mei íadi ja birui báinino cócona zuitátatiomoi? Mei íeñedeza. Coco llavétatino mai coco zúitaíbiri,  
—daidíallinoi.

<sup>38</sup>Afêue llavéiraini jicánorainimo lluájide. Lluájillamona jicánoraini jacínaitiaioi, aféillinoi romano ímienari. <sup>39</sup>Ie jira Pablo Silas diga íallinoimo jicajidiaioi:

—Caimo ómicoi dúceai, —daízaidiaioi.

Iemona íallinoi jino uano, íaioi jófuemona oni jáillana izire jicádiaioi. <sup>40</sup>Afe llavéracomo jino billano, Lidia jofomo jáidiaillinoi. Amatiaina cóoillano íaioina ñue náicaitadiaillinoi. Daí ñiano jiáinomo oni jáidiaillinoi.

### Tesalóncamo comuide aillo úrioinafue

**17** <sup>1</sup>Pablo Silas diga íallinoi jaillano Anfípolis jófuedo jáidiaillinoi. Ie mei Apolonia jófuedo jáidiaillinoi. Afe mei Tesalónica jófuedo dúcidiaillinoi. Afénomo ite judúuai llófueriraco. <sup>2</sup>Pablo ie fibilla izói, afe llófueriracomo jofo llófuerizaide. Daámani ocózinai llaruído íaioimo úrite. <sup>3</sup>Juzíñamui jiaiai Cuegáuai jino íaioimo llóllode. Aféuaimona Cristo duere finóinafue jitáirede, daí íaioimo jino llote. Daje izói Cristo tída meine cáallena jitáirede daí jino íaioimo llote. Íaioina daide:

—Be ómoimo cue llogámie Jesús dámie Crístona, —daide.

<sup>4</sup>Mei íemona judúuaimona dámierie aféfuemo ínotiaioi. Afemona Pablo Silas íallinoi dibénemo itábicaidiaioi. Afe izói aillo Juzíñamuimo

jaináiacade griego ímíai iere ñue ínotiaioi. Afe izóí aillo illaingo izóidingotiai aféuaina ínotiaioi. <sup>5</sup>Mei íadi ínoñede judúuai aféfuerei úradoilla izóí itáioi. Iemona cállemo ite fiénide ráiraiedinomo gairídiaioi. Ie mei judúuai cállemo ite itínori aillo úrioinafue finódiaioi. Daíí jofue comini comeci fieni icíritadiaioi. Jasón jofomo ite Pablo Silas diga llaitállena, afeco cirínotiaioi, aféillinoi llaitada afeno comínimo izájillena. <sup>6</sup>Mei íadi íaillinoina baiñédiaioi. Ie jira Jasón zocana uitáioi, jíáie ámatiai diga. Jofue illaini uiécomo íaioina uitáioi. Daíí caillídiaioi:

—Bíaillinoi nágagobiaido fieni faillíñeinafuiai finódino ja benomo dúcia. <sup>7</sup>Ie mei Jasón ie jofomo íaioina llínote. Nana afe bie bitino cai caifoide romano illaíma ocucafuiyai uáitaocana daide: “Jíáie ua cai illaíma ite, Jesús,” —daidíaioi.

<sup>8</sup>Aféfuena cacáillano ríimaci naa comíniri faillíñeidiaioi. <sup>9</sup>Jasonmo daidíaioi:

—Cai o jífueñellena uícomo o úcube caimo ine. Uire aféillinoi o oréadi o úcube meine omo íiticaí, —daidíaioi. Ie jira afe úcube íaioimo fécamona ja Jasón jíái ámatiai diga zuitádiaioi.

### **Pablo Silas diga Berea jófuego dúcide**

<sup>10</sup>Afemona afe naio ámatiai Pablo Silas diga Beréamo raire orédiaioi. Dínomo dúciillano judúuai llófueriracomo jáidiaillinoi. <sup>11</sup>Bie judúuai Tesalónicamo ite judúuai baímo fígomaci. Caímare afe úrillauaina jeire otáioi. Nágarui Juzíñamui Cuegáuailaímo jénofirediaioi, íaioimo llogáuailaina uafue daííllena. <sup>12</sup>Afemona aillo afémacimona ínotiaioi. Daje izóí griéguaímona ínotiaioi. Dájerize íñíai íemo jíái ñue caímare jacíruigangotiai ínotiaioi. <sup>13</sup>Mei íadi Tesalónicamo ite judúuai Pablo Beréamo Juzíñamui llogáuai llófueillana fidíillano, dinomo nane comini fieni faillíñaitaitaioi. <sup>14</sup>Mei íadi ámatiai dama Páblona raire aféruído monáíllai fuédamo orédiaioi. Ie mei Silas Timoteo diga Beréamo fiébicaide. <sup>15</sup>Pablo nabaina jáidino Atenas jófuego íena izájíndiaioi. Iaioi meine jáidínodo Silas Timoteo diga Pablo íaillinoímo uai orede. Daide: “Cue diné iere raire ómicoi biri, dánomo cai gairílleza,” daide.

### **Pablo Aténasmo illafue**

<sup>16</sup>Nai Pablo Aténasmo Silas, Timoteo diga úíñua llezica, afe jófuedo macade. Macádemo aillo íaioi jánaraíai cíóizaide. Aferui Pablo comeci iere zúucaide. <sup>17</sup>Mei jira llófueriracomo judúuairi úrite; daje izóí jíáie Juzíñamuimo jaináiacadínori. Nágarui jofue gairírabirimo itínuaímo llote. <sup>18</sup>Dárie “epicuro” daína llófueinafue facádotino como Pablo diga úrizaidiaioi. Daje izóí, dárie “estoicos” daína llogáfuiyai facádotino Pablo diga úrizaidiaioi. Dámierie daidíaioi:

—Bie aillo úrifiredímie, ¿nífue caimo llóite? —daidíaioi.



Mei íadi jíáimaci daidíaiói:

—Nibai jíáie juzíñamuillai llotímie, —daidíaiói.

Daí úritiaíoi, Pablo Jesús úrillauai, ie meine cáanafue diga íaioimo llóiacana jira. <sup>19</sup>Ie mei Areópago daina illánomo íena uitíaiói. Dinomo gairífrediaíoi llófueinafuena cacáillena. Dinomo íena jicánotiaíoi:

—O atica cómue llófueinafuena cai onóacadicaí. <sup>20</sup>Mei ónoñegafuiaí caimo llotio. Afe bífuiái dáinana onóacadicaí, —daidíaiói.

<sup>21</sup>Nana Atenas imaci naa afénomo ite onínemaciri, cómue ráfuiaina cacáillena járitaitiaíoi. Afe izói cómofuiaí llóllena járitaitiaíoi. Jíáie tájijnamo járitañediaíoi.

<sup>22</sup>Ie jira Pablo Areópago comini cígimo náidaillano daide:

—Atenas imaci, omoi cácarei. Aillo juzíñamuillaido iere jaináidinodiomoi. Daí omoi íllana ciódicue. <sup>23</sup>Omoi juzíñamuillai ánozillena finócafuiái illánuiaido éroicaidicue. Dinomo daa omoi juzíñamuillaimo comeci facáranó ciódicue. Afénomo cueda uailai daide: “Bie cai ónoñega juzíñamui ie.” Bie omoi onóñeno jaináiacana Juzíñamui, ua birui ómoimo cue lluíbigamie.

<sup>24</sup>Afe énie finode Juzíñamui naa éniemo itínuiari, afémie bie énie Naama, mona diga. Afémie comini nigácomo íñede. <sup>25</sup>Afémie omoi caí nífueña finónidicaí. Nífueña llónidicaí. Mei jira dama afémie nana comínimo cáatatínona fecáfirede; daje izói afémie jáfaicína cai ite. Ie emódomo nana ite ráaniaína afémie caimo iga.

<sup>26</sup>Naga náraiaí fueñe dáziemona Juzíñamui comuítaga, naga illa dígano íaíoi éniemo íllena. Iemona dájena diédicaí. Nana íaíoi illfnuiaí mamede. Daje izói nano nié dino íaíoi illfruillai mamede. <sup>27</sup>Daí afémie finoca afe Juzíñamui íaíoi jenóllena, nibai are illa ícoinia ie íaíoi báillena. Mei íadi uáfueña Juzíñamui cai illa dígamieña jica íñede. <sup>28</sup>Mei Juzíñamuido cáadicaí. Afémiedo cai jetáacaga raana jetádicaí. Afe izói afémiedo iticaí. Afe daje izói ómoimona dáríe rua fnua izoide llote: “Juzíñamui comuítagamacidicaí; ie izíedicaí.” <sup>29</sup>Iemona afe Juzíñamuina fia oro finoina jánarai daí comeci omoi facáñeno iri, mei Juzíñamui comuítagamacidicaíza. Afe izói afémieña plata finoina jánarai, ebírede nofici finoina jánarai, daí comécido omoi daíñeno iri. Nana bie jánaraiína dani comini comeci faca izói finódiaíoi. <sup>30</sup>Nauí jaiáidíruillaido comini abína onóñediaíoi; daí íllaza Juzíñamui íaioimo nai íbana óñede. Mei íadi birui náganomo itímiaina Juzíñamui ocuícana daide: “Ómoimo fiéni itífuiaína méidori,” —daide.

<sup>31</sup>Nana comínimo itífuiaí izire jicánollíruí Juzíñamui jae mamede. Aféruillaido afémie nizécamiédo jáicína caimo izire jicánoite. Juzíñamui afe nizécamiéna nana comínimo ñue jino uáfueña onótate; tíllanomona íena meine abído cáatanado nana comínina uáfodo jino fidítate, —daí Pablo llote.

<sup>32</sup>Afe tíidimaci meine cáanafuena cacáillano, dárie itínomona Pablo jifánodoidiaioi. Jiáimaci fena daidíaioi:

—Ico jiáiruido aféfuena meine nane dánomo ómona cácaitaicai, —daidíaioi.

<sup>33</sup>Iemo Pablo íaioi cígimona oni jaide. <sup>34</sup>Mei íadi dáarie iedo jáidiaioi. Jaillano ínotiaioi. Afe ínotimacimona dámie Dionísio. Afémie Areópago nimáiranimo jaináidimie. Afe ínotimacimona Dámaris mámeciredingo ite, nai bai jiáimaciri.

### Pablo Coríntomo illafue

**18** <sup>1</sup>Afe meífodo Pablo Aténasmona oni Corinto jófuego jáizaide. <sup>2</sup>Dinomo dúcia meífomo Aquila mámecirede judío ímie baizájide. Afémie Ponto énie ímie. Afe Aquila ai Priscila. Afe íaillinoi cómoicana Itáliamona botádiaillinoi; romano caifóidillaíma Claudio nana judúuai Roma jófuegmona oni íaioi oréina jira. Dinomo Pablo Aquila uáiduaide. <sup>3</sup>Aquila ie ai diga jédaciede iniroi tífuano bizáinicaife nitíaioi. Afe íaioi nillado úcube otíaioi. Pablo afe táijinana fibídímie. Ie jira Pablo afe íaillinoiri fiébricaide, dájena íaioi táijillena. <sup>4</sup>Naga ocózinaiillaruimo llófueriracomo Pablo llófuiaifrede. Afemona judúuaimona dáarie ínotiaioi. Afe dájerize judfoñedimacimona ja ínotiaioi.

<sup>5</sup>Jae Macedonia éniemona Silas Timoteo diga dúcidiaillinoímo, Pablo ie bizáinillai nilla fáicanocaillano, dama Juzíñamui núefue jino llóllena íere izire llocana uite. Judúuaina uáfodo daide:

—Jesús omoi úiñogamie Cristo, —daide.

<sup>6</sup>Mei íadi judúuai fena uáitaoidiaioi. Iemo fiénide uailai nitádiaioi. Ie jira Pablo ie íncuiro íaioímo faiánote. Afe faiánua daide: íaioi íaire finócafue ícoinia afémie ícoiniañedeza, dani íaioi ícoinia.

Pablo íaioina daide:

—Dani omoi ícoinia timáritiomoi. Jae ómoiri nífuenidimedicue. Biruímona judfoñedimacimo llujíticue, —daide.

<sup>7</sup>Llófueriracomona jino jaillano, Justo maméidímie jofomo jaide. Justo Juzíñamuimo áinozillano caimare úritímie. Afémie jofo llófueriraco abimo ite. <sup>8</sup>Afe llófueriraco illaíma Crispo. Afémie naa ie comíniri Ocuíraíma Jesucrístomo ínotiaioi. Afe llezica aillo Corinto jófuego itino, Pablo lloga núefuina cacáillano áfemo ínotiaioi. Ínuamona bautizagaiaioi. <sup>9</sup>Afe mei Juzíñamui Páblona nícai anado daide:

—Jacíruiñeno iri. Mai núefue llícaíñeno lloíri, mei o diga itícueza.

<sup>10</sup>Fiénidífueña bu omo jíritanide. Nai bie jófuego aillo cuemo ínoitínona ite, —daide.

<sup>11</sup>Iemona Pablo Coríntomo nai daa fimona átuedo Juzíñamui uailai comínimo llófullofuede.

<sup>12</sup>Mei íadi Galióna mámeciredímie, Acaya éniemo illáimana illáruído nana judúuai Páblona uáitaocana gairídiaioi. Iemona fena lláitano, ríimaci uíecomo uitíaioi. <sup>13</sup>Illáimana daidíaioi:

—Bímie comini cígido llófueraide. Jiáifodo Juzíñamuimo áinozilli uaillai llófuecaide. Iemona afe uáillaimo cacáreidiaioi. Mei íadi afefue caimo ocuica uillai uáitaoicaide, —daidiaioi.

<sup>14</sup>Pablo como úrizaidemo, illaima Galión judúuaina daide:

—iJudúuai, cue omoi áifedoñeno iri! Bímie mo aillo fiénidífue ícoinia íadi, cómena fájafue izói, come merírinafue izói, ua afémie daií íadi ómoimo cacáreiticue. <sup>15</sup>Mei íadi fia omoi uáillaido, omoi mámeциаido júfdotiomoi, ómoimo judúuai ocuícáfuiái díga. ¡Mai dani jaícina omoi finori! Aféfuiaimo izire jicánoraimana íacañedicue, —daide.

<sup>16</sup>Ie mei afémie nana íaioina jino jicánoracomona orede. <sup>17</sup>Iemona nana griéguaí Sóstenes maméidímie llaitádiaioi. Sóstenes llófueriraco illaima. Iena lláitano, ríillaima Galión uiécomo íena fáfadiaioi. Mei íadi Galión afe finócafuiaina raa daifñede.

### **Pablo Antioquíamo meine jaide dinómona ja dacaiñoámani nane llujáide**

<sup>18</sup>Dino Coríntomo Pablo díga iruillai ite. Ie jáiacanaruimo, ámatiaí íraicaíño íena facádonocaidiaioi. Afe mei Pablo nocaedo Siria éniemo ruica jáizaide. Aquila ie ai Priscila díga Pábloiri jáizaidiaioi. Nai Cencrea ígobemona nai jáíñediaioimo, Pablo ie ífo cuidode. Daií finode, jae ie nauí Juzíñamuimo llogáuai fuilla jira. <sup>19</sup>Ruica jáillano jae Efeso jófuemo dúcidiaioi. Dinomo Pablo, Aquila Priscila díga fiénocaillano, llófueriracomo jaide. Afénomo gairide judúuaimo Pablo úrizaide.

<sup>20</sup>Afémaci ie íaioi díga are íllena izire jicádiaioi, mei íadi Pablo fairioñede. <sup>21</sup>Iraicaíño íaioina uáidonocaillano íaioina daide:

—Ja Jerusalemo íacade iráizillafuemo raire jáiacadicue, mei íadi Juzíñamui óiacania dáanomo abido ómoína éroizaibiticue, —daide.

Iemona nocaedo Efésomona oni monáillaido jaide. <sup>22</sup>Cesarea jófuemo dúciillano, Pablo arido Jerusalemo jaide, dinomo ite Juzíñamuimo gairídino uáidollena. Afe mei oni Antioquíamo jaide. <sup>23</sup>Díga iruillai dinomo illa meífomo, meine nane nana Galacia jófuemo Pablo oni jáizaide, Frigia jofue díga. Naga jófuemo dágoberie llófuecade. Daií Pablo nana Juzíñamuimo ínotímaci comécina ñue náirecaitate.

### **Apolos Efésomo ñúefue jino llote**

<sup>24</sup>Aféruillaido judío ímie, Apólona maméidímie Efésomo dúcizaide. Afémie Alejandría jofue ímie. Afe iima uai jino llúana ñue fibídímie. Afémie Juzíñamui Cuegáuaina ñue onode. <sup>25</sup>Ocuíraíma Jesucristo llogáuailaina afémie llófuegamie. Aféfuiai jino llúana iere méaicaiñeno caimare llote. Jino uáfodo Jesús ífuiaido llófuerite. Mei íadi dama Juan íaioi báutizafuena onode. Afe izói Juan Jesudo llogáfuaena Apolos onode. <sup>26</sup>Apolos llófueriracomo comeci jáicaiñenado úrizaide. Mei jira

Priscila Aquila dĩa Apolos llófueillana cacáillano, ie eneno uitíallinoi, Juzíñamui uaillai baimo ñue jino jaícina llóllena. <sup>27</sup>Afe mei Apolos Acaya éniemo jáiacade. Iemona ámatiai ie abina jafue oñeno, ñue íena náicaitadiaioi. Daje llezica uícomo rabe afénomo ite ínotinomo cuetíaiioi, íaiioi afémiena ñue llínollena. Afémie Acáyamo dúciillano, afénomo ite ínotinona ñue canode. Juzíñamui jae íaiioimo dúecaillano íaiioina ínotade. <sup>28</sup>Nana comini eróicana judíuai lloga taino uai Apolos íaiioimo cíotate. Afémaci Apolos jamánomo ñue jaícina jóidiuaina jáanonidiaioi. Afémie Juzíñamui Cuegáuailaido nii íaiioi úiñoga Cristo dámie Jesuna jino íaiioimo uáfodo llóteza.

### Pablo Efésomo meine dúcinafue

**19** <sup>1</sup>Apolos nai Coríntomo illa llezica, Pablo Galicia éniemo jaillano, íduai íllado jaide. Jáillano Efeso jófueo dúcide. Dínomo ite Juzíñamuimo ínotimacina cíoizaide. <sup>2</sup>Íaiioimo jicánote:

—¿Meita omoi ínuamona Ñuera Joreño úicaigaomoi? —daide.

Jira afémaci uai otíaiioi:

—Afe Ñuera Joreño íllana, jaca due cacáñedicaí, —daidíaiioi.

<sup>3</sup>Mei jira Pablo nane jicánote:

—¿Mei bu mámecido báutizagaomoi? —daide.

Jira afémaci uai otíaiioi:

—Juan mámecido báutigagacai, —daidíaiioi.

<sup>4</sup>Jira Pablo íaiioina daide:

—Juan lloga báutigainafue comini comécimo ite fiénidífuiai méiduana jino náiraímo cíotate. Mei íadi Juan méífoto bitímiemo ínorediomoi ómoína daidícue. Afe bitímie Jesús; afe Jesús Juzíñamui Nizécámie Cristo, —daide.

<sup>5</sup>Aféfuea cacáillano cai Ocuídímie Jesús mámecido báutigagaiaioi.

<sup>6</sup>Pablo íaiioimo onoi bítamona, Ñuera Joreño íaiioimo bite. Iemona afémaci jíáimaci uáillaido úritiaioi. Juzíñamuimona oga úrilla uaillai jino llotíaioi. <sup>7</sup>Afémaci níbai doce dígamiediaioi.

<sup>8</sup>Pablo afe llófueriracomo daámani fiui jáicade. Dínomo comeci jáicaiñeno jino íaiioimo llófuerite. Juzíñamui illáimana illáfuedo izire íaiioimo jino llote íaiioi ínollena. <sup>9</sup>Mei íadi dámierie comeci rairuíllano aféfuena ínoacañede. Comini eróicana Juzíñamui ñúefuiaido fieni úritiaioi. Iemona Pablo íaiioi cígimona oni jíáícomo jaide. Jaillano Pablo afe Juzíñamuimo ínotinona jíáie comini llófueracomo uite. Afe llófueraco naama Tiranno. Dínomo Pablo nágaruillaido llófuaide.

<sup>10</sup>Daíí dínomo mena fimona llófuerite. Iemona nana Asia énie náirai Ocuíraíma Jesús llogáfuaímo cacáreidiaioi. Judíuaimona nano dĩa ímíiai ínotiaioi. Afe dájerize judíoñedinomona ínotiaioi. <sup>11</sup>Juzíñamui dĩa áíllue cíórainina ráaniai Páblodo finode. <sup>12</sup>Uiéco dóraroillai

Páblomo atídíaiói jinófene jítárraroillai diga. Aféroillai Pablo jétanona iráredimacimo uitíaiói. Afe jetácaroi íaiói llínuamona jíllobicaidiaíói. Daje izói jiáimacimo ite fiénide jóriaí oni jáizítiaíói.

<sup>13</sup>Afe mei macáraini judíuai dárie dúcidiaíói. Afémaci:

—Fiénide jóriaíai comínimona oréredicai, —daidiaíói. Ja Ocuíraima Jesús mámecido afe fiénide jóriaíai jino oréacadiaíói. Jiáimacimo ite jóriaíaina daidiaíói:

—Pablo lloga Jesús mámecido ja birui ómoína jino orédicai,

—daidiaíói. <sup>14</sup>Afe izói judío ímie Esceva siete diga jítótiaí daidiaíói. Afe Esceva lletárrairaini illaíma. <sup>15</sup>Afémie jítótiaí daí dáinamona afe fiénide jóriaí íaiói uai ote:

—Cue Jesuna onódicue. Daje izói Páblona onódicue; mei íadi omoi mei ¿búdiomoi? —daide.

<sup>16</sup>Daí daina mei, fiénidena jóriairedimie riire íaíoína llaitade. Nana íaíoína anáfenuano iere duere íaíoína finode. Ja iere jamánomo duere íaíói finóinamona, afécomona émuíromaiái naa boáfiaíri jino botádiaíói. <sup>17</sup>Nana Efésomo ite comini, judíuai naa judíoñedinori aféfuena fidífillano iere jacíruitiaíói. Iemona Ocuíraíma Jesús mámecina jamánomoideza daidiaíói. Afemona aillo núéfue Jesumo nitádiaíói.

<sup>18</sup>Aillo afemo finotimacimona jaiái íaíói finoca fiénidífuíai uáfodo jino llotíaíói. <sup>19</sup>Daje llezica aillo nauí aiñíniaí uaimo fibídino, íaíoímo ite fiénino úrilla rabénicuai átiano nairaí eróicana jobáidiaíói. Afe jobáicanicuai comécido facádiaíoímo, jamánomo ráífide izoide, daidiaíói. “Cincuenta mil úcubetunillai dieze ráífide,” daidiaíói. <sup>20</sup>Daí Juzíñamui lloga uailai jamánomo oni mónaioicaide. Afedo Juzíñamui ríno jino cfotaioicaide.

<sup>21</sup>Afe meífodo Macedonia éniemo Acaya énie diga dino comini uáíduaillena Pablo mamérite. Afeno comini uáídua meífomo, abido Jerusalem jáiizaillena Pablo comécido daide. Afe emódomo daide:

—Jerusalem cue jaille mei, dinómoma Rómamo jáiacadicue, —daide.

<sup>22</sup>Mei jira Macedóniamoma mena ie canóraíma Timoteo Erasto diga uícodo orde. Mei íadi Pablo nai Asiamoma nano nígarui fiévide.

### **Efésomo fiénidífuedo faillíñeidiaíói**

<sup>23</sup>Aféruillaido Jesús lloga núéfuaíri aillo fiéni faillíñeidiaíói. <sup>24</sup>Afe faillíñeinaí fueñe taíneca. Afémie aillo ebírede ráaniaí plátamona finóraíma. Juzíñamuína íaíói mamécango Artemisa, noíci finoina jánaraí. Aféngomo gairíraco izói, plátamona ráíiracojina finoda, Demetrio fecáfírede. Afedo afémie ie diga táíjñaimaci íena aillo úcube otíaíói. <sup>25</sup>Iemo Demetrio naa jíáie daje izói táíjñana fibídínori dánomo gairídiaíói. Dinomo íaíoína daide:

—Cáimaci, omoi cácareí. Bie cai táíjñado ñue ráaredicai, onódiomoi.

<sup>26</sup>Mei íadi baíe Pablo llócaigafuena cacádiomoi. Afémie daide: “Comini

finoca juzíñamuillaina íeñede,” daide. Ie llogáfuemo Pablo aillo comínina ínotade. Daa benó Efésomoñede daíí ínotade, mei íadi nana Asia éniado ínotaacade. <sup>27</sup>Afefue iere jacire cacaiide. Afedo cai fecácaiganiaina táinocaitaíbite. Daje izói cai áillue juzíñamui cai dainango Artemisa gairíraco jalléinafuena féitaite. Afe izói bie juzíñamui dainango jamánomo ebírenafuena jamairuitaíbite. Nana Asia énie naa jíáie éniiairi aféngomo ánozifirediaíoi, —daíí Demetrio daide.

<sup>28</sup>Aféfuenta cacáillano, iere comécido rícaidiaíoi. Iemona caillfoicana daidiaíoi:

—iCai Efeso imaci juzíñamui cai dainango Diana, jaca ninomo záíñeno iri! —daidiaíoi.

<sup>29</sup>Iemona nana afeno jófuedo aféfuiaí iere riire júfidotiaíoi. Aillo afeno comini ifo írínote. Afe llezica mena Pablo nabaide íaillinoi llaítadiaíoi. Afe íaillinoi mámecei Gayo Aristarco diga; Macedonia ímie íaillinoi. Íaíoi llaíta mei afémaci nairai uícomo íaíoi gairíracomo íaillinoína zocana uitíaíoi. <sup>30</sup>Pablo afeco jofomo comínimo úrizaiacade, mei íadi ñúefuena ínotino afe jofo jáillena rairuítadiaíoi. <sup>31</sup>Afe llezica Asia ríimaci Pablo diga caimare úriraini, Pablo afeco jofo jáíñeillena uai íemo orédiaíoi. <sup>32</sup>Íaíoi gairilla llezica, dáríe jíáífodo llotíaíoi; jíáímiíai jíáífodo jííríocana llotíaíoi. Mei aféfuiaíri jamánomo fieni faillíñediaíoi. Ja nabénairai aféfuena onóñediaíoi, nífuerei gairírdiaíoi. <sup>33</sup>Mei íadi gairírdino cígimona dámíerie jino Alejándromo aféfuiaí llotíaíoi. Afe Alejándrona judíuaí, afeno comini uícomo judíuaí abí ríiduafuedo úrillena, baí íena naídánetaíoi. Baí náidaillano ie ónoído íaíoína, “Mai omoi líícaí,” daide. <sup>34</sup>Mei íadi afémie judío ímienana íaíoi comécido onónamona, mena hora nana caillfoicana daidiaíoi:

—iCai Efeso nairai naango Artemisa, jaca ninomo záíñeno iri! —daidiaíoi.

<sup>35</sup>Iemona afeno jofue jabóllaíma ícoínia comini llícaítade. Llícaítano íaíoína daide:

—Efeso nairai, omoi cácarei. Naga énie náíraíai cai iere jalleide juzíñamui dainango Artemísamo gairíracona úíñotagamacidicaí, afe cai úíñuafuena onódiaíoi. Afe daje izói aféngona mameca monámona ana baííde jánaraina úíñotagamacidicaíza onódiaíoi. <sup>36</sup>Mei bifue buna jaca jáanonideza, mai omoi líícaí. Comecei facáñeno nífuena lloñeno iri. <sup>37</sup>Mei bie omoi atica íaillinoi, omoi juzíñamui dainango Artemísari fíénidífuena úríñediaíillinoi. Aféngona rícaítañediaíillinoi. <sup>38</sup>Demetrio zúucaíllafue ñímiemo íadi, mai jíacánoraímamo llujíri. Daje izói afémieri táíjíraini zúucaíllafue íadi llujíri. Jaca ríimaci uícomo meine abido óllena afémaci llórediaíoi. <sup>39</sup>Mei jíáífodo omoi jíacánoiacaniadi, mai ríimaci daína izói omoi gairíri. <sup>40</sup>Ja birui jíacífuemo baíízaidicaíza. Birui omoi finócafue ícoínia, illaíma anáfenuafuena caímo nítaítiaíoi. Bie omoi

faillíneinafue caimo íaioi jicánoiadi, íaioi uai cai ollifue jaca due iñede, —daide.

<sup>41</sup>Daií daina meífodo, afénomo gairídino oni rainode.

### Pablo Macedóniamo Grecia diga dine jáillafue

**20** <sup>1</sup>Afe íaioi faillíneinafue llícailla meífomo, Pablo Juzíñamuimo ínotino ñue llófuellená jírítade. Daií íaioi llófuia méifomo íaioi llínuano íraicaiño uáidonocaide. Uáidonocaillano Macedóniamo jáizaide. <sup>2</sup>Nana afénomo itígobíai comini uáiduaide. Ie uáillaido afénomo ite ámatíai náicaitade. Afe mei Pablo ja Grecia éniemo dúcide. <sup>3</sup>Dinomo daámani fiui llófuete. Dinómona nocaedo Síriamo jáizaidemo, judíuai fena llaitácanafuena fidide. Ie jira ari éniemo Macedóniamo abido jáillena comeci facade. <sup>4</sup>Dinómona ie nabáidino: Berea ímie Sópater; Tesalónica ímie íaillinoi Aristarco Segundo diga; Derbe ímie íaillinoi Gayo Timoteo diga; jáie Asia énie íaillinoi Tíquico Trófimo diga. <sup>5</sup>Afe bie ámatíai uícomo Troas jófuego caina uíñuaidiaíoi. <sup>6</sup>Fáitara jóneñega pan güilla íráizilla meífomo, Filípomona nocaedo ruica jáidicai. Ja cinco dígarui íllamona Tróasmo dúcidicai. Dinomo daa semana iticai.

### Pablo Troas comini uáiduaíue

<sup>7</sup>Semana nanóidíruido gairídicai pan ditada fecállena. (Afe pan ditada güíllamona Jesucristo íraicaiño güíllamo úibicaidicai.) Güilla mei Pablo Jesumo ínotino llófuete. Afe jítiramo afémie ja jáiacade. Ie jira úroidemo ja dáaferui ite. <sup>8</sup>Caifo jica ite caifóneco ero ico gairídicai. Afe dinomo aillo unérachecoí bóotatiaíoi. <sup>9</sup>Dinomo ite daa jítócome, Eutícona maméidimie. Afémie jino erórafomo ráiide. Pablo iere are úrillamona, afe jítócome jamánomo ínietaide. Icoínia izire íniamona, caifona ana baíide. Afécomo dabaniámani ite. Dinómona ana éniemo baíide. Tíide caifo llínotiaíoi. <sup>10</sup>Mei jira Pablo ana afémiemo jáillano, ie acónimo dújuíllano fena meníñote. Afe mei ámatíaina daide:

—Cáadeza, omoi jacínaiñeno, —daide.

<sup>11</sup>Daií daina mei Pablo meine caifo jaide. Caifo meine dúciillano, pan ditada güíllano nai íaioímo nane úrite. Da úritemo monaide. Monáíllamo oni jaide. <sup>12</sup>Afe baíídimiena ñue caade uitíaioi. Iemona nana comini ñue caimare íficaidiaíoi.

### Pablo Tróasmona Milétomo jáillafue

<sup>13</sup>Ie meífomo Pablo Asonmo iodo jáiacade. Ie jira cai jíáimaci nocaedo uícomo Asonmo jáidicai dinomo Pablo otá cai úíllena. <sup>14</sup>Afémierna Asonmo cai báíllamona, dinómona cai nocaedo nana Mítílenemo jáidicai. <sup>15</sup>Dinómona jáillano jítiramoidíruido Quío jofue áinodo jáidicai. Afe jíáíruido Samos ígobemo zjíidicai. Dinómona Trogíliomo ocózinaidicai.

Afe jiáiruido Milétomo dúcidicai. <sup>16</sup>Pablo Asia éniemo are íacañede. Ie jira Efésomo meine jáiacañede. Mei íadi Pablo raire Jerusalemo dúciacade, afénomo íacade Pentecostés ráfuenta cóillena, íadi nibai cóiñeite.

### Pablo Efeso éinamacimo úrillafue

<sup>17</sup>Nai Mileto jófuego cai illa llezica, Efésomo Juzíñamuimo gairíraíni éinamací jíiritate. <sup>18</sup>Iaioi dúcinamona Pablo íaioina daide:

—Nano fueñe Asiamo cue dúcinamona cue ífirenana ñue onódiomoi. <sup>19</sup>Nágaruillaído comeci mánainafuedo éeiafuedo omoi cígiri iticue. Daíí cai Ocuíraíma Jesumo tájífiredicue. Afe llezica judúuai iere aillo duere cuena finóacadaíoi. Afedo aillo facátafuíai cuemo nitádiaíoi. <sup>20</sup>Mei íadi fáicanocaiñeno nana ómoímo ñue illífuena llófuefiredicue. Daíí uáfodo omoi gairíracomo ómoímo llófueriticue. Daje izóí naga omoi jofomo llófuefiredicue. <sup>21</sup>Judúuaimo lloticue; daje izóí judíoñedinomo lloticue. Nana íaioina daidicue: “Omoi fiénidífuíai núefuíaína Juzíñamui comeci jitailla izóí omoi meídori. Iemona cai Ocuíraíma Jesucrístomo omoi íinori,” daíí íaioina daidicue. <sup>22</sup>Mei birui benómona Jerusalemo jáiticue; afénomo cue jaillé Juzíñamui Ñuera Joreño cue ocuilla izóí. Dinomo cuemo cómuitífuena óñoñedicue. <sup>23</sup>Dama dafue cue comécido onóigafue: nana cue jailla jófuedo Ñuera Joreño cue llavébillífue aillo duere cue finóbillífue díga cuena fidítate. <sup>24</sup>Mei íadi aféfuena due lloñédicue. Ocuíraíma Jesús cuemo jónega tájijnafuena ñue ícoímo cue fuitáadi cue cáanano cúemona ráífiñede. Afe tájijnafue Juzíñamui ñue caína izíruillafue comínimo llócadicue. Ua comini áizia izóidínomona cue tájijina ícoímo caimare ñue dúcitaiacadicue.

<sup>25</sup>‘Omoi cígido Juzíñamui illáimana illafue llócaidicue; mei birui ua onódicueza, ómoímacimona buna cuena meine cóiñeite. <sup>26</sup>Ie jira biruido daííacadicue, ja ómoímona nífuenidímedicue. <sup>27</sup>Mei jira nana Juzíñamui caímo llófuegafuíaí ómoímo uáfodo lloticue. Nífuena báinino lloñédicue. <sup>28</sup>Ie jira afe izóí dani abi omo rairuiri. (Jae einamácidíomoi.) Daje izóí nana Juzíñamuimo gairídínona úíñori, mei jira Ñuera Joreño íaioina úíñotade. Ua Ocuíraíma Jesumo gairídino úíñotagaomoi. Afe gairídínona Jesús dama ie tíllado, ie die tóillamona dama ie comínina meine maiñode. <sup>29</sup>Cue jailla mei jiáímaci Juzíñamuimo gairídínona jífueridíno bíitíai. Ua rírede jícóníai ovéjaina fázia izóí Juzíñamuimo omoi íinogafuena féitataíbitíai. <sup>30</sup>Daje izóí omoi cígiri táínofuíaí llóitínona íite. Afémaci uáfueña féitajano táínofuíaí ómoímo llóitíai, íinotíno afe uai jeire otátallena. <sup>31</sup>Mei jira abi omoi rairuiri. Naui omoi díga cue illáfuemo omoi uibíoi. Dafímonaámani, mona naío díga ébicaillano izire ómoímona nágamíaimo fáicanocaiñeno ómoímo jino lloticue.

<sup>32</sup>‘Mei cue ámatíai, ja birui Juzíñamuimo ómoína jóneíticue, omoi úíñollena. Daje izóí Juzíñamui caína izíruilla uaimo omoi comeci uibíoiillena



jitáidicue. Afe uai ómoína náirecaitaite. Afe daje llezica, aféuaido Juzíñamui dibénemo ñue rairuícamacina ja itfomoi naa jíáie ie rairuícamaciri. Mei afe rairuícamací Juzíñamuido ñue finócamacidiomoi. <sup>33</sup> Jiáimie mo ite úcubiari íaioimo ite íniróllairi dama cúeiena jaca úradoñedicue. <sup>34</sup> Mei íadi jíáifodo, dama cue jitaille raa óllena dama cue ónoido táijidicue. Daje izói cue diga itino fena oticue. <sup>35</sup> Daíí omoi táijillena lloticue. Afe izói raana jitáidino omoi canóllena ómoína llófueticue, Ocuíraima Jesús daina uaimo comeci omoi facáoicaillena. Afémie daina uai daíí daide: “Fia iga raa llínotimie baimo, fecáfiredimie jamánomo íóbide,” —daide.

<sup>36</sup> Daíí íaioína daina meífodo, Pablo cañici ana dújuillano Moo Juzíñamuimo nana afémaciri úritiaioi. <sup>37</sup> Iemona nana éenaitiaioi. Afe llezica Páblona meníñuano ñitada cáimadotiaioi. <sup>38</sup> Afe llezica Pablo “Ja meine abido cuena cíoñeitiomoi” dánari iere zúucaidiaioi. Afe mei fei nocaemo íraicaiño fena nabáidiaioi.

### Pablo Jerusalemo jáillafue

**21** <sup>1</sup> Amatiái fuénocaillano, Cos jófuemo nocaedo jaícina jáidicai. Afe jítiramo Rodas jófuemo jáidicai. Dinómona Pátara jófuemo jáidicai. <sup>2</sup> Afe Pátaramo Feníciámo jáiacade nocáe baiticai. Dinómona afécaedo jáidicai. <sup>3</sup> Jaillano, monaillai cigi idu Chíprena jicana ciódicai. Afe éniéna jarífezi dibénemo fñanona Siria éniemo jáidicai. Afe cai jáillacaemo Tíromo fielle ráaniai illa jira afégobemo zjídicaí. <sup>4</sup> Afégobemo ite Juzíñamuimo ínotinona cióizaidicai. Dinomo siete dígarui íaioi diga iticai. Dinomo Ñuera Joreño llogáiaioi. Ie jira Páblona daidíaioi:

—Benómona Jerusalemo jáiñeno iri, —daidíaioi.

<sup>5</sup> Mei íadi afe siete dígarui illa meífodo jáidicai. Cai jáizaille llezica nana Juzíñamuimo ínotino, íaioi ringóniai naa úruiairi jofue féimo caina nabáidiaioi. Dinomo ite guamácimo ana dújuillano Juzíñamuimo iere úriticai. <sup>6</sup> Ie mei meníñota íraicaiño íaioi facádonocaidicai. Daíí ñiano nocaemo caifo jáidicai. Afémaci íaioi jófuemo meine jáidiaioi.

<sup>7</sup> Tíromona biticai Tolemáidamo dúcina. Dinomo ite ámatiai uáidollena darui nabáidicai. <sup>8</sup> Afe jítiramo Pablo naa íedo jáidínori dinómona Cesarea jófuemo dúcidicai. Dinomo ite ñúefue llóraima Felipe jofomo jáidicai. Afémie siete dígamiede güille fecárainimona Juzíñamuimo gairíraco táijiraíma. Dinomo afémie jofomo iticai. <sup>9</sup> Afe Felipe jiza nagaámazade. Nai ínínidiaioi. Aféngotiai Juzíñamuimona cacana uaillai jino llotíaioi. <sup>10</sup> Afénomo diga irui itícaímo, uai jino llóraima Agabo Judéamona cai uáiduaíbite. <sup>11</sup> Afémie Pablo ciraigi ife zuitáicaillano dama ie idai onoi diga maíano daide:

—Ñuera Joreño daide: “Jerusalemo judúuai bie ciraigi ife náamana bie izói máíite. Maíano fena jicánemacimo fécaítiaioi,” daide, —daíí Agabo lluaíbite.

<sup>12</sup> Aféfuena cacáillano, Cesarea imaci naa cairi, Pablo Jerusalemo jáiñeillena íemo izire jicádicai. <sup>13</sup> Mei jira Pablo uai ote:

—¿Nibái cuena zúucaitaiomoi? ¿Minícari éediomoi? Cue íaioi maille baimo comécido mamériticue. Juzíñamui jitáiadi Jerusalemo cai Ocuíraima ícoinia tíiticueza, —daide.

<sup>14</sup> Afémie mámiafuena jáanonidícai. Ie jira afefue fáicanocaillano daidícai:

—Juzíñamui comeci jitailla izói omo íficaiteza, —daidícai.

<sup>15</sup> Afe meífodo, Jerusalemo jáillana finóbídícai. <sup>16</sup> Cesaréamona dárie Juzíñamuimo ínotino caina nabaide. Afémaci cigimona daa Chipre ímie Mnasón ite. Afémie jae diga fimona Juzíñamuimo ínote. Afémiemo ite Jerusalemo dúciracomo jáidícai.

### Pablo Sanatiago uáiduafue

<sup>17</sup> Jerusalemo dúcidícaimo dínomo ite ámatiaí caimare caina llínotiaíoi. <sup>18</sup> Afe jítiramo Pablo naa cairi Santiago uáiduidícai. Daje izói nana illáicomini afénomo itíaioi. <sup>19</sup> Pablo íaioi uáidote. Uáiduno Pablo nana iedo judfoñedinomo Juzíñamui finócafuaíai jino illa dígafuaíai íaióimo llote. <sup>20</sup> Iemona aféfuiaina cacáillano Juzíñamuimo caimátaioidiaíoi. Jira Páblona daidíaíoi:

—Mii, o llogáfuaíai iere ñuera, mei íadi judfuaímona diga mil comini afe ñúefuemo ínotiaíoi ciódioza. Nana afémaci Moisés ocuica uai izói cai illena iere jitáirede daidíaioi. <sup>21</sup> Mei íadi dáarie o nana jica jiáínomo ite judfuaímo llogáfuenta lluaíbitiaíoi. Afe íaioi cacánafue daide: “Moisés ocuica uaina jeire omoi oñeno iri.” Afe izói íaioi jitótiaí bacano ícoi quetátanedio, daidíaioi. Ie emódomo cai fibíllafuaíaina finótanedio, daidíaioi. <sup>22</sup> Iemo bífuiaina cai dibénedo ¿nie izói llóitio? ¿nie izói ñéitícai? O billáfuenta comini fidíillano ua dáanomó gáiritiaíoi, —daide. Iemo Santiago nai úrillano íena daide:

<sup>23</sup> —Cai daináuai jeire o úamona aféuai izói o finolle jitáirede. Cairi benomo ite nagaámamie. Afémiaíai uícomo Juzíñamuimo nauí íaioi llogáuai fuitáacadiaíoi. <sup>24</sup> Bimaci o uíri. Uillano nana omoi comécimo íaífue múiñuafue mai omoi fñuairi. O úcubemona omoi ífue cuidótalle íbari. Iemona dani cuidótaitiaíoi. Afe daí o fñuamona, benó ite ínote judíuai, o ñue ífirena izói ónoitiaíoi. Moisés ocuífue jeire o úana fidíitiaíoi. Daje izói ja ónoitiaíoi nana o rafue benó comínimo jíáímaci lluaíbígá táínofuaíai. <sup>25</sup> Mei íadi ínote judfoñedinomo jíáífodo jae cuetícai. Aillo judíuai finócafuaíaimo íaioi jíruiñeillena llotícai. Daa bifue íaióimo llotícai: “Jánarai izóidemo fecaca llíciaina omoi riñeno iri. Díena jiróñeno iri, daje izói cimoina cigínoga rílleniaina riñeno iri. Mai nana jírufuaíaimona abí omoi rairuiri; dama áiredímie ie ai diga illa ñuena,” —dínóride Santiago llogafue fuilla.

**Pablo gairíracomo llaitáinafue**

<sup>26</sup>Ie mei Pablo afe nagaámamie uite; uillano afe jítiramo, íaioi comécimo ite íaifuiai múiñuafue finódiaioi. Afe meífodo jofu Juzíñamuimo gairíracomo jáidiaioi. Dīnomo íaioi comécimo ite íaifuiai muiñóilliruillai fuillírui llujídiaioi. Afe daí íaioi llúamona illa dígamierie íaioi raa fia íaioi fecállirui llotíaioi.

<sup>27</sup>Afe siete dígarui ja fúiacademo Asia éniemona bite judúuai Páblona Juzíñamuimo gairíracomo cóizaibitiaioi. Iena cóizaibillano nana afeno comínina fieni faillíñaitadiaioi. Iemona Pablo llaitádiaioi. <sup>28</sup>Lláitano caillífoidiaioi:

—Israel nairai, cai cano! Bímie nágagobiaido nana comíniaimo cai nairai uítaoicana llófuecaide. Daje izói Moisés ocuífafuena uítaoide. Bie cai Juzíñamuimo gairíracona uítaoide. Ie emódomo jae mena griego ímie faillinoi jofu uite. Daí bie Juzíñamuimo ñue finócaco ero bácajaibite, —daidíaioi.

<sup>29</sup>Naui Pablo afe jófuedo judíoñedimie Trófimo díga nabáirillana íaioi cionamona daí daidíaioi. Afe Trófimo Efeso ímie. Afémaci comeci facádiaioi, ñibai Pablo Trófimona gairíracomo eromo jofu uite, daidíaioi.

<sup>30</sup>Iemona nana afeno comini aféfuiai júfidotiaioi; aféfuerei fieni faillíñaidiaioi. Afe llezica nana comini áizíai bitíaioi. Billano Pablo llaitádiaioi. Lláitano gairíracomo jinomo zocana íena uitíaioi. Daí ñiano afe llezica gairíracomo náziai íbáidiaioi. <sup>31</sup>Ja íena titáacadiaioimo, soldados igüelli illaíma ja afe aillo comini fieni faillíñainana fidide. Daje izói Pablo ja íaioi titáacanafuena fidide. <sup>32</sup>Mei jira afe illaíma ie jabóidillaímaíai naa ie llaizírainiri jíríte. Jírillano afe comini illánomo aizícana jáidiaioi. Iemona nana comini llaizíraini illaíma naa ie llaizírainiri bíllana cióillano, Pablo fáajana fáicanocaidiaioi. <sup>33</sup>Afe mei afe illaíma Páblomo áinozide. Ainozillano Pablo llaitádiaioi. Lláitano mena llóejina íena maitátate. Afe mei illaíma íena daide:

—O mei íbúdio? ¿Níifue finódio? —daide. <sup>34</sup>Mei íadi comini jamánomo jíáifodo caillífoidiaioi. Jíáimíai jíáifodo daidíaioi. Illaíma ífona jamánomo írinote. Jaca jefomo uibíñede, jamánomo íaioi úrioinaza. Jira illaíma llaizíraini gairíracomo íena uitátate. <sup>35</sup>Afeco caífo jáirabicimo íaioi dúcina llezica, llaizíraini Páblona caífodo rocádiaioi, comini íena llaitada íaioi fáiacana jira. <sup>36</sup>Afémie uilla óodana caillícana daidíaioi:

—¡Pablo dama tíideza! —daidíaioi.

**Pablo ie abi ríidollífue comini uíecomo llote**

<sup>37</sup>Afécomo íena uizájidiaioimo, Pablo afe llaizíraini illáimamo griego uáillaído jícanote:

—¿Meita comínimo úriredicue? —daide.

Jira aféllaíma uai ote:

—¿O griego uai úrillana ónodio? <sup>38</sup> ¿Mei o egipcio ímieñedio? Afémie nauí jíáie illáimana benó jóneacade. Táizicimo cuatro mil come fáraini uite, —daide.

<sup>39</sup>Jira Pablo íena daide:

—Tarso jófuego jococa judíodicue. Cilicia éniemo ite ñue onórede jofue ímiedicue. Comínimo cue úrilleza cuemo izire cácarei, —daide.

<sup>40</sup>Iemona afe illaíma Páblona fairíote. Iemo Pablo afe caífo jáirabicimo náidaillano comínina ónoído llícaítade. Iaiói úrioina llícaíllamona Pablo afémaci uáíllaído íaíoimo úrite. (Afémaci úrilla uai ‘hebreo’ daina.) Iaióina daide:

**22** <sup>1</sup>—Cai comini naa illáicomini díga, omoi cácarei. Cue abi ríiduafue jino llóiticueza, —daide.

<sup>2</sup>Hebreo uaido íaíoina dáinana cacáíllano, iere tíi daídíaiói. Iemona Pablo íaíoina daide:

<sup>3</sup>—Cue judíodicue. Cilicia éniemo ite Tarso jófuego jocócacue. Mei íadi benó Jerusalemo comútagacue. Afe mei Gamaliel llófuegacue. Cai jáiáidígima ocuífaiuíai llúana iere áfemo jíeruiticue. Jaca Juzíñamuimo tájinafuego comeí cue facai izói naa cue ríinodo iere járitaífredicue. Ua ja biruí Juzíñamuí ocuífafuego omoi járitaílla izói jáiai daí járitaífredicue. <sup>4</sup>Jaiái Jesumo ínotínona daje izói fállena racádicue. Afe dáruido íñíai ringóniári llavéracomo lláviaidicue. <sup>5</sup>Lletáiriraini illaini nauí comini cue lláviafuego uai nabáiraini itíaiói. Daje izói nana illáicomini rábiai cue fécamo uai nabáiraini. Afe rábiaído Damáscomo ite cai ámatíai judíuai jénuaidicue. Dinomo ite Jesumo ínotino jénuaidicue, atída Jerusalemo íaíoina duere cue finófallena.

### Pablo íemo ite ííenídífue méidua jino llote

(Hch 9.1-19; 26.12-18)

<sup>6</sup>‘Mei íadi Damasco iodo jáidicue, ja jácíri ítemo afe jófuego dúciacadicue. Afe llezica monámona jamánomo riire cuemo egáíñoaíde.

<sup>7</sup>Iemona éniemo baíidicue. Afe llezica monámona cuena daina uai cacádicue; aféuai cuena daide: “Saulo, Saulo ¿ñibái mei cue racádio?”

<sup>8</sup>Mei jira jícanoticue: “¿O mei búdio?” Jira afémie cuena daide:

“Nazaret ímie Jesúsídicue. Daa o racácamiedicue,” daide. <sup>9</sup>Cuedo jáidino afe egáíñuana cíóillano jacínaitiaíoi; mei íadi cuemo úrite uaina cacáñediaíoi.

<sup>10</sup>Jira íena daídícue: “Ocuíraíma, ¿mei ñíe izói ííticue?”

Jira afémie cuena daide: “Náidacaíllano o jaílla Damasco jófuego jai.

Dinomo o finóllífuiaina omo llóítiaíoi,” daide. <sup>11</sup>Afe riire egáíñua cue ui dúitaga. Ie jira cue nabáíñíai Damáscomo ónoído jainátaoicaigacue.

<sup>12</sup>‘Afénomo ite Ananíasna mámeciredímie. Afémie iere Moisés ocuífafuego ínofírede. Nana Damáscomo ite judíuai ñúefuena íemo

nitáfirediaioi. <sup>13</sup>Iemo afe Ananías cue uáiduaibite. Billano cuena daide: “Cue ama Saulo, o ui meine nane cóiteza,” daide. Daí daina llezica meine cue ui ñue cóide. Afémiena ciódicue. <sup>14</sup>Mei jira afémie cuena daide: “Cai jáiairagima Moo Juzíñamui nizécamiedio. Afémie jaii ninómona ona nizede íemo o táijillífuii jino omo llóllena. Ua dama Jesús fuémona ie úrilla uáillaina cácaítio. Afe llezica jaícina ñue finófredimiena Jesuna cóitio. <sup>15</sup>Mei o cacánafuiai o ciónafuiai diga nana comini úcomo jino llóitio. <sup>16</sup>Mei birui ¿minícarí jizídió? Náidacaillano o báutizatari. Ocuíraima Jesús mámecimo ñue íinori. Afedo o fiénidífue jae muiñócaza,” dinori Ananías daide.

### Pablo Judíoñedinomo ie orécafue jino llote

<sup>17</sup>Pablo nai úrite. Iaioina daide:

—Jerusalemo meine cue billa llezica, Juzíñamuimo gairíracomo úrizaidicue. Dinomo nicai anado ciódicue. <sup>18</sup>Cai Ocuíraima Jesuna ciódicue. Afémie cuena daide:

—Jerusalémona mai raire oni jai. Afémaci cuedo o úrillana jéruiñeitiaioi, —daide.

<sup>19</sup>Jira Ocuíraimana daidicue:

—Nana afémaci omo ínotinona llófuerracomo cue lláitainafuena onódiaioi. Llavéracomo íaioina fácana cue uilláfuemo uibóidiaioi.

<sup>20</sup>Esteban o mámecido úrite táijitagamie. Afémie tíide die tota llezica afénomo iticue. Aféfuemo “Jii” daidímedicue. Ie emódomo Esteban fatímie ínquírona oni llídicue, —daidicue. <sup>21</sup>Mei íadi Ocuíraima cuena daide:

—Mai jai. Judíoñedino cígimo jica ona óreiticue, —daide.

### Pablo llaizíraini illaíma anamo illafue

<sup>22</sup>Afe dinó afeno comini íanori tíi daidíaioi. Mei íadi dánomo nane caillóicana daidíaioi:

—¡Bie iima dama tíideza! ¡Afémie cáaillinona íñeite! —daidíaioi.

<sup>23</sup>Nai are caillóidiaioi. Fere icírrillano dani íaioi ínquíruai cúacoidiaioi. Afe llezica eníchomaíai caifo táinomo júcoidiaioi.

<sup>24</sup>Ie jira llaizíraini illaíma Páblona íaioi gairíracomo orede. Oriano dinomo zechénotade ie finócafue jino llóllena, comini riire íemo fiene caillóinafuena onóillena. <sup>25</sup>Ja maitá fállena naidánega, íemo Pablo dinomo ite jabóllaimana daide:

—¿Jicánoñeno romano ímiena fárediomoi? —daide.

<sup>26</sup>Afena cacáillano jabóllaima llaizíraini illáimamo llujáide; llujáillano daide:

—Bímiemo o duere finóacanafue o jíricaiñeno iri; afémie romano ímieza, —daide.

<sup>27</sup>Jira afe llaizíraini illaima Páblomo jicánuaibite; daide:

—¿Ua romano ímiedio?

Jira Pablo:

-Ie mei, —daide.

<sup>28</sup>Jira afe illaima daide:

—Aillo cue úcube baifílla baimo romano ímiena jáidicue, —daide.

Iemo Pablo daide:

—Cue jaca romano ímiena jocócacue, —daide.

<sup>29</sup>Afe daíí ie dáinamona, ie zechénotino afémiemona oni raíidíai. Nana afémaci naa aféllaimaóiri jacínaitiaí ie íaií llaítari; afémie romano ímienana íaií fidínamona.

### Pablo judíuai Nahí Ríillaini uícomo naidánetaíoi

<sup>30</sup>Afe jáíruido afe llaizíraini illaima Páblomo íaií jítacafuíaina ñue jaícina onóiacade. Ie jira lletárraini illaini naa íaií ríillainiri dánomo gairítate. Afe mei Pablo llaveina llójei zúitano íaií uícomo baí naidánete.

**23** <sup>1</sup>Dinomo Pablo Nahí Ríillainimo éroicaillano daide:  
—Cue ámatiaí, cácarei. Jaca birui comeci mánainafuedo Juzíñamui uícori caimare iticue, —daide.

<sup>2</sup>Ie jira lletárraini illaima Ananías Pablo abímo itino fúena putátate.

<sup>3</sup>Jira Pablo íena daide:

—¡Afe izóí Juzíñamui ona fátaite! Jae jinóidiuaido ñue úritio, o comeci fiénide íadi. ¿Jadí ráiidio ocuica uai daina izóí cuemo jicánollena? Iemona ¿ñibái mei ocuífue uáitano cue fúena putátatio? —daide.

<sup>4</sup>Iemona afénori itino íena daidíai:

—¿Ñibái daíí Juzíñamui caifoide lletárraimana báíñotio? —daidíai.

<sup>5</sup>Jira Pablo daide:

—Amatiaí, afémie caifoide lletárraima ie íllana onóñedicue. Onóñicueza Cuegáuailai daide: “O jofue ríimacina báíñoñoeno iri,” —daide.

<sup>6</sup>Iemona Pablo Nahí Ríillaini cígimo itínona fidide. Afémacimona dárie fariséuaimo jaináidiaí. Jáímaci saducéuaimo jaináidiaí. Ie jira íaíoina riire daide:

—Amatiaí, cue fariséodicue. Afe emódomo fariseo ímie jítódicue. Ja birui cuemo jicánotiaí, mei tídimaci meine abido cáailíruimo cue úíñua jira, —daide.

<sup>7</sup>Daíí daina meífomo, fariséuai saducéuai diga conímamo jofu afefue riire júfidotiaí. Iemona afénomo gairídino dázierie bozíetaidiaí. <sup>8</sup>Afe saducéuai tídinona meine cáañeite daidíai. Afe emódomo Juzíñamui abi imácina íñede, daje izóí joríaiaina íñede daidíai. Mei íadi fariséuai nana aféfuiaimo ínotiaí. <sup>9</sup>Nana caillídiaí. Ie mei dárie ocuífue llófueraí naidáidiaí. Afémaci fariséuai dibénemo jaináidiaí. Caifo naidáillano daide:

—Bímie fiénidifuiaina caido llócañede. Nibai joreño íemo úrilla; nibai Juzíñamui dibénedo úaitañeiticai, —daidíai.

<sup>10</sup>Afe júfiduafue riire anado jaide. Iemo llaizíraini illaima Pablo íai

<sup>11</sup>Afe jíáie naio Ocuíraima Jesús Páblomo cíocaillano daide:

—Pablo, jacíruñeno, abi mame. Benó Jerusalemo cuedo o úrilla izói, daje izói Rómamo úrizaitio, —daide.

### Pablo fállena mámiafue

<sup>12</sup>Afe jíáiruido judúuaimona dáarie Pablo fállena maméritiaioi. Dani íai

—Páblona nai cai fáñeille dino güñeiticai, jíroñeiticai, —daidíai.

<sup>13</sup>Afe daií úritimíai cuarenta baimo jaide. <sup>14</sup>Iemona afémaci lletáiraini illáinimo naa judúuai éinamaciri jáidiaioi. Dinomo daiízaidiaioi:

—Dani cai abi fiene daináfuedo faidódicai. Pablo cai fáñeille dino güñeiticai, jíroñeiticai. <sup>15</sup>Mai omoi naa jíáie Nahí Ríillainiri llaizíraini illáimamo Pablo uire jiti atállifue jica. Fia daií íemo lloíri, meine nane íemo itífue izire omoi jicánollena. Afémie nai dúcñeite, afe atica llaitada íena títaiticai, —daidíai.

<sup>16</sup>Mei íadi Pablo comoma afe Páblona íai

—Bie jitócome llaizíraini illáimamo úi. Afémiemo lloílfuena íteza, —daide.

<sup>18</sup>Afe jabóllaíma íena uillano, llaizíraini illáimana daide:

—Afe llaveca Pablo cue jíirillano bie jitócome benó cue atállena jicade, afémiemo da lloílfuena íteza, —daide.

<sup>19</sup>Afe llaizíraini illaima afémie ónoído oni eneno jicánollena uite; daide:

—¿Níifue cuemo llóiacadio? —daide.

<sup>20</sup>Jira afémie daide:

—Judúuai jae nana dáfuerrillano meine comei facádiaioi. Uire jiti Pablo Nahí Ríillaini uícomo meine o atállifue jícaitiaioi, meine íemo izire íai

<sup>22</sup>Iemona afe llaizíraini illaima afe jitócomena:

—Mai o jairi, —daide. Afe íemo ie lluaíbigafuena jíáimacimo “Lloñeno iri,” daide.

### Caifóidillaíma Félixmo Páblona oré diaioi

<sup>23</sup>Mei jira afe llaizíraini illaíma mena jabóidillaíma uáidote. Uáiduano faillinoína daide:

—Mai doscientos díga llaizíraini mácaitinona finóbitari. Afe llezica setenta dígamie cabállodo jáitínona finóbitari. Afe emódomo doscientos dígamie zídaiari jáitínona finóbitari. Nana afémaci nauilla baido Cesaréamo jáitiaioi, —daide.

<sup>24</sup>Afe llezica Pablo jaille cabállona finóbitade. Daje llezica Pablo ñue fañeno cáanori caifóidillaíma Félixmo uitátate. <sup>25</sup>Afémacido cuebas orede. Afe cuebas daide:

<sup>26</sup>“Cue Claudio Lisias mamécacue. Jamánomo cáimafuerede caifóidillaíma Félix, o uáidotícue. <sup>27</sup>Judúai bímie lláitano duere finótaacadiaioi. Iena fáiacadiaioi. Mei ie romano ímie íllana cue fidínamona cue llaizírainido fena ríduaidícue. <sup>28</sup>Iemo íaioi jítácafuenta onócadícue. Ie jira judío Ríillaini uómo íena uitátaticue. <sup>29</sup>Ie mei aillo íemo júfidogafue záilla meífomo íemo nífuena baiñédícue. Dani íaioimo ocuica uai ie jeire ie oñena íemo nitádiaioi. Mei íadi ie cue fallífuena íñede. Daje izóí ie cue llavéllífuena íñede. <sup>30</sup>Dani afémie íaioi nane fáicanafuena cue fidínamona, íena omo orédícue. Afe llezica nana íemo fiénidífuiaí nitádinona daidícue: Mai Páblomo ní fue o nitáadi caifóidillaíma Félix uícomo o daízairi. Mai, jae ñie.”

<sup>31</sup>Mei jira nana llaizíraini íaioi illaíma ocuilla izóí Pablo uitíaioi. Afe naio Antípatris jófuemo íena uitíaioi. <sup>32</sup>Afe jítiramo efbado jaide llaizíraini meine íaioi ínracomo bitíaioi. Ie mei cabállodo jáidino Páblooiri nai Cesaréamo jáidiaioi. <sup>33</sup>Dinomo afe Cesaréamo dúciillano, afémaci uiga cuebas caifóidillaímamo izájidiaioi. Daje izóí Pablo íemo fecádiaioi. <sup>34</sup>Afebe facádua meífodo, caifóidillaíma jicánote:

—¿O nino ímiedio?

Pablo uai ote:

—Cilicia énie ímiedícue, —daide.

<sup>35</sup>Ie jira íena daide:

—Omo fiénidífuena nitáдино bíadi ona cácaítícue, —daide.

Afe mei Félix Páblona Herodes illaíma illaco áillocomo rairuítatínona uitátate, afécomo íena íaioi ñue rairuíllena.

### Félix uícomo Pablo abi ríduafue

**24** <sup>1</sup>Jubécuiro dígarui illa meífodo lletáraini illaíma Ananías Cesaréamo bite. Afémiedo dárie éinamaci bitíaioi. Dáruído, caifóidillaíma uícomo raire úritímie bite. Afémie mámece Tértulo. Nana afémaci caifóidillaíma Félix uícomo Páblomo jítácafuaí nítaibítiaioi.

<sup>2</sup>Pablo íaioi átia llezica, Tértulo íemo jídífue riire nítade. Félixna daide:



—Cai izíruiга caifóidillaíma, ori ióbiacadicaí. Ñue záillafue caímo ite; íemo caímare llícaíllafuemo iticaí. O fibíllafuedo nana ñue ocuícacaí. <sup>3</sup>Nana bífuiaíri náгagobiaído ióbioídicaí. Félix o iere jamánomo figomiedio. <sup>4</sup>Mei íadi are o cue áifedoñeilleza caí úrillamo o cacáreíllena omo izire jicádícue. <sup>5</sup>Bímie fiénide duico billa izóí bíllana cióídicaí. Naga éniíaido llócaide judúuai oni énenorie bozíetaíllena. Afémie Nazaret ímie Jesumo ínotino ífódimie. <sup>6</sup>Ícoímo caí Juzíñamuimo gairíraco ero bácajide. Ie llaitádicaí ñue afémiemo caí ocuina uai daína izóí jicánollena. <sup>7</sup>Mei íadi llaíziraini illaíma Lisias aféfuemona caina rairuide. Iemona caí anámona íena ríífuado oni baírode. <sup>8</sup>Afe emódomo caina daide: “Bie cómemo bifue jitádino odo bírediaíoi.” Dama o afémiemo jicánorena, nana íemo caí jitácafue uáfueíteza. Daíí áfena uáfuenta onóitio, —daide.

<sup>9</sup>Aféno mo jaide judúuai nana aféfuiaína uáfuaí daídíaíoi. <sup>10</sup>Jira Pablo úrillena caifóidillaíma ónoído llote. Jira Pablo daide:

—O uícori cue abi ríduafue jino caímare llóítícue. Jaíai díga fimona bie nairaí o jicánoraímana o íllana onódicueza. <sup>11</sup>Ja doce dígarui íllamona Jerusalemo Juzíñamuimo áinozillano íemo caímare úrillena dúcidícue. Aféfuena dama o jicánorena, ñue o ónoíllena. <sup>12</sup>Bumo riire cue úrillana cacáñediaíoi. Daje izóí Juzíñamui gairíracomo comínina fiени faillíñaitañedicue. Iemo jíái Juzíñamui llófueriracomo daje izóí júfidogafuaí finótañedicue. Daje izóí nairaí jófuedo nífuena lloñédícue. <sup>13</sup>Nana bimaci cuena nitácafuaína bu áfena uafue daínina. <sup>14</sup>Mei íadi dafue jino llóítícue. Judúuai fiени mameca fiénidíodo jáidícue. Afe como Jesús lloga iodo cue jáíllamona caí uzútiaí Moo Juzíñamuimo táíjidícue. Mei nana cuega ocuica uáíllaina ínotícueza. Afe daje izóí nana uai jino lloraini Cuegánicuaímo ite uáíllaina ínotícue. <sup>15</sup>Iaíoi Juzíñamuimo úíñoínafue daide: “Tíidino ñuemaci fiénidímaci díga meine abído cáaitiaíoi.” <sup>16</sup>Ie jira Juzíñamui uíécomo nífuenidímiena cue íllena jaca nágarui cue comeci ñue finófiredícue. Afe izóí comini uícomo nífuenidímiena íacadícue.

<sup>17</sup>Ja díga fimona jíáinuiaímo cue maca meífomo, meine cue éniemo Juzíñamuimo fia fecaca úcube izáíbitícue. Afe izóí dúeredímacímo dúecaíllano úcubena fécaíbitícue. <sup>18</sup>Afe daíí cue feca llezica, cue comécímo ite íaífuiaí cue múíñuafuemo nícidotícue. Daíí cue comeci nícidua meífodo afe úcube cue fecalle llezica, dárie Asia énie judúuai Juzíñamuimo gairíracomo cuena baítiaíoi. Aféno mo nai comínina figo íñena llezica itícue. Aféno mo ite comínina jaca buna faillíñaitañedicue. <sup>19</sup>Aféno mo cuena cióídino benomo cuemo jítaíbirediaíoi, cuemo nífue íaíoi nitáadi. <sup>20</sup>Mei jíáífodo nauí judúuai Nahí Rííllaini uíécomo cue illa llezica fiénidífue cuemo nauí íaíoi báíadi, benomo ite aféfuena cacádino mai jino lloiri. <sup>21</sup>Aféruíllaído íaíoi cígiri cue illa llezica dafue riire

íaiοimo lloticue. Daidicue: “Ja birui cuemo jicánotiomoí tídímaci meine abido cáaillifuemo cue ínuua jira.” Dino Pablo úrite.

<sup>22</sup>Félix Pablo daíí dáiηana cacáillano, aféfuena dinó fiénocaide. Afe Jesucristomo dibénemo itino finócafuiaina Félix ñue fibídímie. Ie jira aféfuena dinó fiénocaide. Fiénocaillano daide:

—Fui llaizíraini illaima Lisias dúciadi bie ómoimo itífue afémie cuemo ñue jino llóite, —daide.

<sup>23</sup>Iemona Félix, jabódillaimana ocúide Páblona nai zuitátañellena. Mei íadi ie comini ie uáiduaibillena rairuñede. Afe izói ie íaiοi cánuabillena jeruñede. Afe daíí Félix Pablo figo riire llavétañede.

<sup>24</sup>Afemona afe mei dígarui íllamona, Félix meine dúcide ie ai Drusila diga. Afengo judío ingo. Félix Pablo jíiritade Jesucristomo ínuafuedo úrillena. <sup>25</sup>Afe ínuafuedo úrilla lezica Pablo ñue jaícina jáillifuedo úrite. Afe daje izói ñue comini íllena abi rairuínafuiái lote. Ie émodomo írairuimo comini jicánollifue jino lote. Aféfuiaina cacáillano, Félix jacínaite. Jacínaillano daide:

—Mai birui jai, uire cue jítaílliruido nane ona jíiriticueza, —daide.

<sup>26</sup>Afe jáífue Félix, Pablo ie zuitalle úcube fecalle úñote. Ie jira diga ícaño Félix íena jíjíiride ie diga úrillena. <sup>27</sup>Mena fimona daíí íhídiaioi. Afe mei Félix ie illáimana illano fáicanocaide. Ie meífomo Porcio Festo illáimana jónetiaioi. Félix judúuai úcori ñue íacanamona llavécamié Páblona zuitáñeno oni jaide.

### Pablo Festo úcori abi ríduafue

**25** <sup>1</sup>Ie meífomo Festo ja illáimana bite. Afe mei daruíamani íllamona Cesaréamona Jerusalemo jaide. <sup>2</sup>Dinomo lletáiriraini illaini naa judúuai ríimaciri Páblomo íaiοi nitácafuiái nane Féstomo llotíaioi. <sup>3</sup>Jerusalemo abido Pablo oréllena izire jicádiaioi. Pablo io anamo íaiοi fallífuena maméritiaioi. <sup>4</sup>Mei íadi Festo íaiοi uaimo daide: Pablo nai Cesaréamo llaveca. Nano íanori íllamona afénomo nane jáitícue.” <sup>5</sup>Jira íaiοina daide:

—Ie jira omoi cígiri ite ríimaci mai cuedo Cesaréamo jairi. Afémiemo nífue íadi dinomo íemo nitajirediomoi, —daide.

<sup>6</sup>Festo afe Jerusalemo nano ocho nibai diez dígarui illa meífodo meine Cesaréamo bite. Afe jíáiruido ie riire jicánoranomo ráinazaide. Páblona atítate. <sup>7</sup>Pablo afénomo jofo jáidemo, Jerusalémona como dúcide judúuai íemo ánozidiaioi. Ánozillano aillo fiénide ráfuiai íemo nitádiaioi. Mei íadi aféfuiaimo ínollifueña íñede. <sup>8</sup>Mei jira Pablo ie abi ríduafueña daide:

—Cue nie fiénidífuena finóñedicue. Judúuai ocuícafuiái uáitaoiñedicue. Íaiοi gairíracο ero bácañedicue. Daje izói romano caifóidíllaima uáillaina uáitaoiñedicue, —daide.

<sup>9</sup>Mei íadi Festo judúuai cígiri ñue íacade. Jira Páblomo jicánote:

—¿Jerusalemo abido jáiacadio omoi nitácafuiái dinomo cue jicánolleza? —daide.

<sup>10</sup>Jira Pablo uai ote:

—Ja birui romano illaíma uícomo náidadicue. Ja benomo cuemo nitácafuiái jicánorede. Mei judúuaimo nífuenidimiedicueza ñue onódio.

<sup>11</sup>Cue títaite fiénidífue cuemo íadi, áfemona abi jáanoñeiticue, mei íadi nana cuemo íaioi nitácafuiái táínofue íadi, buna íaioimo cuena ríífuedo izájinide. Dama romano jamánomo ocuídillaíma cuemo jícano daidicue, —daide.

<sup>12</sup>Iemo ie fidítatimiíaimo úrilla meífomo, Festo daide:

—Mei “Jamánomo ocuídillaíma cuemo jícano” daidízoa, ie jira afe jamánomo ocuídillaímamo ona óreiticue, —daide.

### Pablo illaíma Agripa uícomo illafue

<sup>13</sup>Díga irui illa meífomo illaíma Agripa ie ai Berenice díga Cesaréamo Festo uáiduaide. <sup>14</sup>Afénomo díga irui itíañillinoimona, Festo Pablo rafue Agrípamo llote. Iena daide:

—Félix fiénocaiga llavécamié nai benomo ite. <sup>15</sup>Nauí Jerusalemo cue jailla llezica, lletáriraini illaini, naa judúuai éicomíniri íemo íaioi nitácafuiái cuemo llotíaioi. Ie duere cue finótallena cuemo jicádiaioi.

<sup>16</sup>Jira íaioi uai oticue. Iaioina daidicue: Romano ríimaci íaioi fibilla izói, afefue nitádimie íemo nitácamie uícomo conímamo jofo eróicana nai úriñenia, nitácamiena fañédiaioi. Afe daíí táínofue nitácamie ie abi ríiduafuena finórede. <sup>17</sup>Ie jira afémaci benomo billa llezica, raire afe jíáiruido cue jicánoranomo ráinazaidicue. Ráinazaillano afe cómena atítaticue. <sup>18</sup>Mei íadi afémiemo nitádino cue comecei daina izói nitáñediaioi. <sup>19</sup>Daa íemo íaioi nitácafue fia íaioi íinogafuiáimo jaináidífue. Daje izói da Jesudo úritiaioi. Afémiena tíide daidíaioi; mei íadi Pablo “Caade” daide. <sup>20</sup>Mei aféfuena onóñedicueza. Nie izói aféfuena níbaiticue, daidicue. Jira Páblomo jicánoticue: ¿Jerusalemo meine jáiacadio dinomo omo nitácafuiái ñue jicánollena? <sup>21</sup>Mei íadi afémie jamánomo ocuídillaíma Augusto íemo jicánollena jicade. Ie jira nai íena zuitáñedicue. Iena rairuídicue jíáiruido afe caifóidillaímamo ie cue oréllena, —daide.

<sup>22</sup>Jira Agripa Féstona daide:

—Cue jíái daje izói afe íima uaimo cacáreacadicue, —daide.

Jira Festo uai ote:

—Uire jiti cácaito, —daide.

<sup>23</sup>Afe jítiramo, Agripa Berenice díga dúciillano, áillue gairíraco nana jofo jáidiaioi, naa llaizíraini illáiniri, naa jofue ríimaciri. Ua aillo ebire finóbillano jofo jáidiaioi. Dinomo Festo Pablo jííritade. <sup>24</sup>Afe mei Festo illaíma Agrípama daide:

-Hlaima Agripa, nana cairi benó gairídinori, omoi cácarei. Bímiemo omoi eroi. Aillo judúuai afémiedo cuemo úritiaioi. Benó Cesaréamo cuemo úritiaioi; daje izói Jerusalemo izire cuemo jicádiaioi. Jaca fáinocaiñeno ie titáacanafuena cuemo llotíaioi. <sup>25</sup>Mei íadi afémiemo comeci facádícue, íadi ie cue titállifuenta íñede. Mei caifóidillaima Augusto íemo jicánollena dama jicade. Jira afémiemo íena oréllena mamédícue. <sup>26</sup>Mei caifóidillaimamo afémie rafue cue cuellífuenta íñede, ¿níífue mei cúeítícue? Ie jira, Agripa, bímie o uíecomó atídícue íemo omoi jicánollena. Afedo caifóidillaimamo cue cuellífuenta ónoítícue. <sup>27</sup>Mei cue comeci daide: Da llavécamié cue oréadi, íemo íaioi nitácafuenta óñoñenia, nibai afefue táínofue, —daide.

### **Illaima Agripa uícori Pablo abí ríiduafue llote**

**26** <sup>1</sup>Jira afe Agripa Páblona daide:  
—O dama o abí ríiduafuenta llórena, —daide.

Iemona Pablo como fueñe íaioimo úrite; daide:

<sup>2</sup>-Hlaima Agripa, cue abí rídollífue o uícomó cue llólleri íóbídícue. Nana judúuai cuemo nitaca táínofuíai jino jaícina llóítícue. <sup>3</sup>Nana judúuai fibíllafuíaina ñue onódioza. Daje izói confímamo cai úrillafuenta onódio. Aferi iere íóbídícue. Ie jira ffaicana cue úrillamo o cacáreíllena jicádícue.

### **Pablo íemo itífue méiduafue uícomó finócafúiai**

<sup>4</sup>‘Nai cue úruenamona dama cue éniemo, daje izói Jerusalemo íaioi cígiri nana judúuai cue illáfuenta onódiaioi. <sup>5</sup>Daje izói cue jitócomenanomona fariseo ímiéna cue íllana onódiaioi. Afémaci jitaia aféfuena jino llóredícue. Cai finogafuíaimo afe fariséuai jamánomo riire jaináidino. <sup>6</sup>Íaioi finogafue izói Juzíñamui tíidino meine abido cáatallífue mo finotícue. Juzíñamui daje afe cáallífue cai jáiairagimamo llote. Afefue ícoínia birui bie jicánollífue mo cuena atídíaioi. <sup>7</sup>Cai Israel doce nairai afe uícomó llogáuui fuizájillínomo úiñoídiaioi. Ie jira mona naio díga Juzíñamuimo áinozillano caimare úritiaioi. Afe izói íemo táijídiaioi. Illaima Agripa, afe bie daje úiñoogafue ícoínia, judúuai fiénidífúiai birui cuemo nitádiaioi. <sup>8</sup>¿Níbái mei daí comeci facádiomoi? ¿Níbái mei afe Juzíñamui tíidino meine abido cáatallífue mo buna finonide, daidífomoi?

### **Pablo nauí Jesucrístomo ínotino rácafue**

<sup>9</sup>‘Nazaret ímie Jesús mámecimo jaináidino duere cue finótallena, nauí aféfuemo comeci facáoídícue. <sup>10</sup>Iemona Jerusalén imácina duere finótaticue. Lletáriraini illaini ríibiaido aillo Jesumo ínotinona llavéracomo íbaicotadícue. Comini afe llavécamací titáacana llezica aféfuena fairiótícue. <sup>11</sup>Díga icaíño íaioina duere finódícue, íaioi

finogafue féitallena. Afe duere finótafue naga llófueriracuaido daií finódicue. Afe finotinona jamánomo fiéniruidicue. Ie jira afémacina onínemaci jófuemo racádicue.

**Pablo íemo itífue méidoinafue nane llotte**

*(Hch 9.1-19; 22.6-16)*

<sup>12</sup> ‘Bie daií comeci mamérillafuedo Damasco jófuemo jáidicue. Lletáriraini illaini ríbiaido comini llaitállena orécacue. <sup>13</sup> Mei íadi jaíciri ia iodo jáidicue, jamánomo monámona riire cuemo egáñoacide. Afe egáñoa jitoma egáñoa baimo meáirede. Cue abimo egáñoacide naa cuedo jáidínori. <sup>14</sup> Iemona nana éniemo baídicai. Hebreo uáillaído monámona cuena dañana cacádicue; cuena daide: “Saulo, Saulo, ¿nibái mei cue racádio? O dama o abi fieni finódio. Aillue juráreto jiúrainomo ite jáirede razi. Afe rázimo juráreto zaitacailla jilla izói, afe izói dama abi daií finódio” daide. <sup>15</sup> Jira uai oticue: “Ocuíraima, ¿mei o búdio?” Jira aféme cuena daide: “O racácamie Jesúsicue. <sup>16</sup> Mai náidacaillano macácana jai. Jae cuedo o táijillena omo cíocaidicue. Afemona birui o ciónafuemo uai nabáiraímana ítío. Ie meífomo jiáiruido jiáifuiaí omo ácataiticue. Aféfuiaímo nane uai nabáiraímana ítío. <sup>17</sup> Ja judúuaímona jiáie jicáneziemo ona orédicue. Dinomo ona lláitaitiaíoi íadi ona jllotaiticue. <sup>18</sup> Dinó afeno imácimo ona orédicue, íaíoi comeci o zuitállena. Afemona, jítifodo íaíoi macáñoeno úzefodo íaíoi macállena o orédicue. Daje izói nana íaíoi mo ona orédicue Taife íaíoi náamatañellena, mei íadi Juzíñamui dibéfomo íaíoi jaináillena. Afe izói íaíoi mo ona orédicue cuemo íaíoi finollena. Iemona íaíoi mo ite fiénidífuiaí dóficaite. Afe fiénidífuiaína dóficaidino íaíoi feci raa máíñoitiaíoi naa jiáie Juzíñamui ñue finócamaciri,” daií Jesús cue ocuide.

**Nicaí anado Jesús íemo ocuícuaí Pablo jeire ote**

<sup>19</sup> ‘Mei jira, illaíma Agripa, monámona cue cacánafuena jámairuínedicue; mei íadi áfena jeire uano fueñe Damasco imácimo afe úrilla uai jino lloticue. <sup>20</sup> Afe meífomo Jerusalén comínimo daje izói nana judea éniédo llócaidicue. Afe izói jíái judíoñedinomo llócaidicue. Nana íaíoi mo itífuaí íaíoi meídollena riire lloticue. Iemona Juzíñamui dibénemo íaíoi íficaillena íaíoi llófueticue. Núefuaído íaíoi macállena lloticue íaíoi mo ite meídogafue jino ácatallena. <sup>21</sup> Afe bífuiaí cue llua ícoínia, judúuaí Juzíñamuimo gairíracomo cuena llaitada fáiacadiaíoi. <sup>22</sup> Mei íadi Juzíñamui cue cánuado nai biruimo ñue jáicadicue. Naga cómemo, illáicomini naa jamai comíniri Juzíñamuido úricaidicue. Moisés llua izói lloticue. Jaíai uai jino llóraíni llua izói llófueticue. Nana íaíoi lloga caímo ífcaítífuiaí jino lloticue. <sup>23</sup> Jaíai ninomo uícomo llotíaíoi:

“Cristo duere finólleza,” daidíai. “Afe meífomo tíite; tíillano meine abido cáate. Afe daí fueñe tídimiema meine abido cáaitimena maméllimieite.” Daí aféfuena daidíai. Afe emódomo jíáfue daide: “Cristo cáaillemona, comini jíilloillifue jino llóite. Ua cai náiraímo llóite. Daje izó jíáie náiraíana fidítaite,” —dinó Pablo úrite.

### Pablo Agripa Jesucristo dibénemo jainállena llote

<sup>24</sup>Daí Pablo afe abi ríduafue llua llezica, Festo caillíocana daide: —¡Pablo, o uáiritaidio! Aillo rábiai o facáduamona o ifoci uáritaide, —daide.

<sup>25</sup>Jira Pablo uai ote:

—Fígomie Festo, cue uáiricoñedicue. Mei jíáfodo cue daináuai ñue comécido facádorede. Aféfuiai uafue. <sup>26</sup>Benori illaíma Agripa ite, bífuiaí ñue onódimie. Ie jira comeci mánainafuedo afémie uíecori úriticue. Afémie nana bífuiaí ie onónana ñue onódicue. Afémie nana bífuiaí báinino izúgumo lloñégaza onode. <sup>27</sup>Illáima Agripa, ¿uai jino llóraíni llogáuaimo ínotio? O ínuana onódicue, —daide Pablo.

<sup>28</sup>Jira Agripa daide:

—¿Jesucristomo afe dibénemo cue jainállena raire cuena ífcaitaacadío? —daide.

<sup>29</sup>Jira Pablo íena daide:

—Raire Crístomo jaináidimiena o ífcaiaí, o are íllamona Crístomo jaináidimiena o ífcaiaí, nai birui Juzíñamui uailai ñue jeire o ollifue jíicadicue. Afe izóí dama óieñe deza mei íadi cue Jesucristomo ínuu izóí nana cue úrillamo cacáreidino Crístomo ñue ínotinona jítaídicue. Mei íadi llójeina cue máina izóí ómoína maitáacañedicue, —daide.

<sup>30</sup>Pablo aféfuiai llua meífomo, illaíma Agripa caífo náidacaide, afe caifóidillaíma Festo diga. Afe llezica ie ai Berenice nana dinó ráíiedino diga caífo náidacaidiaí. <sup>31</sup>Náidacaillano bai eneno jáidiaí aféfuiaido úrilla. Dinomo jofo conímana daidíai:

—Baie cómemo ie titállifuena íñede. Daje izóí llavéracomo ie llavéillinona íñede, —daidíai.

<sup>32</sup>Jira Agripa Féstona daide:

—Bímie nauí jamánomo ocuídillaíma íemo jícanollena jícañeniadi ja birui zuitárede, mei íadi báillaímamo jícadeza zuitánide, —daide.

### Pablo Rómamo oréinafue

**27** <sup>1</sup>Pablo Itáliamo oréillifuemo maméritiaí. Iemona Pablo naa jíáie llavécamiári jabóidillaíma Júliomo izájidiaí. Afémie Augusto llaizraíni igüéllimo jainaide. <sup>2</sup>Iemona Adramitio ígobemona áillue nocaedo jáizaidícaí. Afecae nana Asia énie ígobiaído zájicana ja jáizaide. Daje llezica Tesalónica ímie Aristarco caído jaide. Tesalónica

Macedonia énie jofue. <sup>3</sup>Afe jítiramoidiruido Sidón ígobemo dúcidicai. Afégobemo Julio iere caimare Páblomo úrite. Iemona Páblona rairuñeno ie onóigamiaina uáiduajitade. Afe daií ie onóigamiaina Pablo jitaica raana fecárediaioi. <sup>4</sup>Sidón ígobemona jáidicai. Jaillano monáillai cigi idu Chipre jarífezimo fiéicaidicai, mei jairifo jáífodo cai ñuitáocaillamona. <sup>5</sup>Dinómona Cilicia énie áinodo Panfilia énie diga baido monaillai cígido jaitádicai. Afe mei Licia éniemo ite Mira ígobemo zíjidicai.

<sup>6</sup>Dinomo llaizíraini illaima Alejandríamona bite, Itáliamo jáizaide áillue nocaena cóizaide. Afécaemo afémie caina nana jofo orede, afénomona afécaedo cai jáillena. <sup>7</sup>Dinómona diga irui ffaicana juare jáidicai. Icoimo Gnido jofue féifenemo dúcidicai. Mei jairifo nai jáífodo oni cai ñuitáocaillamona monaillai cigi idu Salmón féifenedo jáidicai. Ie jira monaillai cigi idu Creta onido nefícana jáidicai. <sup>8</sup>Afe monaillai fue áinodo ffaicana juare jáidicai. Icoimo Buenos Puertos mámeceiredinomo dúcidicai. Afégobe Lasés jofue áinori ite.

<sup>9</sup>Jae diga iruillai fia ffaicana jáidicai. Iemo ja uácimo áinozidicai. Iemona monaillai cígido cai jaitalle jamánomo jacírede. Ie jira Pablo íaioina izire llote; <sup>10</sup>daide:

—Cuemo úrillamo omoi cácarei. Bie cai ruica cai jaille onódicueza iere jacíreite. Cai uiga ráaniai niné táinocaite. Cai jaille nocáe daje izóí táinocaite. Daje izóí cai nibai coróbaizaiticai, —daide.

<sup>11</sup>Mei íadi llaizíraini illaima nocáe naama jáiacanafue Pablo dainafue baimo jeire ote. Daje izóí afecae illaima daina uai llaizíraini illaima jeire ote. <sup>12</sup>Afégobe uáiciai úiñollena figo jinoñede. Ie jira nana comécido daidíai: “Nibai Fenice ígobemo jáidicaina figura izoide,” daidíai. Afégobe Creta énie mona icoi dibénemo ite. “Afe dinomo uáici záillena úiñoiticai,” daidíai.

### **Monáillaimo jamánomo riírede jairifo noci diga jáiñufue**

<sup>13</sup>Afe jáíruido mona átue dinena jairifo ffaicana fúuoide. Jira áfemo finotiaioi ruica íaioi jáitallena. Afemona jáizaidicai. Afe Creta énie áinodo jáidicai. <sup>14</sup>Mei íadi due afe meífodo riírede jairifo cai jailla nocáe riire ñuitaíbite. Ua afecae riire aiñóicaide. <sup>15</sup>Mei cai jáiacananomo jáinina jira, “Dama jairifo niné uigacai,” daidíai. <sup>16</sup>Iemona duera monaillai cigi idu Claudia jinófenado jáidicai. Dinomo jairifo caina riire fúuoñede. Ie jira cai abído uiga dúecae, ffaicana juare caifo bitádicai. <sup>17</sup>Dúecae bita meífomo, áillocae jéerie ñécigaido riire jofo mozidicai. Afe mei guamáeaimo íaioi bíjizai dáii jacíruitiaioi. Afe guamáeai mámecei Sirte. Afe jágiedo íaioi ñuite vela daina áillue iniroi ana zúicoidiaioi, cai nocáe fia jairifo ffaicana úillena. <sup>18</sup>Afe jáíruido afe jairifo riire jaiñode. Ie jira íaioi uiga ráaie como fueñe afécaemona monáillaimo dócoidiaioi. <sup>19</sup>Ja daruíamani íllamo nocáe ero tájjina ráaniai daní cai ónoído

monáillaimo fádoïdicai. <sup>20</sup>Aféruillaïdo diga irui jitoma naa úcuai diga ciõñena. Dinomo afe riïrede jairifo llavécamiiai izói duere cai finode. Iemona nana jïlloïllena cai coméciinafuiai niné táinocaïde.

<sup>21</sup>Ja diga iruillaï güiñeno iticai. Ie jira Pablo íaïoi cigïmo naidáïllano daïde:

—Nana omoi cácarei. Naui Crétamona jáiñeiticai cue daina uaina jeire oñédiomoi. Afe cue daina uaina ñue ínotiomoinia bie izói duere zefuññedicai. Daje izói nana cai atica ráaniai niné táinocaiñede. <sup>22</sup>Mei íadi, birui omoi jacíruïñeno iri. Bie nocaena niné táinocaite mei íadi ómoïmona buna tíñeite. <sup>23</sup>Mei ja naïo Juzíñamui oreca ie abi ímie cuemo daiízaibite. Afe Juzíñamuïmo jáináïdimiedicue. Afe izói íemo táijïdimiedicue. <sup>24</sup>Afe oreca abi ímie cuena daïde: “Pablo, jacínaiñeno iri. Romano jamánomo ocuídillaïma uícomo náïdazaitioza. Ie jira o illa ícoïnia nana nocaedo odo jáïdinona Juzíñamui táïllinomona jïllotaite.” Dinó Juzíñamui oreca ie abi ímie cuena daïde. <sup>25</sup>Ie jira abí omoi mameri. Juzíñamui uaimo ínoticueza. Ie oreca ie abi ímie cuena daina izói bie cai duere zefuññafuemonã ñue jino jáiticaïza. Afe bífuena ñue onódicue. <sup>26</sup>Mei íadi benómonã daa monaïllai cigï ídumo jairifo caina nétaite, —daïde Pablo.

<sup>27</sup>Mena semana cai jailla meífodo daa naïo Adria monaïllai cai illa llezica, riïrede jairifo meïne abido caina úioicaïde. Iemo dáaferui illa llezica, marinéruai éniemo cai ánozillana comécido onódiaïoi. <sup>28</sup>Jira nié dinó afórede dainano facádiaïoi. Facádiaïoïmo treinta y seis metros afórede. Nane afe baimo dáanomo facádiaïoi. Ja veintisiete metros afórede. <sup>29</sup>Noficiaïmo íaïoi ñájizaïllana jacíruïllano moi dibécaemonã cuatro diga nocáe cuinara lloéllóicï monaïllai anamo dotádiaïoi. Afe mei comeci jacíruïoïcana monã monaïlle úiñotiaïoi. <sup>30</sup>Afe llezica afecã marinéruai “Bie áillocaemonã mai cai botallï” danï conímana daïdiaïoi. Afe daï íaïoi botácanamonã emódomo bitaca dúecã ana jáinoïmo agüñetiaïoi. Afe llezica jáïmacina jífueacana daïdiaïoi: “Bie dúecaedo áillocae ífo dibécaemo jáïe cuinara lloéllóicï dotaiticai,” daïdiaïoi. Daï afe nocáe ana agüñiãdo jífueriacadiaïoi. <sup>31</sup>Mei jira Pablo llaiízraïni illáïmamo naa ie llaiízraïniri lluaño daïde:

—Baimaci bie nocaemo fiébiñeno botáadi ómoïmonã buna jïlloñeïlleza, —daïde.

<sup>32</sup>Ie jira llaiízraïni dúecã agüina ñécigai jaitádiaïoi, afecã illemo baïllena.

<sup>33</sup>Afe monáïdemo Pablo íaïoïna daïde:

—Mai omoi güiri. Ja menã semana güiñédiomoi; íññediomoi.

<sup>34</sup>Izire ómoïna güitátaticue. Afe omoi güille jitáïrede ñue omoi jïlloïllena. Uafue ómoïmonã buna córobaiñeite. Daje izói omoi abímonã minícana due jiza báïñeite.



<sup>35</sup> Daií dainano, Pablo daa pan llínuano nana comini eróicana Juzíñamuina “Jere figura” daide. Daií ñiano afe pan ditade güite. <sup>36</sup> Afemona nana náreficaidiaioi. Afe daje llezica jiáino güitáioi. <sup>37</sup> Afe áillocamo doscientos setenta y seis dígamiedicaí. <sup>38</sup> Ja íaioi güíacaga güille güilla meífodo, fiévide trigo illemo dotádiaioi, afecae féecocaillena.

### Afecae buíllafue

<sup>39</sup> Jae monáidemo, afe éniena onóñediaioi, mei íadi guamai díga ñue itízuguaina ciódiaioi. Onóñegaza afénomo íaioi zijizaillena maméritiaioi. <sup>40</sup> Iemona afecae cuinaina lloéllóici igai jaitádiaioi. Afe lloéllóici monáillai anamo fiébicaide. Afecae datara jairábiai zuitádiaioi. Afe mei afecae uite iniroi ífófeceamo caifo jairífomo jónetiaioi. Iemona afecae oni guamáemo áinozioicaide. <sup>41</sup> Mei íadi mena meine ábiedo totínuaímo dúcidiaioi. Iemona afecae afénori ite guamáemo bíjide. Ífófece afe guamáemo jamánomo riire bíjide. Mei íadi móifecae nai ñue fairídemo, monaillai bagua niné llaizéraga. <sup>42</sup> Jira afécaemo ite llaizíraíni llavécamiíai fáiacadiaioi, “íihíi bótaitaioi” dainano. <sup>43</sup> Mei íadi afe llaizíraíni illaíma Julio Páblona jíllotaacade. Mei jira íaioina fatátañede. Jiáífodo ocuide nana íiana onódino illedo ícana raíre uícomo dúciillena. <sup>44</sup> Jiáímaci íiana onóñedino afe nocáe lláicoizillabici emódodo jáitate. Daií nana oni fuédamo dúcidiaioi. Afe daií ñue jíllodiaioi.

### Pablo monaillai cigi idu Máltamo dúcinafue

**28** <sup>1</sup> Nana ari éniemo ñue jíllobicaídicaímo, afe monaillai cigi idu, comini cai llúamona Máltana mámecirenana onódicaí. <sup>2</sup> Afedu nairai ñue caina llínotiaioi. Aillue irai bonódiaioi noci jáiñua rozírena jira. Aferai bónuana nana caina: “Mai omoi agáizaíbi” daide. <sup>3</sup> Afe llezica Pablo záfegai llínota aféraímo jóoniaide. Aferai uzire cácanamona titade jaio jino billano Pablo onoi ainide. <sup>4</sup> Afedu nairai afe jaio ie ónoímo agüínana cióillano, conímamo llotíaioi:

—Ñibai baie íima come fáfiredímie. Meiti monáillaimona ñue jillode íadi, Juzíñamui jaícina jóidífue nana comínimo onótaiacanamona íena raamo jíritate ie jíllóineillena, —daií daidíaioi.

<sup>5</sup> Mei íadi Pablo afe jaio iraimo jaidínota dotade; íena ñie izói ñibáíñede. <sup>6</sup> Nírui íena fáitaite dainano áfemo nana ocuírídiaioi. Jiáífodo ñino llezica íena ana dotada títaite daidíaioi. Mei íadi íena ja are úiñodiaíoímo nie izói íena ñibáíñede. Ie jira nano comécido íaioi daináuai jiáífodo meídotiaioi. Iemona bie Pablo Juzíñamui izóidímie daidíaioi.

<sup>7</sup> Afe áinori afedu illaíma Publio illánuaí ite. Dínomo daruíamani afe Publio caina ñue llínote. Cai jitaica raana ñue caímo fecade.

<sup>8</sup> Aféruillaído afe Publio moo irárede. Bírallumo diga irui bífirede, ie abi cuaríllari. Iemo jamánomo lluide. Afénomo Pablo íena uáiduaide. Dínomo Juzíñamuimo íena jícade. Daií ie jica mei Pablo onoi íemo bitade. Iemona afémie jíllobicaide. <sup>9</sup> Afena íaioi fidínamona nana afédumo ite iráredínuaí Páblomo atídíaoi. Iemona nana jíllozítíaoi. <sup>10</sup> Aferi íóbíllano aillo ñúefuaí caimo nitádíaoi. Afe mei nane dánomo cai jáiacanaruimo, nana cai jitaica ráaniaí caimo atídíaoi.

### Pablo Rómamo dúcinafue

<sup>11</sup> Afe monaillai cigi ídumo dauíamáni iticai. Afe meífodo, jíáie nocaena cióizaidicai. Afecae navi bie ídumo uáici zaille dino úíñote. Dínomona afecae jáillado ruica jáidicai. Afecae Alejandría jófueмона bite. Afecae ífomo mena taino juzíñamui uíecona cuega. Afe íaillinoi mámece Castór Pólux. Afecae aféillinoína náamaredena mameide. <sup>12</sup> Dínomona Siracusa ígobemo dúcidicai. Afégobero daruíamáni iticai. <sup>13</sup> Dínomona fueda áinodo Regio ígobemo jáidicai. Afe jíáiruio jairifo mona átue dinena bíllamona Régiomona jáidicai. Ja ménarui íllamona Puteoli ígobemo dúcidicai. <sup>14</sup> Afénomo ite ámatiaí cióizaidicai. Iaioi diga da semana cai íllena jícádíaoi. Afe mei ja Rómamo jáidicai. <sup>15</sup> Jae Rómamo ite ámatiaí cai bílláfueña ufcodo fidídíaoi. Ie jira io anamo conímamo caimo dúciíllena ufcómo bitíaoi. Conímamo íaioi dúcinano “Foro de Apiona” mameide. Jíáifodo daína, Apio iomo ite fecáriraco. Jíáino mámece “Tres Tabernas.” (Afe mámece dobáíñuano daína Daámani Dúcirachupi.) Afénuaímo Pablo éroicaillano Juzíñamuimo “fere figora” daide. Iemona Pablo comeci caimare íficaide.

<sup>16</sup> Ie mei Rómamo dúcidicaímo llaizíraíni illaíma Julio ie uiga llavécano rairuídino illáímamo izájide. Mei íadi Pablo oni eneno dama ícomo uiga. Afénomo daa llaizíraíma íena rairuide.

### Pablo Rómamo Juzíñamui uai jino llote

<sup>17</sup> Rómamo íaioi dúcinamona daruíamáni íllamona Pablo Roma judúuai ílláini jíiritade. Iaioi gairilla llezica Pablo íaioína daide:

—Amatiaí, judúuaímo fiénidífue lloñédicue. Afe izói cai jaiáidígíma fibíllafueña uáitaoíñédicue. Mei íadi Jerusalemo romano comínimo lláitano izájigacue. <sup>18</sup> Dínomo cuemo íaioi jícánua mei, cuena zuitáacadiaíoi cue íaioi titáíllífue íñena jira. <sup>19</sup> Mei íadi judúuai jíáifodo cuena zuitáañediaíoi. Ie jira romano jamánomo ocuídíllaíma cuemo jícánorena daidícue. Mei íadi afe llezica cue náíraímo cue jííallífueña íñede. <sup>20</sup> Mei jira omoi diga cue úrillena jíiritícue. Mei cai bie daje Israel náíraídícaí. Daje cai Mesías bíllífuemo coméidícaí; daje izói meine abido cai cáaíllífueño úíñoídícaí. Afe cai úíñoigafue ícoíniadi birui benó llavécame cue llavéinana ja ciódiomoíza.

<sup>21</sup> Jira íena daidíai:

—Jaca daabe o finócafuiai lluabe caimo dúciñede. Daje izói afénomona bite ámatiai judúuai o mámecido fiénidifuiaina nítaibiñediai. <sup>22</sup> O comeci fácafuiaimo cacáreacadícaí. Mei náganíaimo afe bie comue Jesumo jaináidinona onódicaiza uáitaoidiaí, —daí íena daidíai.

<sup>23</sup> Ie jira meine íaii cacáillirui mamédiai. Afe maméinaruimo aillo nairai Pablo illácomo nane gairízaibitiai. Jítiramonua nauzáidemo Pablo Juzíñamui illáimana illafue íaiiimo llote. Moisés ocuica uáillaído Pablo Jesús dibénemo íaiina ínotaacade. Afe llezica Juzíñamui uai jino llóraini cuega uáillaído Jesumo íaiina ínotade. <sup>24</sup> Dárie Pablo llogáfuemo ínuaidiaí, ie mei jáímaci ínoiacañediai. <sup>25</sup> Mei íadi nana dáafuemo coméciiñenamona raízitiai. Como raíacadiaiimo Pablo íaiina daide:

—Ñuera Joreño cai jáiáidigimacimo uai jino lloraima Isaíado ñue úrite. Afémie daide:

<sup>26</sup> Baimácimo bifue llujiri, daide:

Omoi uafue aféfuena cácaitiomoi íadi áfena ónoñeitiomoi.

Omoi uáfuena cíoiomoi íadi ñue fídiñeitiomoi.

<sup>27</sup> Mei bie comíni comeci meine fienu rírenamona bie ñúefuena óiacañediai.

Íaii ifoci jáíainamona fienu cacádiai.

Íaii újiaí nitáoidiaí daní íaii uído áfena íaii cíoi dáii.

Daje izói íaii jefodo cácañeilla jefo íbáidiai.

Afe izói comécido cacáacañediai.

Daje izói meine cuemo bíacañediai, íaii cue jíllotallena, —daí Isaías daide.

<sup>28</sup> Bifue omoi onoiri: birúfmona bie Juzíñamui lloga jíllotallena judíoñedimacimo llujiga. Aféfuemo afémaci ñue cacáreitiai, —daide.

<sup>29</sup> Pablo daí dáinamona, judúuai aillo conímamo úricana jáidiai.

<sup>30</sup> Afénomo Pablo ie íbaca jofomo mena fimona fuitade. Nana íemo ráfuiaí jicánuaibíredinona ñue caimare llínofirede. <sup>31</sup> Aféruillaído Pablo Juzíñamui illáimana illafue jino uáfodo comínimo llote. Afefue ie jino lolle rairuide cómena íñede. Daje izói Ocuíraíma Jesucristodo díga irui llófuerite. Aféruillaído ie llófuerilla buna llótaidoñede. Mai. Jae ñíe.